

11

AUGUSTISSIMO
INFANTI,
SERENISSIMO
DOMINO
D. ANTONIO,
POST DEXTERÆ OSCULUM,
ADDICTISSIMUS,
ET
OBÆRATISSIMUS SERVUS
AD GENUA PROVOLUTUS



D. D. D.

Deposited in Library

CONCLUSIONES THEOLOGO-CANONICAS

EX SELECTIORIBUS JURIS PONTIFICII TEXTIBUS

LEGITIME DEDUCTAS,

PRÆSIDE R. P. MAG. AC DOCT.

ANTONIO PEREYRA SOC. JESU,

Sacrae Theologiae Vesperario Professore,

DEFENSURUS

P. FRANCISCUS ANTONIUS

EJUSDEM SOCIET.

In Aula Theologiae Regii Artium Collegii Conimbricensis integra die hujus mensis.

DISPUTABITUR:

Utrum Divina Theologia Canonica Scientia subordinetur?

CONCLUSIO I.

AD TEXT. IN CAP. *Firmiter* 1. de *Summa Trinitate*, & *Fide Catholica*,
lib. 1. Decret. tit. 1.



DATUR in Deo Personarum Trinitas. 1. Quilibet ex tribus Divinis Personis est Deus, & omnes tres unus Deus. 2. Quamvis Deus vere dicatur Trinitus; non potest tamen dici triplex, aut multiplex. 3. Trinitatis mysterium non est contra rationem, seu lumen naturale. 4. Est verò supra ipsum naturale lumen, seu non potest naturaliter demonstrari evidenter, præcisa revelatione, aut illustratione supernaturali. 5. Imo neque probabiliter cognosci potest solo lumine naturali. 6. Etiam si supponatur Divina revelatio, non potest ratio naturalis investigare, aut invenire motiva naturalia demonstrativa hujus mysterii. 7. In Deo necessario admittuntur processiones reales ad intra, & una tantum Persona Divina impræducta. 8. Duæ omnino sunt in Trinitate processiones activæ. 9. Et totidem passivæ. 10. Processiones activæ distinguuntur realiter à passivis sibi oppositis. 11. Processiones activæ distinguuntur realiter inter se, non ita tamen processiones passivæ. 12. Processiones activæ distinguuntur realiter à passivis sibi oppositis. 13. Processiones activæ distinguuntur realiter à passivis sibi oppositis. 14. Processiones activæ distinguuntur realiter à passivis sibi oppositis. 15. Processiones activæ distinguuntur realiter à passivis sibi oppositis. 16. Processiones activæ distinguuntur realiter à passivis sibi oppositis. 17. Processiones activæ distinguuntur realiter à passivis sibi oppositis. 18. Processiones activæ distinguuntur realiter à passivis sibi oppositis. 19. Processiones activæ distinguuntur realiter à passivis sibi oppositis. 20. Processiones activæ distinguuntur realiter à passivis sibi oppositis. 21. Processiones activæ distinguuntur realiter à passivis sibi oppositis. 22. Processiones activæ distinguuntur realiter à passivis sibi oppositis. 23. Processiones activæ distinguuntur realiter à passivis sibi oppositis. 24. Processiones activæ distinguuntur realiter à passivis sibi oppositis. 25. Processiones activæ distinguuntur realiter à passivis sibi oppositis. 26. Processiones activæ distinguuntur realiter à passivis sibi oppositis. 27. Processiones activæ distinguuntur realiter à passivis sibi oppositis. 28. Processiones activæ distinguuntur realiter à passivis sibi oppositis. 29. Processiones activæ distinguuntur realiter à passivis sibi oppositis. 30. Processiones activæ distinguuntur realiter à passivis sibi oppositis. 31. Processiones activæ distinguuntur realiter à passivis sibi oppositis. 32. Processiones activæ distinguuntur realiter à passivis sibi oppositis. 33. Processiones activæ distinguuntur realiter à passivis sibi oppositis. 34. Processiones activæ distinguuntur realiter à passivis sibi oppositis.

A

CON.

CONCLUSIO II.

AD TEXT. IN CAP. *Damnamus* 2. eod. tit.

DANTUR in Deo tres omnino Personæ inter se realiter distinctæ. 2 In Deo non solum dantur tres Personæ in concreto, sed etiam tres personalitates, sive subsistentiæ relativæ in abstracto. 3 Personæ Divinæ constituuntur per naturam, & proprietates personales. 4 Personæ Divinæ distinguuntur formaliter, & positivè eisdem proprietatibus, quibus formaliter constituuntur. 5 Constitutum Divinarum Personarum in esse rei independentem à nostro concipiendi modo sunt ipsæ Divinæ personalitates secundum omnia prædicata in ipsis inclusa. 6 Quod nostrum verò inadequatum concipiendi modum Personæ Divinæ constituuntur in ratione Personæ per proprietatem personalem sub expressione solius hypostasis, sive subsistentiæ. 7 Præter tres subsistentias relativæ non admittimus in Deo subsistentiam absolutam. 8 Personæ Divinæ sunt omnino æquales in perfectione. 9 Catholica doctrina docet, ipsam Trinitatis Personam dici, & esse propriè Patrem, qui est fons, & origo totius Trinitatis. 10 Unde Pater dici potest absolutè principium, & author Trinitatis, non ita verò initium Personæ productæ. 11 Innascibilitas, prout excludit omnem producibilitatem, est proprietas solius Patris. 12 Secunda Trinitatis Persona verè, & propriè dicitur Filius. 13 Controversia est: Cûr potius secunda, quam tertia Persona sit Filius? Respondetur tamen, rationem esse, quia sola secunda Persona ex vi suæ processions primariò accipit Naturam Divinam, seu Divinam Intellectionem. 14 Solius Patris est imago Filius in Divinis. 15 Verbum Divinum procedit formaliter ex cognitione omnium, quæ necessariò sunt in Deo, adeoque ex cognitione Essentiæ, Attributorum, & omnium Personarum. 16 Procedit etiam ex cognitione omnium possibilem, & impossibilem. 17 Si autem inferas: Ergo etiam formaliter procedit ex cognitione contingentium? Negamus illationem. 18 Tertia Persona Trinitatis est Spiritus Sanctus, qui non solum à Patre, sed etiam à Filio realiter procedit. 19 Æquè ab utroque, & non prius, perfectiùs, principalis, magis propriè, aut immediatius ab uno, quàm ab alio. 20 Neque solum æquè, & eodem modo, sed ab utroque, ut ab unico principio. 21 Procedit nihilominus à Patre, & à Filio formaliter, ut à duobus suppositis. 22 Si per impossibile Spiritus Sanctus à Filio non procederet, ab illo realiter non distinguëretur. 23 Ex hoc tamen non sequitur, quòd, si Spiritus Sanctus à solo Filio procederet, & non à Patre, etiam à Patre non distinguëretur.

CONCLUSIO III.

AD TEXT. IN CAP. *Canonum statuta* 1. de *Constitutionibus*, lib. 1.
Decret. tit. 2.

LEX definitur: *Ordinatio rationis ad bonum commune ab eo, qui curam habet communitatis, promulgata.* 2 Constitit formaliter, & adæquatè in solo actu voluntatis, quo legislator vult subditos obligare. 3 Maior difficultas est: In quo consistat formaliter lex Naturalis? Probabilior nobis videtur sententia docens consistere in actu voluntatis Divinæ præcipiente id, quod est naturæ rationali consonum, & prohibente id, quod est ipsi naturæ dissonum. 4 Quæ tamen voluntas Divina creaturis rationalibus per dictamen rationis notificatur. 5 Lex propriè talis debet scribi pro aliquâ communitate perfecta. 6 Lex debet respicere bonum commune. 7 De ratione legis est, quod sit perpetua, saltem negativè. 8 Dubium est inter Juristas, & Theologos: An lex debeat esse scripta? Theologus negantibus subscribimus. 9 Lex non habet vim obligandi, nisi promulgetur. 10 Sufficit, quòd leges Pontificiæ promulgentur in Curia Romana, ut obligent universum orbem Ecclesiæ subiectum, nisi forte leges ipsæ aliud decernant. 11 Leges Pontificiæ non requirunt bimestre lapsum à die promulgationis factæ, ut obligare incipiant eos, qui earum notitiam habent, nisi aliud in ipsis legibus exprimatur. 12 Ut leges Cæsareæ latæ pro pluribus provinciis singulos obligent, requiritur promulgatio in qualibet. 13 Pontifex habet potestatem ferendi leges obligantes subditos independentem ab illorum acceptatione. 14 Lex Pontificia, & quælibet alia lex Ecclesiastica de facto dependet ad obligandum ab acceptatione subditorum, quando habent rationabilem causam ad renuendum legi. 15 Lex Pontificia de facto non dependet ab acceptatione subditorum, qui non habent rationabilem causam ad non acceptandam legem. 16 Lex Civilis obligat subditos independentem ab illorum acceptatione, nisi sit observantia nimis difficilis, & detur in subditis causa rationabilis non acceptandi. 17 Lex non potest præcipere rem injustam, & moraliter malam. 18 Non requiritur tamen, quòd materia sit de se positivè iusta, & honesta, sed sufficit, quòd sit indifferens, dummodo sit utilis ad bonum commune, & ordinetur ad finem honestum. 19 Lex humana Civilis, aut Ecclesiastica potest præcipere actus internos, qui sunt necessarij ad esse morale actionis externæ, & qui sunt veluti formæ constituentes cum actione externa esse morale, v. g. rationem contractu. 20 Lex Canonica potest præcipere actum internum mixtum, qui dat aliquod esse morale actioni externæ, quamvis sine tali actu actio externa absolutè existeret in esse morali.

21 Anverò lex Ecclesiastica, aut Civilis possit directè præcipere actus purè internos? Probabilior est resolutio negativa. 22 Lex humana potest obligare in conscientia. 23 Legislator non potest obligare sub gravi in materia levi. 24 Potest vero in materia gravi obligare tantum sub levi. 25 Leges Civiles penales non obligant in conscientia, nisi legislator id exprimat.

CONCLUSIO IV.

AD TEXT. IN CAP. *Cum omnes* 6. ET CAP. *Ecclesia Sanctæ Mariæ* 10. cod. tit.

LEGISLATOR non tenetur suis legibus quoad vim coactivam; atque adeo non fit obnoxius poenæ per legem suam statutæ contra transgressores, cū ipse talem legem non observet. 2 Legislator tenetur ad observantiam suarum legum in conscientia, & quoad vim directivam. 3 Huiusmodi obligatio in legislatore ad observandas suas leges non oritur proximè, & directè à virtute, & efficacia ipsius legis humane, sed solum indirectè, quatenus occasione legis latæ directè obligatur per jus naturale se cum subditis conformare, atque exemplo præire. 4 Legislator, secluso scandalo, aut detrimento alterius, non obligatur graviter ex iure naturali ad observandas suas leges, etiam si illarum materia gravis sit, & obligent subditos sub gravi. 5 Lex non obligat existentes extra territorium legislatoris. 6 Idem dicendum est respectivè ad locum exemptum, quamvis hic contineatur materialiter intra diocesim, seu territorium legislatoris particularis. 7 Si in Parochia Petri v. g. sit dies jejunii, & in Parochia, ad quam eodem die moraliter certò pervertitur sit, dies jejunii non sit, non potest manere, antequam proficiscatur, carnes comedere, licet possit alios cibos edere. 8 Si in Parochia Petri v. g. sit dies festus, & in alia non, potest transire ad aliam Parochiam, ut exerceat opera servilia, nec tenetur audire Sacram ante egressum, si egrediatur primo mane, & plures Missæ sint celebrandæ usque ad meridiem. 9 Peregrini, & sordescens, si accedant ad aliud territorium animo ibi perpetuò commorandi, vel per maiorem partem anni, tenentur legibus illius loci. 10 Licet peregrini non accedant ad acquirendum domicilium, vel quasi domicilium, obligantur ad leges, conditiones, & solemnitates circa contractus constitutas illo loco, ita ut, si aliter fiant contractus, sint illiciti, vel etiam irriti. 11 Peregrinus tenetur servare leges Juris Communi in loco, ubi vigent, esto in sua patria, seu in loco sui domicilij fortè non sint in vigore ob contrariam consuetudinem. 12 Idem dico de legibus, & statutis particularibus, si vigent eodem tempore in loco discessus, seu territorij proprii. 13 Peregrinus etiam tenetur legibus territorij, per quod fit transitus, quando illarum transgressio cederet in speciale damnum ejusdem territorij. 14 Absolutè tamen loquendo, peregrini non tenentur legibus particularibus alieni territorij, antequam acquirant domicilium, vel quasi domicilium. 15 Vagi tenentur legibus locorum, per quæ transeunt. 16 Ecclesiastici non tenentur legibus Civilibus quoad vim coactivam. 17 Ecclesiastici tenentur in conscientia observare leges Civiles nullatenus ledentes libertatem Ecclesiasticam. 18 Controversia est: Utrum Ecclesiastici obligentur directè ab huiusmodi legibus Civilibus? Probabilior est resolutio negativa.

CONCLUSIO V.

AD TEXT. IN CAP. *Ut animarum* 2. cod. tit. in 6.

INDUBITATUM est, potestatem ferendi leges Canonicas principaliter inesse Summo Pontifici, Petri successori. 2 Habet autem Pontifex hanc potestatem immediatè à Christo D. 3 Neque in hac sua potestate dependet Pontifex à Concilio, vel à consensu Cardinalium. 4 Episcopus electus, & confirmatus, licet non consecratus, habet facultatem ferendi leges Ecclesiasticas. 5 Episcopus non indiget consensu Capituli, vel Cleri Diocesani ad leges ferendas. 6 Imò nec indiget Episcopus consensu Capituli, vel Cleri Diocesani ad diem festum stabilem instituendum, saltem in Lusitania. 7 Consultus tamen id faciet Episcopus cum consensu Cleri, & populi, saltem negativo. 8 Episcopi accipiunt suam jurisdictionem immediatè à Pontifice. 9 Archiepiscopi, Primates, & Patriarchæ non possunt leges condere pro tota Provincia, & Diocesibus suffraganeis, nisi in Concilio Provinciali. 10 Legati Apostolici possunt leges Ecclesiasticas condere pro sua Provincia duraturas, donec à Summo Pontifice, vel à Iussore revocentur. 11 Cardinales solum possunt leges condere in Ecclesiis sui tituli, non verò extra suas Ecclesias. 12 Sede Romana vacante, non potest Collegium Cardinalium leges condere. 13 Concilium generale, si accedat auctoritas Summi Pontificis, potest condere leges, quæ obligent universam Ecclesiam. 14 Concilia Nationalia, Provincialia, & Synodalia habent potestatem condendi leges. 15 Capitulum Cathedrale, vivente Episcopo, nequit leges condere obligantes totam Diocesim. 16 Potest tamen, & quidem absque consensu Episcopi sui, ferre leges, & statuta, quibus obligentur ipsiusmodi Capitulares. 17 Item potest, Sede vacante, leges ferre obligantes totam Diocesim, donec ab Episcopo futuro revocentur. 18.

Summus Pontifex potest condere leges Civiles pro terris sibi temporaliter subiectis. 19 Summi Pontifex non habet potestatem Civilem directam pro toto orbe, neque etiam pro orbe Christiano: habet tamen indirectam. 20 Imperator non habet dominium jurisdictionis in universum orbem. 21 Imperator potest ferre leges in omnes provincias sibi subditas. 22 Omnes Reges habentes premam potestatem possunt ferre leges Civiles. 23 Regine Titulares non possunt ferre leges. 24 Regine Hereditarie possunt ferre leges non solum, dum sunt in statu libero à vinculo matrimonii, sed etiam, quando sunt conjunctæ. 25 Communitates Sæculares, si habeant supremam jurisdictionem, possunt ferre leges.

CONCLUSIO VI.

AD TEXT. IN CAP. *Super literis* 20. de *Rescriptis*, lib. 1. Decret. tit. 3.

RESCRIPTUM strictè acceptum definitur: *Responsum à Principe in scriptis datum ad alterius consultationem, relationem, vel supplicationem.* 2 Dividitur præcipue in Rescriptum Gratiae, Justitiæ, & Mixtum. 3 Rescriptum Pontificium ab eo communicato impetratum regulariter est invalidum, & ipso Jure nullum. 4 Quod intelligendum est, etiam si sit toleratus. 5 Rescriptum Justitiæ regulariter nemo impetrare potest pro alio, nisi instructus sit speciali mandato. 6 Rescriptum sic impetratum ipso Jure est irritum. 7 Si autem queras: Utrum speciale mandatum principalis requiratur etiam ad Rescripta Gratiae? Respondemus negativè. 8 Forma in Rescriptis præscripta nec cessario est observanda. 9 Nec sufficit formam in Rescripto datam per aliud æquipollens impleri. 10 Rescriptum vitatur, si per fraudem, vel malitiam exprimitur falsitas, aut veritas suppressatur. 11 Rescriptum Justitiæ dolo impetratum non est ipso Jure nullum, sed solum irritandum ope exceptionis. 12 Aliud dicendum de Rescriptis Gratiae. 13 Quando per simplicitatem, vel ignorantiam talis exprimitur falsitas, vel taceatur veritas, quæ cognita, Pontifex negaturus fuisset Rescriptum, obreptio, vel subreptio vitat Rescriptum tam Justitiæ, quàm Gratiae. 14 Quando suppressa veritas, aut expressa falsitas talis est, ut, ea cognita, adhuc Pontifex concessurus fuisset Rescriptum, non vitatur Rescriptum Justitiæ. 15 Idem censo de Rescripto Gratiae. 16 Vitata una parte Rescripti per obreptionem, vel subreptionem, non vitatur pars altera, quæ à vitata est separabilis. 17 Quando Rescriptum tendit in favorem solius impetrantis, potest hic eidem renuntiare, etiam si emanasset motu proprio Principis. 18 Si Rescriptum continet favorem plurium, quilibet potest eidem renuntiare, quatenus continet favorem suum, nec ledit favorem alterius. 19 Quando Rescriptum emanavit pro bono publico, licet ad alieujus instantiam, non potest eidem impetrator renuntiare. 20 Rescripta Justitiæ, seu ad lites, expirant morte concedentis, quando res adhuc est integra. 21 Quod intelligendum est, etiam si Delegatus ignoret mortem Delegantis, seu concedentis Rescriptum, dummodo non concurrat simul error communis. 22 Rescripta Justitiæ re integra expirant etiam cessatione officii ipsius concedentis per renuntiationem, vel depositionem, aut translationem ad aliam dignitatem. 23 Ut res desinat esse integra, sique perpetuetur valor Rescripti ad lites, requiritur, ac sufficit citatio partis ante obitum concedentis facta. 24 Utrum verò sufficiat, citationem ante obitum concedentis à Delegato emanatam esse, tametsi hæc ad partes nondum pervenerit? Affirmamus. 25 Rescripta Gratiae, seu ad Beneficia, non expirant morte concedentis, etiam re integra, quando continent gratiam factam. 26 Secus dicendum, si continent gratiam faciendam. 27 Rescriptum Papale, & quæcunque gratia concessa sub clausula *Usque ad beneplacitum nostrum* per mortem concedentis ipso facto expirat. 28 Rescriptum Gratiosum, si ve gratia concessa sub clausula *Usque ad beneplacitum Sedis Apostolicæ*, vel *Dumce revocavero*, durat perpetuè, nisi à concedente, vel successore ipsius revocetur. 29 Nec expirat morte concedentis.

CONCLUSIO VII.

AD TEXT. IN CAP. *Cum consuetudinis* 9. ET CAP. FINAL. de *Consuetudine*, lib. 1. Decret. tit. 4.

CONSUETUDO usurpata pro facto sæpius repetito definitur: *Legitima frequentia operandi liberè eodem modo.* 2 Consuetudo verò sumpta pro jure orto ex consuetudine usurpata pro facto sic definienda est: *Ita quoddam moribus institutum, quod pro lege suscipitur, cum deficit lex.* 3 Consuetudo dividitur in eam, quæ est secundum legem, præter legem, & contra legem. 4 Nequit induci à particularibus personis. 5 Ad consuetudinem inducendam contra legem non requiritur bona fides. 6 Consuetudo, quæ vim legis habet, debet esse rationabilis, & legitimè præscripta. 7 Irrationabilis est consuetudo, quæ juri naturali, aut Divino adversatur, aut à Jure Canonico reprobatur, vel peccandi licentiam, seu occasionem præbet, aut bono communi perniciosa est. 8 Prudentis Judicis arbitrio relinquendum est, num hæc, vel illa consuetudo sit rationabilis, necnè. 9 In dubio præsumitur consuetudo rationabilis, ac bono communi expediens. 10 Lex derogatoria consuetudinis sub clausula, *Nulla obstat.*

obstante consuetudine, tollit consuetudines præfentes, non futuras; ideoque nihil obstat, adverstas-
 lem legem induci consuetudinem de novo. 11 Ad inducendam consuetudinem *Fit contraria*,
 id est, Principe sciente, ac tolerante, cum facile posset resistere introductioni consuetudinis contra-
 riæ, eamque prohibendo subditos cogere ad obviandam legi, probabilius est, non requiri deter-
 minatum tempus. 12 Ad consuetudine contra legem Civilem via præscriptionis inducendam requiri-
 tur, & sufficit decennium. 13 Sufficit etiam decennium ad inducendam consuetudinem contra
 Jus Canonicum, aut Constitutiones Ecclesiasticas. 14 Omnis, ac sola communis, quæ potest gu-
 bernari legibus scriptis, potest legalem pro se consuetudinem introducere. 15 Actus inductivi con-
 suetudinis necessario debent esse externi, ac publici per usum iteratum, & actum frequentem.
 16 Debeat actus inducivi consuetudinis esse plenè voluntarii, non metu, aut dolo obtenti. 17
 Consuetudo debet esse non interrupta. 18 Consuetudo jam completa non revocatur per unicum
 actum contrarium. 19 Ut consuetudo vim legis habeat, vel antiquam abroget, requiritur consen-
 sus legislatoris. 20 Sufficit consensus legalis: non requiritur consensus ullus personalis, tam in con-
 suetudine Civili, quàm Canonica. 21 Potest consuetudo abrogare legem imponentem penam ipso
 facto. 22 Item potest consuetudo abrogare legem quoad culpam, non abrogando legem quoad
 poenam. 23 Lex irritans potest per consuetudinem contrariam abrogari. 24 Lex pure prohibiti-
 va, vel revocatoria consuetudinis contrariæ potest abrogari per subsequentem consuetudinem.
 25 Secus dicendum de lege consuetudinis reprobativa. 26 Consuetudo legitime completa potest
 abrogari, seu tolli per aliam consuetudinem sibi contrariam.

CONCLUSIO VIII.

AD TEXT. IN CAP. *Ad hæc* 1. de *Postulatione Prælatorum*, lib. 1. De-
 cret. tit. 5.

POSTULATIO Prælatorum est *Alicujus Personæ ad Prælaturam, seu dignitatem*
Ecclesiasticam erga superiorem directæ petitio, ut eam dispensatè admittere velit.
 1 Dividitur in solemnem, & simplicem. 2 Postulatio solemnis, postquam admissa
 est à Superiore, vim habet electionis confirmatæ, ita ut postulatus emne jus conse-
 sequatur, perinde, ac si fuisset electus, & confirmatus. 4 Postulatio ante admissi-
 onem nullum jus tribuit postulato. 5 Postulatio non solemnis potest cum solemni
 aliquando concurrere. 6 Illi solum postulare possunt solemniter, qui ob impedimentum Canoni-
 cum non possunt eligi. 7 Episcopus tantum electus potest eligi ad aliam Ecclesiam, si nihil aliud
 obstat, esto in electionem consenserit. 8 Episcopus unius Ecclesiæ, si confirmatus est, esse non
 consecratus, ad aliam Ecclesiam, seu Episcopatum eligi non potest, sed debet postulari. 9 Idem
 dicendum de Cardinali Episcopo. 10 Si vero Cardinalis sit Presbyter, aut Diaconus, etiam postu-
 lari debet, sed non solemniter. 11 Prælati Episcopo inferiores non debent postulari solemniter ad
 Episcopatus, aliasque Prælaturas. 12 Potestas postulandi competit omnibus, qui habent jus eli-
 gendi. 13 Postulantes possunt variare, seu recedere à Postulatione, antequam Postulatio subscr-
 iptionibus postulantium munita, & Superiori præsentata sit; non autem postea. 14 Electio tamen
 post publicatum scrutinium revocari nequit ab eligentibus. 15 Postulatio simplex debet dirigi ad
 eum superiorem, cui postulatus immediate subest. 16 Si Postulatio fiat solemniter, institui debet ad
 eum, qui fieri deberet confirmatio, si præcessisset legitima electio, modò super impedimento, quod
 postulatus habet, potestatem habeat dispensandi. 17 Si Postulatio, vel omnium, vel saltem duarum
 Capituli partium suffragiis, ob necessitatem, vel utilitatem Ecclesiæ facta sit, tenetur Superior ad
 eam admittendum ex debito officii; non tamen ex obligatione Justitiæ strictæ sumptæ. 18 In Po-
 stulatione solenni, secluso speciali Jure, observari debet forma electioni præscripta, quoad ea, quæ
 istius nature non adferantur. 19 Si autem quæras: an eadem persona simul eligi, & postulari pos-
 sit? Negativam sententiam amplectimur. 20 Postulatio non prævalet electioni, quando cum illa
 concurrat, nisi suffragia postulantium duplo plura sint, quàm eligentium. 21 Qui scienter postu-
 lant aliquid, qui ob vitium, vel defectum indispensabilem postulari nequit, pro eadem ipso Jure,
 & facto privati sunt potestate postulandi. 22 Eandem poenam incurrunt casu, quo Postulatio-
 nem personæ indignæ à superiore cassatam, & reprobata renovant, aut repetant.

CONCLUSIO IX.

AD TEXT. IN CAP. *Nullus* 1. CUM ALIIS, de *Electione, & Electi potestate*,
 lib. 1. Decret. tit. 6.

ELECTIO strictè, seu propriè accepta definiri solet: *Persona idoneæ ad Eccle-
 siæ vacantis dignitatem Pastoralis per vota Capitularium, & aliorum, quibus jus
 eligendi competit, canonice facta vocatio.* 1 Jus eligendi, sive electio Prælatorum
 de Jure Communi spectat ad Capitulum, Collegium, seu Communiatem, cujus
 Prælatas est eligendus. 3 Potest tamen jus eligendi acquiri Clericis extraneis ex
 privilegio Papali, aut ex consuetudine. 4 Per nullam, etiam immemorialis temporis, consu-
 etudi-

etudinem potest laicis acquiri jus eligendi Prælatum Ecclesiasticum. 5 Canonici ad Ordinem Sacrum promotus ante electionem, ad suffragium in hac ferendum admitti debet. 6 Qui ante legitimam ætatem ex dispensatione Apostolica Sacro Ordine initiatus est, censetur habilitatus ad dandum suffragium. 7 Electio Canonica, & acceptata, ante confirmationem superioris non tribuit jus in re, sed tantum jus ad rem respectu Prælatuæ. 8 Electis ante obtentam confirmationem prohibita est administratio Prælatuæ. 9 Nec valet consuetudo administrandi ante confirmationem. 10 Electus, si ante obtentam confirmationem se administrationi committere præsumpserit, privatur jure ex electione sibi quæsito. 11 Dantur tamen aliqui casus, in quibus electus potest administrare ante obtentam confirmationem. 12 Forma electionis est triplex, nempe forma Scrutini, Compromissi, & Inspirationis. 13 Electus ad clamorem populi non debet per Superiorem confirmari. 14 Ut electio per viam Compromissi locum habeat, requiritur consensus omnium vocalium. 15 Compromittentes tenentur recipere electum à Compromissariis, dummodo servata fuerit forma Compromissi, simulque idoneum elegerint. 16 Quando Compromissarius eligit idoneum, sed is consentire renuit, jus eligendi revertitur ad Compromittentes. 17 Si sint plures Compromissarii, possunt eligere unum ex se ipsis, etiamsi id in Compromisso non sit expressum, dummodo non fuerit expresse prohibitum. 18 Ad electionem celebrandam convocari debent omnes jus eligendi habentes. 19 Certum est, ad Prælaturas, aliaque beneficia Ecclesiastica, non nisi dignos, atque idoneos esse eligendos, seu promovendos. 20 Invalida est, atque ipso jure irrita electio indigni. 21 Si fiat electio digni, prætermisso digniori, valida est in foro interno, & externo, nec rescindi potest. 22 Electores tenentur, quam citius commode possint, electionem præsentare electo, ejusque consensum requirere. 23 Summus Pontifex eligi potest, vel per Inspirationem, vel per Compromissum, vel per Scrutinium. 24 Cardinales in Conclavi præsentem non possunt unanimiter convenire in eo, quod valeat electio Summi Pontificis per Scrutinium celebrata, in quam maior solum suffragantium pars consenserit. 25 Electus in Summum Pontificem potest administrare ante coronationem.

CONCLUSIO X.

AD TEXT. IN CAP. *Inter corporalia* 2. ET CAP. *Quanto* 3. de *Translatione Episcopi*, lib. 1. Decret. tit. 7.



ERTUM est, inter Episcopum, ejusque Ecclesiam dari verum conjugium spirituale, quod per electionem inchoatum, per confirmationem ratum, per consecrationem verò consummatum, five perfectum censetur. 2 Vinculum matrimonii spirituales, quo Episcopus suæ Ecclesiæ obligatur, est de jure Divino indissolubile. 3 Translatio Episcoporum sola auctoritate Romani Pontificis fieri potest. 4 Episcopus propria auctoritate ad aliam Ecclesiam transiens priorem Ecclesiam non amittit ipso jure, & facto, sed in pœnam temeritatis ea per sententiam Judicis condemnatoriam est privandus. 5 Quod intelligendum est, non solum de Episcopo consecrato, sed etiam de electo confirmato, licet nondum sit consecratus. 6 Episcopus Religionem ingrediens absque Summi Pontificis licentia graviter peccat. 7 Utrum verò professio sic facta valida sit? Affirmandum. 8 Parochus, & quilibet alius Beneficiatus potest, contradicente Episcopo, Religionem ingredi. 9 Electus in Episcopum ante confirmationem potest renuntiare absque Papæ licentia. 10 Translatio Episcopi regulariter fit à minore ad maiorem Ecclesiam. 11 Translatio Episcopi canonicè facta dissolvit sœdus conjugii spiritualis, quod est inter Episcopum translatum, & priorem suam Ecclesiam. 12 Episcopus ab una ad aliam Ecclesiam translatus contrahit novum spirituale conjugium cum Ecclesiâ, ad quam transtertur. 13 Episcopus confirmatus, & nondum consecratus non potest transferri in aliam. 14 Si Episcopus jam consecratus nolit consentire translationi per Pontificem factæ, non potest involens alligari alteri Ecclesiæ. 15 Cogi tamen potest per censuras, ut consentiat, & ex nolente fiat volens, id exigente, vel necessitate, vel utilitate Ecclesiæ. 16 Quando Episcopus transtertur sciens, & volens, illico vacat prior Episcopatus à die translationis factæ in Curia, seu Consistorio Papæ. 17 Si transtertur Episcopus absens, & ignorans, statim incipit vacare prior Ecclesiâ post scientiam, & consensum à translato præstitum, nisi secus exprimat. 18 Translatio Prælatorum Episcoporum inferiorum, si sint exempti, solum potest fieri auctoritate Papæ. 19 Si autem Prælati non sint exempti, transferri possunt auctoritate proximi superioris, seu proprii Episcopi. 20 Quod si Ecclesiâ, ad quam fit translatio, sita sit in aliena Diocesi, necessarius erit consensus utriusque Episcopi. 21 Si quæras: Utrum Capitulum, Sede vacante, possit facere translationes Prælatorum, quas facere poterat jure ordinario Episcopus? Affirmat communis, & probabilior sententia.

CON-

CONCLUSIO XI.

AD TEXT. IN CAP. *Cum super* 1. CAP. *Ad hoc* 2. CAP. *Nisi specialis* 3.
CUM ALIIS, *de Autoritate, & usu Pallii*, lib. 1. Decret. tit. 8.

PALLIUM est præcipuum insignis, & ornamentum Archiepiscoporum, ac Superiorum Episcoporum, ut sunt Primates, Patriarchæ, ac ipsemet Papa. 2. Dicam, cur Pallium dicatur sumptum de corpore Beati Petri. 3. Pallium à solo Romano Pontifice confertur. 4. Archiepiscopus non fortitur nomen Archiepiscopi, licet sit consecratus ante Pallii receptionem. 5. Plenitudo Pontificalis, sive Archiepiscopalis Officii transferetur per Pallium. 6. Hæc plenitudo consistit in eo, quod Archiepiscopus post Pallium acceptum exercere possit omnes actus, qui sunt jurisdictionis, & Ordinis. 7. Solus Romanus Pontifex in omnibus Missarum solemnibus semper, & ubique Pallio utitur. 8. Archiepiscopi, & alii Pallii usum habentes, secluso speciali privilegio, eo uti possunt in solis Ecclesiis. 9. Quamvis Archiepiscopus Pallio uti possit intra omnes Ecclesias suæ Provinciæ, non tamen potest eodem uti extra Missarum solemnibus. 10. Secluso speciali privilegio, debet Archiepiscopus celebrare absque Pallio Missam pro defunctis, quoties pro his incrementum Deo sacrificium offerre satagit. 11. Archiepiscopus extra suam Provinciæ Pallio uti non potest. 12. Nulla consuetudine, etiam immemoriali, induci potest, ut Archiepiscopus extra suam Provinciæ gestet Pallium. 13. Ex speciali tamen privilegio Sedis Apostolicæ potest concedi Archiepiscopo, ut extra Provinciæ suam Pallio uti possit. 14. Si Archiepiscopus velit uti hoc privilegio, necessarius est consensus Ordinarii illius loci, & Metropolitanus illius Provinciæ. 15. Utrum vero possit Archiepiscopus Pallio uti, & in Pontificalibus celebrare in loco exempto, huius proprio Rectore invito? Affirmantibus subscribimus. 16. Non potest Archiepiscopus commodare Pallium suum alteri Archiepiscopo, licet illum possit invitare ad celebrandum in sua Diocesi. 17. Si Archiepiscopus à sua Metropolitana Ecclesia per Summum Pontificem transferatur ad aliam, non potest in hac posteriori Ecclesia uti eodem Pallio, quo in priori usus est, sed debet obtinere novum Pallium. 18. In dicto casu translationis Archiepiscopi Successor translati nequit uti Pallio Prædecessoris sui. 19. Unde transiens Archiepiscopus illud secum transferre debet, & cum eodem sepeliri. 20. Ita tamen, ut ultimo Pallio induatur corpus ejus, & primum supponatur capiti ipsius, vel super corpus ejus ponatur.

CONCLUSIO XII.

AD TEXT. IN CAP. *Nisi cum pridem* 10. CUM ALIIS, *de Renuntiatione*, lib. 1.
Decret. tit. 9.

RENUNTIATIO definitur: *Spontanea beneficii Ecclesiastici dimissio à legitime superiore acceptata.* 2. Dividitur in expressam verbo, vel scripto factam, & tacitam, quæ fit per aliquem actum ad renuntiandum accommodatum. 3. Valida est renuntiatio beneficii extorta metu gravi injustè incusso, quamvis sit rescindenda. 4. Renuntiatio dolo extorta valida est ipso jure, nisi dolo versetur circa substantiam ejusdem, quamvis ad instantiam renuntiantis, si hic dolum probaverit, sit rescindenda. 5. Summus Pontifex potest renuntiare Papatui absque consensu Cardinalium. 6. Utrum vero saltem virtute renuntiationis possit Episcopus suam Ecclesiam propria autoritate dimittere? Negativè resolvimus. 7. Facta renuntiatione pura, & à superiore admissa, non est locus pœnitentiæ, sed resignans potest compelli, etiam invitatus, ad dimittendam possessionem beneficii. 8. Potest nihilominus is, qui beneficium resignavit, redire ad idem beneficium ex novo titulo superveniente. 9. Clericus nequit resignare beneficium, nisi aliunde habeat, unde sustentetur. 10. Beneficium litigiosum, lite pendente, non potest alteri resignari. 11. Potest tamen quis simpliciter cedere beneficium litigioso, aut liti renuntiare. 12. Invalida est resignatio beneficii, quo quis ob aliquod crimen ipso jure privatus est. 13. Si autem quæras: An criminofus possit alteri resignare beneficium suum, quando ob crimen non est privatus ipso jure, sed solum privandus per sententiam? Respondemus affirmativè. 14. Resignatio, quomodocunque sit nulla, seu invalida, non abdicat à resignante jus respectu beneficii. 15. Similiter non abdicatur jus beneficii per resignationem simoniacam. 16. Nihilominus simoniace resignans beneficium in poenam tanti criminis potest eodem per Judicem privari. 17. Post resignationem à superiore admissam, & perfectam, Clericus resignans nequit ulterius percipere fructus beneficii resignati. 18. Et, si fecus attentaverit, tenetur ad restitutionem. 19. Spectato jure communi, fructus pendentes beneficii non pertinent ad resignantem, neque pro rata temporis sunt dividendi, sed debent in utilitatem Ecclesiæ expendi, aut futuro successori conservari. 20. In praxi oportet attendere ad locorum speciale consuetudinem. 21. Nomine fructuum solum intelliguntur illi, qui superflui, deductis expensis. 22. Unde, quando beneficiarius resignat, vel etiam moritur, postquam agros sui beneficii jam aravit, licet fructus nascenti solo cedant.

cedant, sicque successori debeantur; tamen pretia seminis, atque impensarum à successore repeti possunt, ac solvi debent.

CONCLUSIO XIII.

AD TEXT. IN CAP. *Subdiaconus* 1. CAP. *Sane* 2. CAP. *De eo* 3. CUM ALIIS, de *Temporibus Ordinationum, & Qualitate Ordinandorum*, lib. 1.

Decret. tit. 11.

QRDO sic bene definitur: *Sacramentum, quo specialis potestas traditur in ordine ad Eucharistiam.* 1. Septem communiter enumerantur Ordines, scilicet Ostiarius, Lectoratus, Exorcistatus, Acolytatus, Subdiaconatus, Diaconatus, & Presbyteratus. 3. Dicuntur, & sunt posteriores Sacri, & Maiores; priores verò dicuntur, & sunt Minores. 4. Non solum Ordines Maiores, sed etiam Minores sunt Sacramentum novæ legis. 5. GRAVIS controversia est inter Theologos, & Canonistas: Utrum prima tonsura sit Ordo? Resolvimus tamen cum Theologis, propriè non esse Ordinem, sed præparationem ad Ordines. 6. Episcopatus est Ordo distinctus à simplici Sacerdotio. 7. Materia remota Ordinis est instrumentum illud, quod traditur ordinandis in signum potestatis spiritualis, quam recipiunt. 8. Materia proxima est traditio instrumenti facta ab ordinante, ejusdemque acceptatio facta ab ordinato. 9. Prima tonsura quovis die, hora, & loco honesto, etiam extra Missarum solemniam, conferri potest. 10. Ordines Minores conferri possunt non solum in generalibus ordinationibus, sed etiam quovis die Dominico, aut Festo, imò & extra Missarum solemniam; sed in mane tantum. 11. Nulli Episcopo, præterquam Romano Pontifici, licet conferre Maiores Ordines, nisi in Sabbatis quatuor Temporum, aut Sabbato Sancto, vel Sabbato Dominicæ Passionis præcedente. 12. Ex privilegio Papali potest quis ordinari extra Tempora. 13. Episcopus consecrari debet, & potest quovis die Dominico, vel in Natalitiis Apostolorum, vel etiam in alio Festo, si Summus Pontifex hoc specialiter indulserit. 14. In receptione Ordinum Maiorum servanda sunt interstitia unius integri anni. 15. Annus integer, qui inter unum, & alium Sacrum Ordinem percurrere debet, non est mathematicè computandus. 16. Ordinatus, qui non expectat temporum interstitia, peccat mortaliter, si id absque licentia Episcopi faciat. 17. Utrum verò suspensionem aliquam, aut irregularitatem incurrat? Negativam sententiam amplectimur. 18. Interveniente necessitate, vel utilitate Ecclesiæ, potest Episcopus dispensare cum suis subditis in interstitiis. 19. Ordinarius Minister Ordinis est solum Episcopus consecratus, & non sufficit, quod sit electus, vel tantum confirmatus. 20. Nec, dispensante Pontifice, potest summi primam tonsuram accipere. 21. Sunt nihilominus capaces Ordinis hermaphroditi, si sexus virilis prævaleat. 22. Puer ante usum rationis Ordine Sacro initiatus nulla ratione adstringitur ad continentiam. 23. Hinc inferitur, posse hunc liberè ad matrimonium transire, si nolit in statu Ecclesiastico permanere. 24. Quæres: An saltem lege continentia ligetur puer, qui habens plenum usum rationis ante pubertatem Sacros Ordines sponte suscepit, sciens onus castitatis illis esse annexum? Probabilior mihi videtur sententia affirmativa.

CONCLUSIO XIV.

AD TEXT. IN CAP. *De Servorum* 2. ET CAP. *Nullus* 4. de *Servis non ordinandis, & eorum manumissione*, lib. 1. Decret. tit. 18.

SERVI, seu mancipia, quandiu durat in eis defectus libertatis, irregulares sunt. 2. Ordinariè requiritur expressa domini licentia, ut servus licitè ordinetur. 3. Licet ordinariè desideretur expressus dominorum consensus ad ordinationem servorum; potest nihilominus etiam tacitus eorundem consensus sufficere. 4. Et tunc eo ipso servus acquirit libertatem. 5. Quod intelligendum est, sive promotus fuerit ad Ordinem Sacrum, sive ad Minores, vel ad primam tonsuram tantum. 6. Si servus, domino ignorante, vel sciente, & contradicente, ad Ordines Minores promotus fuerit, adhuc manet servus, & graviter peccat. 7. Graviter etiam peccat Episcopus ordinans, si scienter, & mala fide ordinet. 8. Idem dicendum de illis, qui cooperati sunt mala fide ad ejus ordinationem. 9. Si servus, ignorante, vel contradicente domino, promotus fuerit ad Sacros Ordines ab Episcopo sciente ejus conditionem servilem, permanet quidem in Officio Clericali, atque efficitur liber; & Episcopus scienter ordinans tenetur domino dare duos servos æquè bonos, vel eorū estimationem. 10. Non tenetur tamen Episcopus ad hanc solutionem faciendam ante sententiam declaratoriam delicti. 11. Quod si bona fide processerit Episcopus, tenetur illi ad hanc satisfactionem præstandam domino, qui cooperati sunt ad servi ordinationem. 12. Si verò Episcopus ordinans, & alii, qui cooperati sunt, ignari erant servitutis, & omnes bona fide processerunt, tenetur ipse servus ordinatus ad duplicatam recompensationem faciendam domino, vel saltem ad substituendum alium servum æqualem. 13. Si satisfactionem ipse præstare nequiverit, & in Subdiaconatum, vel Diaconatum tantum ordinatus fuerit, redigitur in servitutem, & domino servire tenetur in omnibus, quæ talem

statum non dedecet. 14 Si verò dominus intra annum, postquam intellexit, servum esse ordinatum, dissimulet, non amplius auditur, sed servus ita ordinatus ex interpretatione juris manumissus censetur. 15 Si huiusmodi servus taliter jam sit promotus ad Sacerdotium, non potest revocari in servitutem ob reverentiam Ordinis Sacerdotalis, etiamsi domino integrè satisfacere nequeat. 16 Cogendus tamen est amittere peculium, si quod habet, illudque cedere domino. 17 Quodsi peculium non habeat, serviet domino ita exigenti in spiritualibus, sacrificiis, & Horas Canonicas pro domino offerendo, nullo stipendio recepto. 18 Et, si non fecerit, deponi, & degradari debet. 19 Servi adscriptitii, & originarii non possunt ad Ordines promoveri absque voluntate domini suorum. 20 Aliter dicendum de famulis conductitiis. 21 Filiusfamilias sine licentia patris ad Ordines Sacros promoveri potest. 22 Decet tamen, ut consensum patris requiratur.

CONCLUSIO XV.

AD TEXT. IN CAP. *Super eo* 2. CUM ALIIS, de *Bigamis non ordinandis*, lib. 1.

Decret. tit. 21.

BIGAMIA, ex qua inducitur irregularitas, triplex est, vera, interpretativa, & similitudinaria. 2 Hæc irregularitas non provenit à jure Divino, sed à jure Ecclesiastico. 3 Bigamia vera, seu propriè dicta est, cum quis successivè cum duobus uxoris matrimonium contraxit, & consummavit. 4 Contrahitur autem hæc bigamia, vel plures duæque sint uxores ante Baptismum, vel post Baptismum, dummodo utrumque matrimonium fuerit consummatum. 5 Incurrit bigamiam interpretativam, atque adeo sit irregularis, qui contrahit duo matrimonia, quamvis unum sit validum, & aliud invalidum, etiam ex defectu consensus. 6 Non excusatur ab hæc bigamia, qui duo matrimonia invalide contraxit, ex quocunque capite invalida fuerint, dummodo utrumque consummaverit. 7 Qui ducit viduam, quæ cum alio consummavit matrimonium, vel mulierem ab alio corruptam, contrahit irregularitatem bigamiæ interpretativæ. 8 Utrum verò excusetur ab hac irregularitate, qui cum corrupta contraxit bona fide, quam putabat virginem? Probabilior est resolutio negativa. 9 Item non excusatur, qui ob impedimentum dirimens contraxit matrimonium nullum cum vidua, vel ab alio corrupta. 10 Quæres: Utrum fiat irregularis, qui ducit feminam, quam ipse corripuit ante matrimonium? Negativæ resolutioni adheremus. 11 Ob hanc bigamiam interpretativam sit irregularis vir cognoscens uxorem, postquam adulterata est. 12 Idem asserimus, etiamsi per vim mulier ab alio corrupta fuerit. 13 Incurrit etiam hanc irregularitatem vir, qui ignorans adulterium uxoris cum ea copulam habuit, quamvis adulterium sit occultum. 14 Idem dicendum, si vir post adulterium uxoris cogatur per censuras ad reddendum debitum; quia non satis probatum est adulterium. 15 Religiosus post emissam professionem matrimonium contrahens, quamvis nullum, incurrit irregularitatem ex bigamia similitudinaria. 16 Quod intelligendum est, etiamsi semel tantum cum virgine contrahat. 17 An autem hæc irregularitas contrahatur à Clerico in Saecris constituto, qui postea contraxit matrimonium, illudque consummavit? Affirmativæ sententiæ subscribimus. 18 Si autem contingat, quòd laicus cum moniali professâ contrahat matrimonium, non incurritur hæc irregularitas. 19 Per sola sponsalia cum pluribus iniuncta non inducitur bigamia, quamvis subsecuta sit copula sine affectu maritali. 20 Idem censetur, si quis post prima sponsalia, quibus accessit copula, aliam ducat, & cum illa consummet matrimonium. 21 Similiter non fit bigamus, & irregularis, qui cum pluribus, etiam viduis, & maritatis, adulteratus fuit.

CONCLUSIO XVI.

AD TEXT. IN CAP. *Ad audientiam* 1. CAP. *Provideas* 2. CAP. *Ad hæc* 3. CUM ALIIS, de *Officio Vicarii*, lib. 1. Decret. tit. 28.

VICARIUS generalis dicitur ille, qui vices alterius gerit, sive in officio contentioso, sive non contentioso. 2 Spectato Jure Canonico, Vicarii primariò, ac principaliter dividuntur in eos, qui servant in Divinis, & in Vicariis jurisdictionis. 3 Vicarii in Divinis dicuntur, qui in Divinis ministeriis, & curâ animarum, sive iis, quæ ad forum internum conscientie pertinent, aliorum vices gerunt. 4 Alii sunt perpetui, alii temporales. 5 Institutio Vicarii perpetui pertinet ad Episcopum, sive Ordinarium loci. 6 Vicarius perpetuus acquirit jus in re, verumque titulum in Beneficio. 7 Non potest quis simul esse Vicarius perpetuus plurium, & diversarum Ecclesiarum. 8 Titulus Vicarii perpetui in Beneficio curato non est directus, sed utilis, sive est jus portionis ex annuis redditibus sibi assignatæ ob spirituale ministerium capicndæ. 9 Vicarius perpetuus, etiam prætente Rectore principali, potest administrare Parochiam in Divinis. 10 Vicarius temporalis nullum acquirit jus, & titulum in Beneficio, in quo Vicarius constitutus est. 11 Vicarius perpetuus non potest

test substituere sibi alium Vicarium perpetuum. 12 Rectore principali mortuo, non expirat officium Vicarii perpetui. 13 Vicarius jurisdictionis in genere est is, cui commissa est jurisdictio. 14 Vicarius Generalis constituit unum tribunal cum Episcopo. 15 Secus dicendum de Vicario Foraneo. 16 Episcopus, etiam absque consensu capituli, potest constituere Vicarium Generalem. 17 Potest etiam binos Vicarios Generales acque principales, seu in solidum constituere, quo facilius negotia expediantur. 18 Episcopus nequit eligere laicum in Vicarium Generalem. 19 Probabilior, & Sacris Canonibus conformior est sententia, quae asserit, Vicarium Generalem Episcopi habere jurisdictionem ordinariam, non delegatam. 20 Vicarius Generalis ad libitum Episcopi potest revocari. 21 Officium, ac jurisdictio Vicarii Generalis cessat per mortem, depositionem, revocationem, aut translationem Episcopi. 22 Si jurisdictio Episcopi fuerit suspensa, seu impedita per excommunicationem, suspensionem, aut interdictum, etiam suspenditur, ac impeditur jurisdictio sui Vicarii Generalis. 23 Vicarius Romani Pontificis habet jurisdictionem in Urbe, non extra illam, nisi specialiter ei concedatur. 24 Capitulum, Sede Episcopali vacante, tenetur hodie infra octo dies post mortem Episcopi Vicarium idoneum constituere, vel existentem confirmare. 25 Si secus factum fuerit, ejus deputatio devolvitur ad Metropolitanum. 26 Vicarius Capitalaris non necessario est eligendus de gremio ipsius Capituli. 27 Si tamen idoneus aliquis adsit, ceteris paribus, extraneo praefertendus est. 28 Facta semel electione Vicarii, non potest Capitulum illum ad libitum revocare, & novum constituere. 29 Jurisdictio Vicarii Capitalaris expirat, postquam novus Episcopus confirmatus fuit, & possessionem Episcopatus accepit.

CONCLUSIO XVII.

AD TEXT. IN CAP. *Si pro debilitate* 3. CAP. *Super questionum* 27. CAP. *Pastoralis* 28. CUM ALIIS, de *Officio, & Potestate Judicis Delegati*, lib.

1. Decret. tit. 29.

JUDEX Delegatus ille censendus est, cui jurisdictio non jure officii sui, aut habita ratione ad illud, sed ex speciali tantum commissione competit. 2 Judicium Delegatorum variae sunt species, seu divisiones, quas quærenti dabimus. 3 In casibus, in quibus Jus commune concedit Episcopis facultatem procedendi adversus Exemptos, potestas hæc, & jurisdictio solummodo delegata dicitur. 4 Judex Ordinarius potest regulariter causam ad se pertinentem alteri delegare. 5 Non potest tamen totam suam jurisdictionem, inconsulto Principe, alteri delegare. 6 Delegatus à Papa, vel alio supremo Principe potest alteri causam subdelegare. 7 Excipe, si à Principe sit electa industria Personæ Delegati. 8 Delegatus ab inferiore Judice Ordinario non habet potestatem subdelegandi, nisi in certis casibus. 9 Illi omnes possunt esse Judices Delegati, qui nec natura, nec lege, nec moribus prohibentur. 10 Minores viginti annis possunt esse Judices Delegati, si decimum nostrum annum exceperint. 11 Potest delegari non subditus. 12 Delegandus à Papa, vel subdelegandus debet esse constitutus in aliqua dignitate Ecclesiastica, vel obtinere Personatum, aut Canonicatum Ecclesiæ Cathedralis. 13 Episcopus non necessario tenetur delegare constitutum in Dignitate, Personatu, aut Canonicatu Cathedrali. 14 Episcopi, alique Prælati Papæ inferiores non possunt laico delegare causam aliquam spirituales, vel criminales Clericorum. 15 Et probabilior nec causam horum civilem, seu temporalem. 16 Regulariter delegari possunt omnes illæ causæ, quæ ad ordinariam delegantis jurisdictionem pertinent. 17 Etiam illa delegari possunt, quæ pertinent ad potestatem Ordinis, dummodo is, cui sit delegatio, habeat Ordinem competentem. 18 Judex Delegatus non debet procedere ante rescriptum delegationis sibi præsentatum. 19 Hinc sequitur, processum antea factum irritum esse, ita ut non convalescat, secuta præsentatione rescripti delegationis. 20 Quod verum est, etiam si, antequam processum inchoaverit, privatim sciat, sibi causam delegatam esse. 21 Judex Ordinarius tenetur sententiam delegati Apostolici ad ejus mandatum exequi, potestque ab eo ad hoc compelli. 22 Quod intelligendum est, licet Ordinarius sciat, sententiam Delegati esse injustam. 23 Secus dicendum, quando Ordinarius scit, sententiam esse invalidam, & nullam. 24 Controversa est: Utrum Delegatus à Judice Ordinario possit exequi sententiam à se latam? Probabilior mihi videtur sententia affirmativa. 25 Morte Delegati finitur ejus officium, & jurisdictio, nec transit ad successorem, si delegatio facta fuit personalis. 26 Secus dicendum, quando delegatio facta est Dignitati. 27 Si Judex Delegatus interloquendo pronuntiet, sibi nullam jurisdictionem, seu potestatem in causa delegata competere, finitur omnis ejus jurisdictio, licet hanc re vera habuisset. 28 Quod procedit, si pars litigans ab hac ejus sententia interlocutoria non appellaverit. 29 Finitur etiam officium, & potestas Judicis Delegati morte ejus, qui vi rescripti conveniendus erat coram Delegato.

CON-

CONCLUSIO XVIII.

AD TEXT. IN CAP. *Ex literis* 1. ET CAP. *Judicis* 2. ET FIN. *de Officio Judicis*, lib. 1. Decret. tit. 32.

- 1 **J**UDEX definitur: *Persona legitima, quæ publicam potestatem habet cognoscendi de litigantium controversiis, & secundum præscripta legum, locorumque consuetudinem de eisdem judicandi.* 2 Omnes, qui vel naturâ, vel lege non prohibentur, possunt esse Judices. 3 Jurisdictio sic bene definitur: *Est potestas alienius auctoritatem, & emunctiam habentis super aliis ex munere publico ad eorum regimen, & gubernationem.* 4 Jurisdictio ordinaria non expirat morte concedentis, etsi res adhuc integra sit. 5 Officium Judicis sic aptè definitur: *Munus publicum cognoscendi, & definiendi res in judicio postulas.* 6 Duplex est: Nobile, & Mercenarium. 7 Imploratio Officii Judicis est remedium extraordinarium. 8 Quando Officium Judicis imploratur adversus personam incertam, non habet locum contestatio litis. 9 Secus dicendum, quando Officium Judicis imploratur principaliter adversus certam personam. 10 Certum est, quod Juxta regulariter tenetur judicare secundum allegata, & probata. 11 Juxta non potest condemnare eum, quem privata scientia scit certò nocentem esse, si ille de crimine nondum convictus, vel in Judicio sponte confessus fuit. 12 Item debet probare media omnia, omnemque diligentiam adhibere ad liberandum eum illum, quem privata scientia scit esse innocentem. 13 Si aliter declinare condemnationem innocentis nequeat, tenetur potius cedere officio suo, quàm sententiam in innocentem ferre in causis criminalibus gravioribus, quæ respiciunt pœnam mortis, vel mutilationis. 14 Potest tamen secundum allegata, & probata contra propriam scientiam ferre sententiam in civilibus, & causis criminalibus minoribus. 15 Juxta non potest judicare secundum sententiam minus probabilem, relicta probabiliori. 16 Non obstant æquali probabilitate opinionum utriusque partis litigantium, nullatenus licitum est Judici pecuniam accipere pro ferenda sententia in favorem unius præ alio. 17 In causis criminalibus favere debet reo, cui adsint opinio probabilis. 18 In causis civilibus, si, omnibus attentis, opiniones sint æquæ probabiles, & litigantes nolint se componere, debet rem inter eos dividere. 19 Si deficiat graver in suo munere ex ignorantia vincibili, tenetur ad restituenda damna parti laesæ. 20 Ad Officium Judicis, etiam delegati, pertinet providere parti litiganti idoneum Advocatum, si talem non habeat. 21 Talis Advocatus potest esse domesticus, sive familiaris Judicis. 22 Advocatus ille non tenetur præstare gratis officium suum. 23 Quod tamen intelligendum est, dummodò clientulus non sit adeo pauper, ut salarium erogare nequeat.

CONCLUSIO XIX.

AD TEXT. IN CAP. *Antigonus* 1. ET CAP. *Qualiter* 3. *de Pactis*, lib. 1. Decret. tit. 35.

- 1 **P**ACTUM definitur ab Ulpiano leg. 1. ff. *de Pactis* in hunc modum: *Duorum, pluriumve in idem placitum consensus.* 2 Pactum differt à simplici pollicitatione. 3 Pollicitatio, antequam acceptetur, regulariter nullam inducit obligationem, etiam naturalem, sed prohibito promittentis revocari potest. 4 Promissio præcipienti, & tacenti facta non eo ipso censetur tacite acceptata. 5 Præcipua inter omnes Pacti divisio est in nudum, & vestitum. 6 Vestitur autem pactum primo, si illi adiciatur juramentum. 7 Secundo speciali assententia Juris. 8 Tertiò, si ex aliqua parte impleatur. 9 Quartò, si pactum in continenti, & non ex intervallo, adiciatur alteri contractui nominato, vel pacto vestito. 10 Quintò, si accedat stipulatio. 11 Sextò, si pactum fiat in judicio. 12 Septimò, si transeat in contractum specificum. 13 Ex pacto, etiam nudo, oritur obligatio in conscientia. 14 De rigore Juris Civilis non datur actio ex pacto nudo, sed solum exceptio. 15 Celebris controversia est: Utrum saltem, spectato Jure Canonico, detur actio ex pacto nudo? Probabilior mihi videtur sententia affirmativa. 16 Contractus (quæ præcipua est Pactorum species) definitur: *Pactum, ex quo ultro, citraque oritur obligatio.* 17 Non valet contractus, nisi fiat cum plena deliberatione, qualis requiritur ad peccandum mortaliter. 18 Ad valorem contractus non sufficit purus consensus externus sine consensu interno. 19 Item non sufficit solus consensus internus sine aliqua externa manifestatione. 20 Ignorans naturam contractus non potest valide contrahere, si habeat animum contrahendi cum voluntate expressa non se obligandi. 21 Qui contrahit cum animo se obligandi, non tamen adimplendi contractum, valide contrahit. 22 Error circa substantiam rei, de qua fit contractus, vitiat ipsum contractum, eumque reddit omnino nullum, sive error sit vincibilis, & crassus, sive invincibilis, sive causetur ab altero contrahentium, sive ab alio quocunque. 23 Error circa qualitatem, sive det causam contractus, sive non det, nullo jure annullat contractum. 24 Dolus circa substantiam contractus, sive det, sive non det causam contractui, semper irritat contractum. 25 Dolus in qualitate commissus ab aliquo tertio, sive sit ante-

antecedens, siue comitans, neque jure naturali, neque Civili annullat contractum. 26 Tertius datus causam contractui per dolum tenetur in conscientia refarcire damnum per deceptionem illatum. 27 Dolum in qualitate, qui dat causam contractui, & committitur ab altero ex contrahentibus, non irritat contractum jure naturali, aut Civili, à quo tantum venit irritandus. 28 Contractus onerosi, & lucrativi metu gravi iniuste inculso extorti validi sunt jure naturæ. 29 Tales contractus etiam validi sunt jure positivo, quando jus ipsum aliter non disponit. 30 Contractus metu gravi iniuste iniati sunt ipso jure rescindibiles. 31 Contractus metu levi iniuste inculso mati nec sunt irriti, nec ipso jure veniunt irritandi. 32 Idem asserimus, quando metus gravis est iuste inculsus. 33 Contractus de re illicita est nullus. 34 Non eo ipso, quod contractus sit prohibitus, est irritus.

CONCLUSIO XX.

AD TEXT. IN CAP. *Cum dilectus 6. de iis, quæ vi, metusve causa sunt*, lib. 1. Decret. tit. 40.

METUS definitur: *Instantis periculi, vel futuri causæ mentis trepidatio*. 2 Alius dicitur cadere in virum constantem, alius in inconstantem. 3 Metus mortis cadit in virum constantem. 4 Idem dicendum de metu mutilationis, & gravis corporis cruciatus. 5 Metus excommunicationis iustus non cadit in virum constantem, maxime verò, si conjungatur, vel cum timore reverentialis, vel alio simili malo. 6 Idem censeo de infamia gravi, & quæ non facile vitari potest, siue sit infamia facti, siue juris. 7 Metus reverentialis, si sumatur præcisè pro illo pudore, quem subditus pati timet, si neget petita à superiore, non cadit in virum constantem. 8 Secus dicendum, si tali metui adjungantur minæ, aut alius metus gravis. 9 Preces importunæ, & sæpius repetitæ, si sumantur solitarie, non causant metum viri constantis, maxime verò, si conjungantur, vel cum timore reverentialis, vel cum minis, vel alio simili malo. 10 Ad metum viri constantis non requiritur, quod malum timeatur in propria metuente persona, sed sufficit, quod timeatur in consanguineis, & affinis ex matrimonio. 11 Hæc tamen affinitas, sicut consanguinitas, debet esse intra quartum gradum. 12 Item ad metum viri constantis sufficit, quod malum timeatur in persona tibi archisimili amicitia conjuncta. 13 Gravis metus sumendus est respectivè ad personas metum patientes. 14 Quæ sunt ex metu, sunt simul voluntaria, & involuntaria. 15 Non sunt tamen æquæ voluntaria, & æquæ involuntaria; sed voluntaria simpliciter, & involuntaria secundum quid. 16 Aliquando fieri potest, ut aliquis metus non causet involuntarium. 17 Facta cum metu nec secundum quid sunt involuntaria. 18 In eo, qui operatur cum metu potente conducere ad operationem, metus ille neque augeat, neque minuit voluntarium. 19 In eo, qui operatur cum metu ex natura sua retrahente ab operatione, metus ille regulariter facit, ut actus non evadat cum tanta intentione, quantum haberet, si fieret sine metu. 20 Metus gravis iniuste inculsus regulariter excusat ab observatione legis Divinæ positivæ, & ab observatione legis humanæ, siue Ecclesiasticæ, siue Civilis. 21 Potest etiam metus gravis, & iniustus excusare ab observatione legis naturalis, si non sit de objecto intrinsicè malo, quod nullatenus cohonestari possit.

CONCLUSIO XXI.

AD REG. *Peccatum non dimittitur, & c. 4. de Reg. Juris in 6.*

RESTITUTIO definitur: *Actus Justitiæ commutativæ, quæ alteri redditur ad æqualitatem, quod ab eo iniuste ablatum est*. 2 Ex sola violatione Justitiæ commutativæ oritur obligatio restituendi. 3 Scienti, & consentienti voluntate absoluta, & efficacie cessiva juris, nulla fit injuria. 4 Aliter dicendum, si consentiat voluntate inefficaci, vel inhabilitata ad cedendum jure suo. 5 Præceptum restitutionis primario, & principaliter est affirmativum: secundario verò, & minus principaliter est negativum. 6 Restitutio non est necessaria necessitate mediæ ad salutem. 7 Maxime verò necessitate præcepti. 8 Qui per plures acceptiones leves damnificat graviter proximum, tenetur sub gravi ad restituendum, dummodo advertat in ultimo furto, se per illud pervenire ad materiam gravem, suppositis aliis furtulis. 9 In ultimo furto, per quod completur quantitas gravis, peccatur mortaliter. 10 Si, postquam aliquis per levia furtiva pervenit ad summam gravem, restituat partem illam ultimam minimam, per quam summa effecta est gravis, liberatur à restituendo sub mortali alias partes. 11 Quando furtula sunt in bonis diversorum ex industria, & animo discedendi, etiam peccatur mortaliter in furto complemente materiam gravem, & datur obligatio gravis restituendi. 12 Non peccat mortaliter, nec tenetur ad restitutionem sub gravi, qui facit leve furtum, licet advertat ab aliis plura furtiva fuisse eidem domino facta, ex quibus resultat summa illa gravis, dummodo non sit causa moralis, ut alii furentur. 13 Extremè indigens nequit licite usurpare rem alienam, infcio domino, antequam rem ab eo petat, nisi in casu, quo certò sciat, suam petitionem non esse profuturam. 14 Extremè indigens non potest surripere rem ab eo, qui per

per ablationem talis rei manebit in extremâ necessitate. 15 Etiam non potest surripere rem alienam ab eo, qui non habet, nisi præcité necessaria ad sustentandum suum decentem statum. 16 Obligatio subveniendi extremè indigentibus non est ex iustitia, sed solum ex charitate. 17 Potest indigens in gravi necessitate bonorum, quæ natura voluit esse omnibus communia, aliena surripere, ut sibi providet, quando aliter non potest. 18 Quando necessitas gravis est solum in ordine ad alia bona, quæ natura non voluit, nec intendit omnibus esse communia, licitum non est sic indigenti aliena surripere propriâ autoritate. 19 Mandans, qui revocavit mandatum, tenetur ad restitutionem, si talis revocatio non innouit mandatario. 20 Si mandatum serio revocetur à mandante, ab illoque incrimetur, mandatario verò exequatur damnum existimans invincibiliter revocationem non fuisse seriam, adhuc mandans tenetur ad restitutionem. 21 Mandans tenetur restituere in eventum, quo mandatarius re vera accepit revocationem, eamque sibi à mandante intimatam intellexit, sed postea invincibiliter nobilitus talis revocationis delictum patravit ex vi prioris mandati. 22 Qui suo consilio movet alium ad inferendum damnum, tenetur ad restitutionem. 23 Licitum est consulere minus malum, ut evitetur maius, quod aliter vitari non potest.

CONCLUSIO XXII.

AD TEXT. IN CAP. *Siquis suadente* 29. caul. 17. quæst. 4.

INJICIENTES manus violentas in Clericum, vel Monachum, innotantur excommunicatione contenta in dict. C. *Siquis suadente*. 2 Nominè Clerici in præfenti materia non solum intelligitur, qui Sacros Ordines habet, sed etiam, qui Minores Ordines suscepit, aut primâ tantum Tonsurâ initiatus fuit. 3 Clericus irregularis, suspensus, interdictus, seu excommunicatus, gaudet privilegio Canonis. 4 Idem asserendum de verbaliter degradato. 5 Secus de degradato realiter. 6 De Clerico conjugato est maior difficultas: asserimus tamen, privilegio non privari. 7 Privilegio Canonis privatur Clericus bigamus bigamia vera, & reali. 8 Etiam Clericus, qui sine habitu, & tonsura se immiscet enormitatibus. 9 Similiter Clericus, qui sine habitu, & tonsura se immiscet armis, aut negotiis secularibus. 10 Præterea etiam Clericus, qui exercet artem joculariorum, vel histrionicam. 11 Hoc idem asserimus de Clerico, qui exerceat officium lanionis, seu cauponis. 12 Qui ratam habet percussione Clerici suo nomine factam, incurrit excommunicationem, licet ad illam auxilium, mandatum, aut favorem non prebuerit. 13 Hanc excommunicationem non incurrit omittens defensionem Clerici, si solum ex charitate tenetur impedire, etiamsi in tali omissione lethalius peccet. 14 Secus dicendum de eo, qui ad hoc tenetur ex iustitia. 15 Maius dubium est: Utrum percussus Clericum volentem, & consentientem incurrat excommunicationem? Resolutioni affirmativæ adhæreimus: cum ea tamen sit veritas illius regula: *Scienti, & consentienti non fit iniuria, neque datus*. 16 Ipse Clericus, vel Monachus volens, & consentiens in suam percussione iniquissimam non est excommunicatus, sed excommunicandus. 17 Si Clericus, vel Monachus ex ira, desperatione, tadio vitæ, se graviter percuteret, innodaretur excommunicatione Canonis. 18 Si percussus Clerici fiat vim vi repellendo cum moderamine inculpatae tutelæ: ad se ipsum defendendum, vel rem suam, aut proprium honorem, excusatur ab excommunicatione. 19 Percussus, aut occidens Clericum turpiter agentem cum matre, filia, uxore, aut sorore ipsius percutientis, non incurrit excommunicationem, etiamsi pleno iudicio, ac maturâ deliberatione id faciat. 20 Peccat tamen graviter percutiendo, vel occidendo propria autoritate. 21 Non excusatur ab excommunicatione, si percussio non fiat in continenti.

CONCLUSIO XXIII.

AD TEXT. IN CAP. *Clerici* 8. ET CAP. *Qualiter, & quando* 17. de *Judiciis*, lib. 2. Decret. tit. 1.

CERTUM est, atque inter Catholicos indubitatum, personas Ecclesiasticas exemptas esse à potestate laicali. 2 Hæc exemptio quoad causas spirituales est à jure Divino. 3 Quoad causas temporales, sive civiles, sive criminales, fundamentum habet in jure Divino, quamvis immediatè proveniat à jure positivo Pontificio. 4 Neque ipse Summus Pontifex potest absolutè tollere quoad omnes personas Ecclesiasticas, omnesque earum causas hanc exemptionem. 5 Hoc privilegio fori gaudet omnes Regulares utriusque sexus, etiam Novitii. 6 Item Rector Xenodochii autoritate Episcopi erecti. 7 Præterea etiam Religiosi Ordinum Militarium. 8 Nullus Clericorum in Minoribus fori privilegio gaudet, nisi beneficium Ecclesiasticum habet, aut Clericalem habitum, & consensum descensum alicui Ecclesiæ de mandato Episcopi inserviat, aut in seminario Clericorum, aut in aliqua schola, vel universitate de licentia Episcopi, tanquam in via ad Maiores Ordines, versetur. 9 Habens præstimonium in titulum gaudet fori privilegio. 10 Item habens

habens Capellaniam collativam. 11 Imo etiam habens pensionem. 12 Non requiritur ad privilegium fori possessio Beneficii. 13 Sufficit titulus, dum validus reputatur. 14 Clericus in Minoribus conjugatus gaudet privilegio fori in criminalibus, si habitum, & tonsuram deferat, & alijus Ecclesie servitio sit ab Episcopo deputatus, & insuper cum virgine contraxerit. 15 Major controversia est: Utrum uxores Clericorum gaudeant privilegio fori? Probabilius exilimo, privilegium ad illas non ampliari. 16 Si res adhuc sit integra, non debet Clericus super rebus in statu laicali gestis coram alio, quàm Ecclesiastico Judice, conveniri. 17 Si Judex secularis prævenit citando laicum postea promotum ad Clericatum, vel Monachatum, potest is causam civilem prosequi, ac definitiva sententia terminare, ipsamque sententiam realiter exequi in bonis Clerici, non autem in hujus persona. 18 Si laicus post commissum crimen assumpsit statum Clericalem, vel Monachalem sine fraude, gaudet privilegio fori. 19 Si verò hunc statum in fraudem assumpsit, ut nimirum Judicis secularis forum declinaret, potest à Judice seculari judicari, & puniri poena pecuniaria, vel confiscatione bonorum, licet non poena corporali, donec fuerit degradatus, & traditus Curie seculari. 20 Cum adest dubium, an aliqui gaudeant privilegio fori, si ve dubium sit facti, si ve juris, cognitio prædicti dubii pertinet ad solum Judicem Ecclesiasticum. 21 Clericus nequit renuntiare privilegio fori. 22 Nequit ulla consuetudine induci, aut collocatione, ut Clerici coram Judice seculari conveniantur, tam in civilibus, quàm in criminalibus.

CONCLUSIO XXIV.

AD TEXT. IN CAP. *Nullus Judicum* 2. ET CAP. *Si diligenti* 12. de Foro competenti, lib. 2. Decret. tit. 2.

LAICUS nec principaliter, nec incidenter potest cognoscere de causa spirituali. 2 Possunt tamen laici in causis spiritualibus adhiberi Assessores. 3 Cognitio causarum, quæ spiritualibus sunt connexæ, etiam spectat ad solum Judicem Ecclesiasticum. 4 Si Clericus cum laico delictum perpetret, conveniendus est à Judice Ecclesiastico, ab eoque puniendus; laicus autem à Judice seculari. 5 Per hoc tamen non negamus, quin laicus unà cum Clerico delinquens possit à Judice Ecclesiastico puniri, si hic in captura præveniat. 6 Leges Civiles, & statuta secularia, quæ nominatim disponunt de Ecclesiis, personis, rebusque Ecclesiasticis, non habent vim obligandi, nisi approbentur ab Ecclesia. 7 Quod intelligendum est, etiam si dispositio fiat in eandem commodum, & favorem. 8 Valent tamen privilegia per laicos Ecclesiis, & Ecclesiasticis concessa. 9 Leges Civiles, quæ aliquid præscribunt circa contractus, aliasque res profanas, extenduntur ad Clericos, si ipsis sint favorabiles. 10 Secus dicendum, si sint præjudiciales. 11 Clerici debent servare leges insertas in corpore Juris Civilis, quæ statuunt aliquid circa contractus, & modum succedendi ab intestato. 12 Quando Clericus agit contra laicum in foro Civili, & coram Judice seculari, debet servare leges talis fori. 13 Idem dicendum, si Clericus contrahat cum laico juxta formam statuti laicalis. 14 Item debet procedere juxta leges laicas, si velit sibi vindicare rem existentem apud laicum. 15 Si velit uti statuto laicali in sui favorem, debet illud etiam admittere contra se. 16 Insuper statutum laicale afficit Clericos, si eodem statuto ligabantur ante Clericatum, dummodo non præjudicet immunitati Ecclesie, aut favori Religionis. 17 Secus dicendum, si tale statutum incipiat obligare, postquam aliquis factus sit Clericus. 18 Certum est, Ecclesiasticos immunes esse à quibuscunque oneribus impositis à laica potestate, vel super bona, vel super personas. 19 Ad eadem solvenda tenetur Clericus conjugatus. 20 Item, si spoliatur privilegiis Clericatus, ut accidit in actualiter degradato. 21 Onera imposita ob bonum publicum promovendum, vel ob arcendum publicum damnum, si æquè agatur de utilitate secularium, & Clericorum, ab istis etiam sunt subeunda. 22 Clericus negotiator non est immnis à gæbellis, & tributis impositis super res negotiationi expositas. 23 Si fundus relinquatur Ecclesie sub conditione, quòd collectas, aut contributiones aliquas solvat certis personis, etiam laicis, debet eas solvere.

CONCLUSIO XXV.

AD TEXT. IN CAP. *Licet* 3. de Feriis, lib. 2. Decret. tit. 9.

PRÆCEPTUM observandi festa obligat sub mortali. 2 Hoc præceptum, ut positivum, nullam aliam actionem imponit præter Missæ auditionem: ut negativum, prohibet omne opus servile. 3 Non satisfacit præcepto de audiend. Sacro, qui duas ejus partes, vel plures simul à diversis celebrantibus audit. 4 Utrum verò satisfaciat præcepto, si successivè à diversis celebrantibus audiantur duæ dimidiatae Missæ? Affirmamus. 5 Esti intentioni audiendi Missam adjungatur vana gloria, adhuc per talem auditionem satisfieri potest præcepto. 6 Ex vi hujus præcepti nemo tenetur plures Missas audire, etiam in die Natalitii Domini, licet in eo die tres dicantur. 7 Fideles audientes Missam in Oratorii privatis ab Ordinario approbatis satisfaciunt præcepto Ecclesie. 8 Episcopus non potest censuris, multis, aliisque poenis cogere fideles ad audiendam Missam in Parochia. 9 Qui

Miss.

Missam audit in die Dominica immemor obligationis præcepti, & existimans non esse diem Dominicam, satisfacit, & nun tenetur aliam audire. 10 Siquis positiva, & contraria voluntate, quâ nolit audire Sacrum, & satisfacere præcepto, in Ecclesia omnino vincitus teneatur, ut Missam audiat, nō satisfacit præcepto. 11 Dubium præcipuum est: Utrum satisfaciat præcepto ille, qui vult Missam audire, quamvis positivam habeat intentionem non satisfaciendi, & non audiendi aliam? Placet sententia affirmativa. 12 Qui privilegium habent ad audiendam Missam tempore interdicti, tenentur eam audire; ita ut mortaliter peccent, si non audiant. 13 Siquis habeat Oratorium privatum domi, in quo possit audire Sacrum, si sit infirmus, vel ibi incarcerationatus, non tenetur querere Sacerdotem, & illi stipendium dare, ut Missam audiat. 14 Opus pingendi est servile ex genere suo, & prohibitum in diebus festis, si ve pretio, si ve liberaliter fiat. 15 Imo etiam causâ pietatis, vel Religionis per se non licet, nisi aliqua iusta causa interveniat. 16 Licitum est iter agere die festo, si ve pedibus, si ve equo fiat. 17 Licitum etiam est die festo scribere, & transferre ob lucrum. 18 Una hora operis servilis non videtur materia gravis, præsertim, si opus nimis laboriosum non sit. 19 Illud est in præsentî opus servile, quod cōmoditati corporis inservit, & à servis regulariter fieri solet. 20 Libera opus immediatè refertur ad instruendam mentem propriam, vel alienam. 21 Charitas excusat laborantem die festo pro paupere, cui ratione gravis necessitatis tunc licet laborare. 22 Non peccat mortaliter herus, seu dominus, qui præcipit, ut plures famuli successivè laborent in die festo, sed singuli per modicum tempus.

CONCLUSIO XXVI.

AD TEXT. IN CAP. Si verò 8. CAP. Verum 15. ET CAP. Cum contingat 28. de Jurejurando, lib. 2. Decret. tit. 24.

JURAMENTUM definitur: *Invocatio Divini nominis ad fidem faciendam, vel promissionem firmandam.* 2 Celeberrima illius divisio est in Assertorium, & Promissorium. 3 In iuramento Assertorio defectus veritatis in quacunque materia, etiam minima, est peccatum mortale. 4 Grave dissidium est: An peccet graviter non adimplens promissionem de re levi iuramento confirmatam? Communior est sententia negativa. 5 Juramentum, si debito modo fiat, est actus virtutis. 6 Juramentum fictum per falsos Deos non est propriè, & verè juramentum. 7 Peccat tamen gravissimè, qui similia iuramenta efficit per falsos Deos, si serio juret. 8 Non licet sub mortali iuramento amphibologicum absque rationabili causa, cum illa tamen licitum est, dummodo eum restrictione purè mentali non sit. 9 Unde mentitur, & est perjurus, qui ad mentem Judicis legitimam non respondet. 10 Casu tamen, quod erimen sit capitale, vel aliud æquivalens, reus non tenetur in conscientia ad mentem Judicis respondere cum semiplena probatione interrogantis. 11 Nulla exilente legitima causa, illicitum est, & grave peccatum exigere juramentum ab eo, qui pejratursus est, vel per falsos Deos juraturus. 12 Si iusta, & honesta causa habeatur, licitum erit tale juramentum exigere. 13 Juramentum in metu gravi extortum obligatorium est jure Ecclesiastico, & naturali, dummodo absque animæ dispendio possit servari. 14 Contractus juri naturali, aut Divino contrarii, vel versantes circa materiam illicitam non possunt iuramento confirmari. 15 Probabilior sententia docet, juramentum ultra vim obligandi ad servandam veritatem rei jurata, habere etiam aliquando ex Jure Communi vim confirmandi contractus, quibus adjicitur, jure Civili, & Canonico irritos. 16 Quando ex promissione jurata nulla nascitur obligatio respectu hominis, cui fit promissio, sed tantum respectu Dei, tunc juramentum non firmat contractum, sed vocatur *Per se fians*. 17 Non omnis contractus Jure positivo irritus, apposto iuramento, confirmatur. 18 Contractus iuramento confirmatus non solum obligat, sed etiam confert actionem in judicio adversus jurantem. 19 Quando juramentum non confirmat contractum, impletur momentanea solutio, ita ut statim possit jurans solum repetere. 20 Si verò juramentum sit confirmatorium contractus, vel promissionis, non amplius licet repetere, quod solum est, sed irrevocabiliter servandum est. 21 Quando juramentum confirmat contractum, transit obligatio illius ad hæreses utriusque contrahentis. 22 Secus dicendum, si contractus ipse per iuramentum non confirmatur.

CONCLUSIO XXVII.

AD TEXT. IN CAP. Meminimus 9. CAP. Pervenit 13. ET CAP. Pastoralis 53. de Appellationibus, &c. lib. 2. Decret. tit. 28.

APPELLATIO definitur: *Ab inferiore ad superiorem Judicem facta provocatio ratione gravaminis illati, vel inferendi.* 2 Dividitur in Judicalem, & Extrajudicalem. 3 Plures enumerantur causæ, ob quas remedium Appellationis est introductum. 4 Regulariter possunt appellare omnes, qui gravamen aliquod extra, vel intra Judicium patiuntur, aut se passuros timent. 5 Effectus Appellationis duplex est: suspensivus, & devolutivus. 6 Appellatio non semper operatur utrumque effectum.

8^{um}. 7 Jurisdic^{ti}o Judicis à quo solum suspenditur in ea causa, in qua est appellatum. 8 Judex, à quo in una causa est appellatum, non idcirco, tanquam suspectus, recusari potest etiam quoad alias, nisi notoria sit iniustitia sententiae ab eo latae. 9 Non admittitur Appellatio à sententia, qua crimen confessus, & convictus condemnatur ad poenam lege definitam. 10 Si vero poena à lege statuta non sit, sed ipse Judex poenam decernat, & modum excedat appellari poterit. 11 Item appellati potest à declaratione poenae Jure latae. 12 Spectato Jure Communi, etiam in causis minime, admitti debet Appellatio. 13 Secus dicendum in causis, ac delictis notoriis. 14 Excipe, nisi in Appellatione exprimat^{ur} legitima causa, per quam delictum notorium aliquo modo defendatur. 15 Summus Pontifex, vel Princeps supremus alicui causam delegando potest inhibere, ne ab ipso delegato appelletur. 16 Solum Summus Pontifex, vel alius supremus Princeps, qui superiorem non cognoscit, potest causas aliis committere, vel Judices dare cum clausula: *Appellatione remota*. 17 Posita clausula: *Appellatione remota*, non est admittenda Appellatio in aliquo effectu, etiam si pars iusta, & rationabilem causam gravaminis exprimat, nisi appellatio specialiter sit expressa, & permissa à Jure. 18 In Appellatione à sententia Interlocutoria debet appellans exprimere iustam causam, seu gravamen. 19 Et, attento Jure Sexti, haec exceptio debet fieri in scriptis. 20 In Appellatione tamen à sententia definitiva non est necessaria expressio causae. 21 Idem casus in Appellatione à sententia Interlocutoria habente vim definitivam. 22 Remota Appellatione, non censetur etiam remota recusatio. 23 Princeps supremus non potest regulari praetextu suspicionis. 24 Jure Canonico recusari potest Judex tam ordinarius, quam delegatus, etiam Episcopus. 25 Imò totum Collegium regulari potest. 26 Jure etiam Civili recusari potest Judex delegatus, tanquam suspectus, nisi delegatio expressè facta sit à Principe cum clausula, *Remota recusatione*. 27 Utrum verò Jure Civili recusari possit ob suspicionem Judex inferior ordinarius? Negativè resolvimus. 28 In praxi tamen observanda est Curiarum consuetudo.

CONCLUSIO XXVIII.

AD TEXT. IN CAP. Clerici 2. CUM SEQUENTIBUS, de Vita, & Honestate Clericorum, lib. 3. Decret. tit. 1.



D honestatem vitae Clericorum inter alia pertinet, ut ipsi deserant habitum, & tonsuram suo statui congruentem. 1 Hujusmodi obligatio deferendi habitum, & tonsuram non solum concernit Clericos in Sacris Ordinibus constitutos, sed etiam Clericos inferiores, si Beneficium Ecclesiasticum habeant. 2 Clerici in Minoribus Ordinibus constituti, & Beneficium Ecclesiasticum nondum habentes, non tenentur ad detrendum habitum, & tonsuram Clericalem. 3 Si autem quæras: Quenam sint poenae Clericorum non deferentium habitum, & tonsuram Clericalem? Interrogati dabimus. 4 Propter unicam dimissionem habitus non incurrit Clericus hujusmodi poenam. 5 Idem dicendum de Clerico, qui vestibus non Clericalibus utitur, dum transiturus est per loca infidelium, vel haereticorum cum periculo vitae, aut ob metum servitutis, verberum, vel alterius gravis incommodi. 6 Excusatur etiam Clericus, qui ratione paupertatis non potest deferre habitum proprio Ordini congruentem. 7 Similiter licitum est Clerico itineranti, vel peregrinanti habere vestes breviores. 8 Clericis Beneficia, aut in Sacris Ordinibus constituti, etiam prohibitum est laxare comam. 9 Si Clericus monitus generaliter, vel specialiter, in relaxanda coma perseveret, potest excommunicari, nisi substat iusta causa comam nutriendi, seu relaxandi. 10 Potest excusari praxia Clericorum gestantium comam sistitiam, sive peruccam. 11 Item prohibitum est Clericis sub poena excommunicationis arma gestare. 12 Hec poena excommunicationis non est lata sententia, sed ferenda, si Clerici sint saeculares. 13 Monachi tenentes arma intra septa Monasterii sine licentia Superioris ipso facto sunt excommunicati. 14 Ex iusta tamen causa licitum est Clericis arma portare. 15 Clericus in Ordinibus Minoribus constitutus, si militiae operam dederit, à Clericatu excluditur. 16 Plures dantur casus, in quibus Clerici absque amissione privilegii Clericalis possunt militare. 17 In materia favorabili nomen *Clericorum* non solum comprehendit Sacris Ordinibus constitutos, & primò Tonsuram initiatos, sed etiam Monachos, & Moniales. 18 Appellatione tamen *Monachorum* non veniunt Clerici saeculares. 19 In materia odiosa nomine *Clericorum* soli inferiores Clerici saeculares comprehenduntur, non autem Episcopi, neque Canonici, aut alii in dignitate Ecclesiastica constituti, nisi secus exprimat^{ur}. 20 Insuper in materia odiosa nomine *Clerici* non comprehenduntur Religiosi utriusque sexus, nisi exprimat^{ur}, vel ex subiecta materia, aliisque circumstantiis secus appareat. 21 Item nomine *Clericorum* in favorabilibus veniunt Eremitae, qui licet non sint professi alicujus Religionis, tamen de manu Episcopi receperunt habitum Eremiticum, atque sub ejus obedientia vivunt deputati pro servitio alicujus Ecclesiae, vel Oratorii. 22 Secus dicendum de Eremitis, qui sine autoritate Praelati Ecclesiastici voluntarie deserunt habitum Eremiticum.

CON-

CONCLUSIO XXIX.

AD TEXT. IN CAP. *Siqui* 1. CAP. *Quod à te* 3. ET CAP. *Diversis* 5. de Clericis
conjugatis, lib. 3. Decret. tit. 3.

CLERICUS in Minoribus Ordinibus constitutus preest validè, ac licitè matrimonium contrahere. 2 Quod intelligendum est, etiam illis, qui Ordines Minores suscipiunt, eos suscipiunt exultantes ipsis annexum esse votum solemne continentie. 3 Contracto matrimonio, ad Beneficia Ecclesiastica obtinenda fit incapax, & prius obventa amittit, ita ut eidem non prosit regula de triennali possessione. 4 Utrum verò hujusmodi Beneficia ipso Jure, & facto amittantur, etiam ante aliam Judicis sententiam? Affirmantibus adhæremus. 5 Vacatio ista Beneficiorum ipso Jure inducta non solum procedit in matrimonio consummato, sed etiam in rato tantum; non autem in sponsalibus de futuro. 6 Hujusmodi Clericus non recuperat Beneficium sic amissum, licet ante consummatum matrimonium uxor sit mortua, vel Religionem ingressa. 7 Insuper amittuntur per matrimonium validum accessus, regressus, & qualibet alia jura ad Beneficium Ecclesiasticum ipsi contrahenti competentia. 8 Clericus valido matrimonio copulatus peccat mortaliter, si retineat Beneficium. 9 Possunt ejus Beneficia, tanquam vacantia, impetrari, & alteri conferri. 10 Si retineat Beneficium, tenetur fructus restituere. 11 Nec potest illud resignare in favorem alterius. 12 Per contractum matrimonii irritum non amittuntur Beneficia ipso Jure, quomodoqueque, & ex quacunque causa sit irritum. 13 Clericus in Sacris Ordinibus constitutus nec licitè, nec validè matrimonium contrahere potest. 14 Neque Clericis Græcis in Sacro Ordine constitutis unquam licuit, aut de facto licet matrimonium contrahere, sed solum antea contracto uti. 15 Obligatio ad continentiam, & vitam cœlibem apud Clericos in Sacris constitutos, non refunditur in Jus Divinum. 16 Datur lex Ecclesiastica obligans ordinatos in Sacris à matrimonio contrahendo abstinere, vel ab usu jam contracti, quæ est consentanea, & non contraria juri Divino. 17 Clerici, qui in Subdiaconatu, & aliis superioribus Ordinibus uxores accepisse noscuntur, ad dimittendas illas, & penitentiam de scelere commissio agendam per suspensionis, & excommunicationis sententiam compellendi sunt. 18 Imo facto ipso excommunicationem incurrunt. 19 Ab hac tamen excommunicatione absolvi possunt ab Episcopo. 20 Insuper hujusmodi Clerici matrimonium contrahentes nec in susceptis Ordinibus ministrare, nec ad altiores ascendere possunt. 21 Probabilis est, Clericum in Sacris constitutum, si matrimonium invalidè contrahat, non privari ipso Jure Beneficiis suis.

CONCLUSIO XXX.

AD TEXT. IN CAP. *Ex gestis* 2. CAP. *Quia nonnulli* 3. CAP. *Relatum* 4 ET CAP.
Conquerente 6. de Clericis non residentibus in Ecclesia, vel Præbenda,
lib. 3. Decret. tit. 4.

RESIDENTIA Clericalis definitur: *Mansio, seu commoratio assidua in Ecclesia, seu loco Beneficii, causa servitii Ecclesiastici personaliter præstandi*. 2 Duplex est, alia Vera, & alia Ficta. 3 Jure Communi spectato, omnia Beneficia, etiam simplicia, possulant residentiam. 4 Ex generali tamen consuetudine Beneficia simplicia cum non requirunt, nisi Fundator oppositum expresserit. 5 Episcopi, alique Beneficiati curam animarum habentes tenentur ad residentiam personalem, non solum de Jure Canonico, sed etiam Jure Divino, & Naturali. 6 Beneficia non curata solum Jure Ecclesiastico exigunt residentiam. 7 Dantur aliqua Beneficia, quæ tantum ad Horarum Canoniarum recitationem obligant, & non ad residentiam. 8 Residentia Episcoporum facienda est in loco, ubi est Ecclesia Cathedralis. 9 Episcopi, alique Beneficiarii præcepto residentie non satisfaciunt ex eo, quòd corporaliter præsentem sint in loco Beneficii, nisi etiam munera ratione officii sibi incumbenda pergant. 10 Episcopus potest abesse per duos, vel tres menses à sua Ecclesia, dummodo non absit in præcipuis solemnitatibus, non sequatur damnum gregis, & absentia unius anni non continetur cum absentia anni subsequente. 11 Parochus non potest abesse à sua Ecclesia per integram hebdomadam, nisi obventa ad id Episcopi licentiâ. 12 Si absit, etiam spatio duorum dierum, tenetur relinquere idoneum Vicarium. 13 De licentiâ Episcopi potest ex gravi causa per integrum bimestre abesse. 14 Non sufficit licentia petita, nisi etiam fuerit obventa, & in scriptis data. 15 Si tamen occurrat causa gravis, & necessaria subito abscedendi, quæ tantam celeritatem requirit, ut non patitur dilationem, potest Parochus, relicto idneo Vicario, discedere absque præhabita licentiâ Ordinarii. 16 Causæ, quæ à residentia excusare possunt, sunt Charitas Christiana, urgens necessitas, debita obedientia, & evidens Ecclesiæ, vel Reipublicæ utilitas. 17 Causa studiorum non est sufficiens, ut possit Episcopus concedere Parocho licentiam non residendi in propria Ecclesia. 18 Ex hujusmodi causa potest abesse ad septem annos Beneficiatus, qui non habet actuslem curam animarum, & aliunde tenetur ad residendum, sit adsit licentia Prælati, si non prætergressus

fus fuerit annum trigefimum, & det operam Theologiæ, vel Juri Canonico. 19 Canonici abesse poffunt per tres menses, five continuos, five interpolatos, dummodo eodem tempore maior pars non abfit, vel particulares Constitutiones Ecclesiæ id non prohibeant. 20 Pro eo tamen tempore non lucrantur distributiones quotidianas. 21 Potest Episcopus ob legitimam causam dare Cononicis suis licentiam, ut abesse valeant quatuor mensibus. 22 Canonici ex julla causa abfentes non tenentur relinquere subditum. 23 Poffunt abesse pro inserviendo Episcopo, quatenus Episcopus est.

CONCLUSIO XXXI.

AD TEXT. IN CAP. *Cum percussio* 1. CUM ALIIS, de Clerico agrotante, vel debilitato, lib. 3. Decret. tit. 6.

NULLUS Clericus ob infirmitatem, senium, vel mutilationem, privari potest Beneficio, aut fructibus ejusdem, quamvis officio suo superesse nequeat, sed Coadjutor ei dandus est. 2 Beneficiatus, v. g. Capellanus infirmus ad breve tempus non videtur teneri ad supplementationem Missarum, quas eo tempore omisit, nisi literæ Fundationis aliud expresse disponant, vel specialis Ecclesiæ constitutio, aut consuetudo aliud exeat. 3 Episcopo, Clerici Curati, & simplices Beneficiati ad celebrationem certarum Missarum obligati, quamvis ob infirmitatem Beneficio privari non possint, tenentur tamen pati, ut eis constituantur Coadjutor, vel Vicarius, quando eorum infirmitas est incurabilis, & perpetua. 4 Secus dicendum, si infirmitas sit solum temporalis. 5 Ad cedendum tamen Beneficio non possunt cogi, etiam ob morbum perpetuum. 6 Quod intelligendum est non solum de Episcopis, sed etiam de aliis Beneficiatis. 7 Coadjutoria est *Facultas alicui concessa adjuvandi Beneficiatum in Beneficii regimine*. 8 Duplex est, alia perpetua, seu data cum jure succedendi in Beneficio; alia temporaria, seu data sine tali jure succedendi. 9 Prælati, seu Parochi Coadjutos propter constitutum sibi Coadjutorium non excusantur a residentia. 10 Nec etiam ab ea liberatur Coadjutor propter residentiam Coadjuti. 11 Fructus Beneficii, in quo Coadjuto datus est Coadjutor, debentur Coadjuto, & quidem omnes, quos, si sanus esset, percipere potuisset, dempta portione, ex qua nli Coadjutor debet. 12 In casu, quo utrique alendo redditus Beneficii non sufficiant, præferendus Coadjutori est Coadjutus. 13 Coadjutor perpetuus, seu cum futura successione solum a Summo Pontifice dari potest. 14 Item ad solum Papam pertinet dare Episcopis Coadjutorem, etiam temporalem. 15 Nihilominus Episcopi à Curia Romana remoti, & ob senium, vel corporalem invalitudinem administrationis incapaces, possunt auctoritate Pontificia, cum consilio, & consensu sui Capituli, vel maioris partis ejusdem, assumere sibi unum, vel duos Coadjutores ad exequendum dictum Coadjutori. 16 Si Episcopus incidat in amentiam, potest Capitulum, vel duæ ipsius partes, eadem auctoritate Pontificia unum, vel duos Coadjutores idoneos assumere Episcopo amenti, qui ejus officium exequantur. 17 Plures Coadjutores duobus nequit Episcopus infirmus sibi assumere, nec Capitulum Episcopi dementi dare. 18 Episcopus compos rationis non potest à Capitulo cogi, ut sibi Coadjutorem assumat. 19 Coadjutoris temporalis officium expirat morte Coadjuti, five naturali, five civili, nempe depositione, vel reiguatione ejusdem. 20 Item, quando cessat impedimentum Coadjuti. 21 Coadjutor datus cum futura successione subintrat in locum Coadjuti post hujus mortem.

CONCLUSIO XXXII.

AD TEXT. IN CAP. *Placuit* 1. de Emptione, & Venditione, lib. 3. Decret. tit. 17.

EMPTIO-VENDITIO sic bene definitur: *Contractus Juris gentium, nominatus, bonæ fidei, initus consensu, quo de re, seu merce pro certo pretio pecuniario, & de pretio pro re tradendo convenitur*. 2 Ad valorem, & perfectionem venditionis requiritur certum, & determinatum pretium. 3 Unde non est valida hæc venditio: *Vendo tibi hanc rem tanti, quanti volueris*. 4 Imò neque hæc: *Vendo tibi hanc rem justo pretio, quo æstimatum fuerit valere*. 5 Sufficiens pretium determinatur, si vendam eo pretio, quod est in arca. 6 Item, si vendam pro pretio, quo frumentum tali die, vel tali foro vendi solet. 7 Pretium duplex est, legale, & naturale. 8 Legale est illud, quod taxatur pro aliqua merce ab habente potestatem, & solet consistere in indivisibili. 9 Pretium naturale est illud, quod statuitur prudenti hominum judicio. 10 Dividitur in infimum, medium, & supremum, seu rigorosum. 11 Licetum est vendere, vel emere intra latitudinem talis pretii. 12 Vendenti pretio infimo non est licitum se compensare contra emptorem usque ad supremum rigorosum. 13 Res, quæ non habent pretium legale, vel naturale, ut gemmæ peregrinæ, aves ex India, &c. non possunt vendi, quanti domini velint. 14 Justum pretium rerum, quæ venduntur sub hasta, est illud, quod offertur à licitatoribus. 15 Oportet tamen fraudes abesse. 16 In nullo foro externo conceditur actio contra lædentes in pretio, nisi læsio sit ultra dimidium. 17 Nihilominus in foro interno lædentes

dens iofra dimidium iufti pretii ad reftitutionem tenetur. 18 Pretium legale femper fervandum eft, niſi ex ignorantia, vel alia caufa fuerit iniuſte taxatum. 19 Ratione lucri ceſſantis, vel damni emergentis poteſt pretium augeri, ſi præciſe ex vi factæ venditionis lucrum ceſſet, & dñmum emergat. 20 Venditor debet monere emptorem de pretii augmento propter lucrum ceſſans, & damnum emergens. 21 Item in determinando augmento pretii debent deduci expenſe, quæ faciendæ erant pro conferenda merce uſque ad tempus, quo plus erat valitura. 22 Inſuper, ſi periculum erat, ut eo tempore iotermidio periret, vel deterior fieret, deducendum eſt, quanti reſtituari poteſt tale periculum. 23 Augeri poteſt pretium ob magnum affectum venditoris ad rem, quam vendit, ſi de hoc moneat emptorem; non vñ ob utilitatem emptori ex re emptæ provenientem. 24 Penuria mercium, & multitudo emptorum dat iuſtam cauſam pretium augendi. 25 Præciſe ob dilatam ſolutionem non licet exigere aliquid ſupra pretium rigorofum. 26 Si merces ultroneè offerantur emptori, licitum eſt minuere pretium, dummodo concurrat aliqua circumſtantia, ratione cujus vileſcant. 27 Ob anticipatam ſolutionem non licet pretium diminuire, niſi in emptore adſit lucrum ceſſans, vel damnum emergens, vel periculum non habendæ mercis, vel habendæ minus bonæ.

CONCLUSIO XXXIII.

AD TEXT. IN GAP. *Si venditori 7. & FIN. eodem tit.*

- S** 1 venditor mala fide rem alienam vendidit, non poteſt eam defendere contra dominum inſtancem pro reſtitutione. 2 Venditor, poſtquam res fuit viſita, tenetur reſtituere totum pretium, ſi tota fuit evicta, & partem pretii, ſi fuit evicta pars. 3 Si ſolum pars fuit evicta, non poteſt emptor agere ad reſciſſionem contractus, niſi pars, quæ remaneret, vel eſſet inutilis, vel à parte evictæ inſeparabilis. 4 Venditor non ſolum tenetur poſt eviſionem pretium reſtituere, ſed etiam præſtare id, quod emptoris intereſt, rem non eſſe evictam. 5 Venditor rei alienæ non tranſfert dominium illius in emptorem. 6 Emens tamen propriis pecuniis tranſfert illarum dominium in venditorem. 7 Credita certa minoris cui poſſunt, ſi in emptore adſit lucrum ceſſans, aut damnum emergens. 8 Idem dicendum, ſi creditum, licet liquidum, attamen ſit periculofum, v.g. propter pauperitatem debitoris. 9 Creditum certum nulla difficultate, ac moleſtia exigibile, quod nullatenus eſt periculofum, non poteſt minoris emi. 10 Siquis alicui vendat rem, quam alteri jam venderat, ſi ſc. non eſt tradita ſecundo emptori, tenetur venditor priori tradere. 11 Si res tradita ſit ſecundo emptori, hic anteſertur primo, aliquibus caſibus exceptis. 12 Quando vitium, quod reticeat in venditione, non eſt notabile, neque reddit rem minus utilem ad uſum, ad quem res ipſa emitur, contractus non eſt invalidus, neque iniuſtus. 13 Per ſe loquendo non tenetur venditor manifeſtare emptori vitium patens. 14 Quando venditor vendit rem pretioſam, quæ communiter reputatur vilis, ſi emptor poſt emptiorem inveniat eſſe pretioſam, non tenetur aliquid venditori reſtituere. 15 Emptor, qui reſtituit rem emptam venditori propter notabile vitium occultum non manifeſtatum, tenetur reſtituere fructus rei emptæ medio tempore collectos, deductis expenſis, & æſtimatione induſtriæ. 16 Sciens pretium mercis brevi minuendum poteſt licitè vendere omnes ſuas merces pretio currenti. 17 Qui ſcit theſaurum latere in agro tuo, poteſt illum à te emere pretio communi, nihil dicendo de theſauro latente. 18 Injuſtum eſt monopolium, dum aliqui conveniunt de non vendendo, vel emendo, niſi tali pretio. 19 Qui non fuit cauſa monopolii, etiam non poteſt vendere merces ſuas juxta pretium, quod crevit ratione monopolii. 20 Qui impedit fraude, & dolo, ne merces aſportentur in civitatem, ne vilius cogatur ipſe vendere, peccat contra juſtitiam commutativam. 21 Interveniente juſta cauſa, licitum eſt ex publica autoritate monopolia exercere. 22 Vendere credito pretio maiori cum pacto, ut emptor rem emptam revendat venditori pretio minori, eſt contractus Mohatra omnino illicitus. 23 Si non intercedat tale pactum, huiusmodi venditio poteſt cohoecari.

CONCLUSIO XXXIV.

AD TEXT. IN GAP. *Investigandum 1. CUM ALIIS, de Pecalio Clericorum, lib.*

3. Decret. tit. 25.

- B**ONA, quæ ad Clericos pertinent, aliæ ſunt Patrimonialia, aliæ quali Patrimonialia, aliæ merè Eccleſiaſtica. 2 Beneficiarius habet dominium abſolutum bonorum ſuorum Patrimonialium. 3 Habet inſuper dominium abſolutum bonorum ſuorum quali Patrimonialium. 4 Idem dicendum de distributionibus quotidianis. 5 Communis T.T. & Canonistarum ſententia tenet, Clericos Beneficiarios ſeculares habere perfectum dominium reddituum Beneficii ſui, non ſolum quoad partem, quæ ad congruam ipſorum ſuſtentionem, & ſtatus decentiam conservandam neceſſaria eſt, ſed etiam quoad eam, quæ redundat, & ſuperflua eſt. 6 Beneficiarius liberè, & pro libito diſponere poteſt de fructibus ſuis.

suæ congruæ sustentationi necessariis. 7 Non potest liberè, & pro libito disponere de portione fructuum, quæ superfluit; sed cum debet in pios usus erogare. 8 Graviter peccat Beneficiarius non expendens in pios usus hanc portionem superfluum. 9 Non tenetur tamen ad restitutionem, quamvis fructus, qui de congrua sustentatione superfluit, malè expendat. 10 Hæc obligatio expendendi superfluos redditus in causas pias non oritur ex virtute Charitatis. 11 Non oritur etiam ex virtute Religionis, aut Iustitiæ. 12 Probabilis est, hanc obligationem descendere ex solo Jure positivo, & præcepto Ecclesiæ, non verò naturali, & Divino. 13 Beneficiarius, qui expendit bona Patrimonialia, vel quasi Patrimonialia in utilitatem Ecclesiæ, vel Beneficii, aut alios pios usus, potest postea compensationem sibi facere ex redditibus beneficiis sustentationi suæ superfluis. 14 Quod intelligendum est, etiam si non habuerit animum compensandi. 15 Imò, quamvis habuerit animum contrarium non compensandi. 16 Spectato Jure communi, non possunt Beneficarii testari de bonis Ecclesiasticis superfluis, etiam ad causam piam. 17 Potest induci legitima consuetudo, vi cujus validè, & licitè testari valeant ad causas pias de præfatis bonis. 18 Celebris controversia est: An per consuetudinem, saltem immemorabilem, induci possit, ut Beneficarii de redditibus Ecclesiasticis superfluis liberè, ac licitè ad causas profanas testari possint? Placet sententia affirmativa. 19 Beneficiarius, qui ex residuo expendendo in opera pia emit rem profanam, v. g. prædium, vel villam recreationis, non potest talem rem licitè resuere; sed debet, vel ipsam, vel ipsius pretium adhuc piè expendere. 20 Pensionarii non tenentur expendere in opera pia, quod de pensione superest ultra congruam sustentationem. 21 Certum est, Capellania non collativas, sed amovibiles, non esse obnoxias piæ expensionis fructuum. 22 Difficultas est: Utrum Capellania collativa, & inamovibilis sit obnoxia prædicto oneri? Negativæ resolutioni adhaeremus. 23 Utrum verò Prælati, qui fuerit dominus temporalis alicujus Civitatis, ratione Prælaturæ teneantur expendere residuum in opera pia? Affirmamus.

CONCLUSIO XXXV.

AD TEXT. IN CAP. *Cum esses* 10. de Testamentis, & ultimis voluntatibus, lib. 3. Decret. tit. 26.

TESTAMENTUM bene definitur: *Ultima voluntas cum directâ hæredis institutione.* 1 Directa hæredis institutio est de substantia, ac essentia testamenti. 2 Celebrior illius divisio est in Scriptum, & Nuncupativum. 3 Testamentum gravi metu extortum validum est Jure naturali; non tamen positivo. 4 Non valet testamentum Nuncupativum factum cum relatione ad aliquam certam schedulam, vel chartam, in qua testator dicat coram testibus, scilicet inscripsisse nomen hæredis revelandi post mortem. 6 Item non valet institutio hæredis, si hæc pendat ab alterius arbitrio, ut si testator diceret *Instituo heredem, quem Petrus nominabit.* 7 Testamenta debent confici cum solemnitatibus illius Regni, vel Reip. ubi ipsa sunt, etiam si exequenda sint in aliis Provinciis, ubi vigent aliæ leges, & solemnitates circa testamenta construenda. 8 Testamentum destitutum solemnitatibus à Jure præscriptis invalidum est in foro externo. 9 Non leve dissidium est: An testamenta minus solemnia sint etiam irrita in foro conscientie? Negativè respondemus. 10 Postquam Juxta declaraverit nullum testamentum sine solemnitatibus, non potest etiam quoad forum conscientie, retineri, quod habitum est ex testamento minus solemn. 11 Non tenetur aliquis necessario conficere testamentum; sed licitè potest velle mori sine illo, ut succedant heredes ab intestato, si sint benemeriti. 12 Si tamen moriens habeat debita, quæ post ejus obitum vel difficile, vel non solventur; vel, si prævideat, quod erunt lites, & jurgia, & quod nihil infumetur pro suffragiis animæ; tunc tenetur conficere testamentum. 13 Omnes illi, qui carent usu rationis, ab ipsa natura prohibentur facere testamentum. 14 Impubes redditur inhabilis ad testandum Jure Cætareo, & Regio. 15 Neque ad valorem testamenti impuberis sufficit autoritas tutoris. 16 Item testamentum factum ab impubere non convallescit, etsi pubes moriatur. 17 Non requiritur, quod tempus pubertatis sit completum in toto rigore, & de momento in momentum; sed sufficit, si dies ultimus sit inceptus. 18 Surdi, & muti simul à nativitate non possunt facere testamentum. 19 Si tales effecti sint in decursu vitæ, possunt testari, si per scripturam valeant exprimere suam voluntatem. 20 Filius familias existens sub patria potestate non potest testari, etiam cum consensu patris, de bonis profectitiis, vel adventitiis. 21 Quod etiam intelligendum est de iis bonis adventitiis, quorum usum fructum pater non habet. 22 De bonis castrensisibus, vel quasi castrensisibus testari potest filius familias, si pubes sit. 23 Prodigii, quibus interdita est administratio bonorum, prohibentur facere testamentum. 24 Extra controversiam est, Religiosos solemniter professos nec licitè, nec validè posse testari, etiam ad pias causas. 25 Idem dicendum de Coadjutoribus formatis Societatis JESU. 26 Secus verò de iis, qui post biennium Novitiatus simplicia vota in cadem emiserunt, & Scholastici, vel Coadjutores nondum formati dicuntur. 27 Equites Milites non possunt testari, seculo privilegio Sedis Apostolicæ. 28 Difficultas non levis est: An Canonici Sæculares clarissime, semperque venerabilis Congregationis Sancti Joannis Evan-

Evangelistæ liberè testari valeant? Respondeo, posse validè testari de legitimè acquisitis, non penitè ad testandum facultate. 29 Si tamen testentur absque legitima facultate, graviter peccabunt.

CONCLUSIO XXXVI.

AD TEXT. IN CAP. *Nullus* 1. CAP. *Sicut* 15. ET CAP. *Ad Apostolicam* 16. de *Regularibus, & transsentibus ad Religionem*, lib. 3. Decret. tit. 31.

STATUS Religiosus definitur: *Status perfectionis per tria vota Paupertatis, Castitatis, & Obedientiæ perpetuis acquirenda.* 1. Omnimoda Paupertas non est necessaria ad perfectum statum Religiosum. 2. Sufficiunt vota simplicia ad constituendum hunc statum. 3. Certum est, posse dari veram, & propriè dictam Religionem, in qua Religiosus habet perpetuam obligationem manendi in Religione, et si Religio non teneatur ipsum perpetuò retinere, sed ob iustas causas eundem possit dimittere. 4. Metus cadens in virum constantem, incussus poenitenti, Jurè Ecclesiastico reddit irritam professionem. 5. Quod etiam intelligendum est de votis simplicibus Societatis JESU, post biennium Novitiatus emissis. 6. Si metus gravis incutiat Praelato acceptanti professionem, non annullat professionem. 7. Ut professio prius invalida ratificata dicatur, requiritur, ut ratificans sciat professionem à se factam fuisse invalidam. 8. Excepi, nisi expressè apud se statuat, professionem à se emissam velle esse validam, et si ab initio fortè fuisset invalida. 9. Consensus novus Religiosus ad ratificationem professionis non requiritur, si fuit solum nulla ex defectu consensus in poenitente. 10. Imò neque requiritur, si ex alia causa fuit nulla. 11. Certum est, quemlibet Regularem, etiam ex Ordine Militari, posse reclamare contra suam professionem, & illam arguere nullitatis. 12. Ut reclamatio sit legitima debet fieri intra quinquennium à die professionis numerandum. 13. Utrum verò audicndus sit via ordinaria impugnans professionem suam post quinquennium, si intra id tempus ob ignorantiam, vel ob aliquot impedimentum reclamare non potuit? Negantibus adheremus. 14. Nihilominus post quinquennium auditur quis per viam restitutionis in integrum. 15. Religio etiam potest reclamare contra invalide profectum. 16. Novitius potest Religionem deserere sine causa, non tamen expelli. 17. Annus probationis ita ad professionem necessarius est in quacunque Religione, ut, eo omisso, professio facta sit nulla. 18. Annus probationis debet esse completus de momento in momentum. 19. Item necessarius debet esse continuus, ac sine interruptione. 20. Non debet repeti Novitiatus casu, quo professio ex aliquo defectu invalida fuit. 21. Si Novitius de licentia sui Praelati, & cum habitu intra annum probationis è monasterio exeat, & extra illud per aliquod tempus moretur, non interrumpitur Novitiatus. 22. Ad professionem validam requiritur decimus sextus ætatis annus, etiam pro emissionem votorum Scholiarum Societatis JESU. 23. Vinculum professionis dissolvi non potest ex consensu utriusque partis, Religionis scilicet, & Religiosi, nec per promotionem professi ad Episcopatum. 24. Religiosus solemniter professus expulsum in perpetuum à Religione manet adhuc obligatus ad vota illius substantialia. 25. Tenetur idem in conscientia se corrigere, & petere receptionem suam in Ordinem; potestque per superiores cogi ad redeundum.

CONCLUSIO XXXVII.

AD TEXT. IN CAP. *Præterea* 1. CUM ALIIS, de *Conversione Conjugatorum*, lib. 3. Decret. tit. 32.

POST contractum matrimonium conceditur cuivis conjugum bimestre, ita ut intra illud non teneatur matrimonium consummare, aut debitum alteri petenti reddere. 1. Potest tamen hoc tempus arbitrio Judicis, vel restringi, vel prorogari. 2. Dubium est: an bimestre à Jure indultum competat etiam conjugum Religiosis propositum non habenti, ita ut intra illud possit negare debitum alteri conjugum petenti? Affirmativam sententiam suscipimus. 3. Si matrimonium non fuit consummatum, transacto bimestri, adhuc licitum est transire ad Religionem, quantūcunque tempus elapsum sit. 4. Per copulam intra bimestre vi extortam non impeditur ingressus. 5. Idem dicendum de copula per merum injustè incusculum obtentâ. 6. Post consummatum matrimonium potest quivis conjux Religionem ingredi cum consensu alterius. 7. Præter consensum necessariò requiritur, ut etiam alter conjux Religionem ingrediatur, si juvenis est, vel senex quidem, sed suspectus de incontinentia. 8. In conjugis senis, & qui de incontinentia suspectus non est, sufficit, si votum continentie emitat in sæculo. 9. De Jure communi licentia Episcopi non requiritur ad hoc, ut unus conjux de licentia alterius ingrediatur Religionem, ibique validè profiteatur. 10. Valida est professio conjugis facta cum consensu alterius, quamvis alter manens in sæculo votum continentie non emitent. 11. Consensus requisitus, ut alter conjux possit ingredi Religionem, & validè in ea profiteri, debet

bet esse liber à gravi metu injusto. 13 Non sufficit consensus merè tacitus, & præsumptus. 14 Coniux sine alterius consensu Religionem ingressus potest revocari à conjugè relicta. 15 Imò sponte redire potest ad sæculum, etiam post professionem factam. 16 Maior difficultas est: an revocationi adhuc locus sit casu, quo unus conjugum, post votum continentie ab utroque ingressus, sine alterius consensu Religionem ingressus, eamque professus est? Placet resolutio affirmativa. 17 Si uterque coniux, mutua licentiâ non obtenta, Religionem ingressus, eamque professus est, neuter potest alterum revocare, si uterque fuit concitus professionis alterius. 18 Si autem uterque fuit inficius, neutrius professio tenebit, & uterque è Religione exire, & conjugem suum potest repetere. 19 Quod intelligendum est, etsi unus prior cum injuria alterius, utpotè intencit, ingressus sit Religionem. 20 Maritus cum uxoris consensu Religionem ingressus non potest revocari, & compelli, ut ad uxorem redeat, si uxor ab ipso relicta votum continentie emisit. 21 Idem dicendum, etsi votum continentie non emisit, dummodo conscia fuerit Juris disponentis, virum non posse profiteri, nisi ipsa etiam ingrediatur Religionem, vel vocet continentiam. 22 Secus, si Juris ignara consenserit. 23 Maritus revocatus tenetur reddere debitum, petere tamen nequit. 24 Imò post uxoris mortem ad monasterium redire debet.

CONCLUSIO XXXVIII.

AD TEXT. IN CAP. *Licet 6. de Voto, & Voti Redemptione*, lib. 3. Decret. tit. 34.

VOTUM definitur: *Promissio deliberata facta Deo de bene possibili, & meliori.* 1 Ad rationem voti non sufficit solum propositum, quantumvis efficax, & absolutum. 3 Votum nunquam peccandi venialiter est nullum. 4 Si vero votum sit de vitando aliquo genere venialium, erit validum. 5 Votum non peccandi mortaliter est validum. 6 Invalidum est votum de matrimonio contrahendo absolute, & absque ulla restrictione emissum. 7 Tota difficultas est: an validum sit votum de matrimonio contrahendo in eo, qui ob fragilitatem suam non facile se potest continere, vel plurimis exagitatus carnis stimulis multoties succumbit? Respondeo, valere tale votum. 8 Si inferas: ergo votum simplex castitatis, vel Religionis emissum in dictis circumstantiis, erit invalidum. Negamus illationem. 9 Votum ex natura sua obligat sub mortali. 10 Obligatio voti non illidit ex perverso animo non adimplendi promissum. 11 Si materia, omnibus inspectis, sit levis, non potest vovens se ad illam graviter obligare, quamvis hoc intendat. 12 In materia gravi potest vovens solum venialiter se obligare. 13 Non est mortale frangere votum in materia parva, quamvis sit tota materia voti. 14 Qui votum emisit jejunandi singulis feriis sextis, aut sabbatis per annum, non tenetur jejunare, si in aliquo ex his diebus incidat festum Natalis Domini. 15 Similiter, qui jejunium quotidianum per annum integrum vovit, si expressè dies Dominicas non comprehendit, eo ipso non obligatur ad servandum votum in illis. 16 Vovens sub conditione, & malitiosè impediens conditionem, non est obligatus ad voti executionem. 17 Votum emissum sub conditione impossibili nullum est. 18 Couditio turpis, quæ destruat substantiam voti, vel habeatur pro fine à vivente, reddit votum nullum. 19 Qui vovet aliquod bonum, supposita turpi conditione, tenetur ad votum. 20 Votum factum sub conditione possibili, & honesta, adimplendum est post adventum conditionis. 21 Si votum pendat à pluribus conditionibus disjunctivè, sufficit ad obligationem voti, unam ex conditionibus fuisse purificatam. 22 Secus dicendum, si conditiones appositæ sint copulativè. 23 Ex dispositione Juris, qui vovit simpliciter Religionem strictiorem, si postea prostituteur laxiorem, in hac licetè manere potest. 24 Vovens potest propria autoritate commutare votum in rem evidentè meliorem, in qua includatur minus bonum. 25 Status Episcopalis est perfectior statu Religioso. 26 Idem dicimus de statu Prælatorum curiam animarum habentium, & de Parochialibus. 27 Nihilominus, qui votum simplex Religionis emisit, non potest illud commutare in statum Episcopalem, vel Parochialem.

CONCLUSIO XXXIX.

AD TEXT. IN CAP. *Monachi 2. CAP. Super quodam 4. ET CAP. Cum ad monasterium 6. de Statu Monachorum, &c.* lib. 3. Decret. tit. 35.

RELIGIOSI omnes, & singuli ratione voti Paupertatis obligantur, ne proprium quid habeant, vel aliquo, tanquam proprio, utantur. 1 Non includitur in hoc voto remunitio Beneficii Ecclesiastici, & aliorum jurium spiritualium, modò fructus, qui titulo Beneficii percipiuntur, non sibi, sed monasterio, vel Ecclesiæ suæ acquirant. 3 Dispositio Religiosi professi de bonis temporalibus est invalida, nisi fiat cum consensu illius, ad quem eorum dispositio pertinet. 4 Controversia est: an valida sit dispositio, quam Scholasticus Societatis JESU de bonis suis faceret sine consensu superiorum? Probabilius est, hujusmodi dispositionem esse validam, quamvis illicitam, & contra

votum paupertatis. 5 Religiosus accipiens, vel distrahens de licentia tacita superioris non est transgressor voti Paupertatis. 6 Subditus accipiens, vel distrahens contra licentiam, quamvis injuste denegatam, transgreditur votum Paupertatis. 7 Ad statum Religiosum non sufficit castitas conjugalis. 8 Summus Pontifex potest dispensare cum solemniter professis, ut matrimonium contrahat. 9 Ut Pontifex possit licite dispensare in voto solemniter Castitatis, non sufficit utilitas privata, sive speciale aliquod commodum Professi; sed requiritur causa publica, & valde urgens. 10 Valida est dispensatio Pontificia in voto solemniter Professi absque iusta causa concessa. 11 Si quæras: utrum Pontifex ita possit dispensare cum Religioso Professo ad matrimonium, ut dispensat, susceperit prole, ad Religionem teneatur regredi? Respondemus negativè. 12 Certum est apud omnes, posse committi culpam venialem contra castitatem ex defectu plenæ advertentiæ, & deliberationis. 13 Firmiter propugnamus, nullum actum venereum ob parvitatem materiæ tantum venialem esse, si sit deliberatè commissus, vel quæsitus. 14 Votum Obedientiæ solum obligat ad obediendum illi, cui Religiosus voluntariè se tradit. 15 Summus Pontifex habet potestatem præcipiendi Religiosis in quacunque materia, in qua omnes Prælati Religionis possunt eis præcipere. 16 Certum est, Regulares exemptos utriusque sexus ex voto Obedientiæ non teneri obedire Episcopo. 17 Probabilius est, Regulares non exemptos, si Episcopo, tanquam proprio suo Prælato, non specialiter Obedientiæ vocent, ad ipsi obediendum ex vi voti Obedientiæ non teneri. 18 Utrum verò Moniales teneantur ex vi voti Obedientiæ obedire Abbatissis, Priorissis, & similibus Superiorissis? Affirmandum. 19 Superior Regularis non potest præcipere Religiosis subditis, quæ extra Regulam sunt, & in ea nec expressè, nec tacitè, seu implicite consentitur. 20 Neque Summus Pontifex ex vi voti Obedientiæ potest obligare subditum regularem ad ea, quæ sunt supra, contra, vel infra Regulam, nisi ex causa, quæ tamen sit secundum Regulam. 21 Religiosis, qui consuetudinem habet transgrediendi regulas sub nulla culpa obligantes, vel obligantes ad venialem tantum, per se loquendo, non peccat mortaliter, si hoc crearet intentione servandi illas regulas, vel etiam haberet expressam intentionem illas non servandi.

CONCLUSIO XL.

AD TEXT. IN CAP. *Consulisti* 3. de Celebratione Missarum, & Sacramento Eucharistiæ, & Divinis Officiis, lib. 3. Decret. tit. 41.

- 1 **S**ACRIFICIUM generaliter sumptum definiri potest: Oblatio rei permanentis, cujus immutatio per legitimum Ministrum facta, recognoscitur Deo, ut suprema omnia Dominus, viæque, & mortis auctor. 2 In Missa esse verè, & propriè dictum sacrificium, est resolutio de fide. 3 Res oblata in sacrificio Missæ est Christus sub speciebus panis, & vini. 4 Est proinde hoc sacrificium infiniti valoris, & dignitatis maximæ. 5 In sola consecratione sita est ejus essentia. 6 Essentialiter tamen includit consecrationem utriusque speciei. 7 Non potest ergo Pontifex dispensare, ut sub unica specie fiat consecratio. 8 Sacerdotes sunt re ipsa offerentes in hoc sacrificio. 9 Principalis verò offerens est Christus Dominus. 10 Quilibet Sacerdos ratione Ordinis, & Officii sui Sacerdotalis assumpti, ad sacrificium hoc aliquoties offerendum graviter obligatur. 11 Licitum, & consulendum est omnibus Sacerdotibus singulis diebus sacrificium Missæ offerre. 12 Sacerdos semel tantum in eodem die potest licite sacrificare. 13 Excipe solemnitatem Natalis Domini, & alios urgentis necessitatis casus. 14 Communio sententia tenet, posse à Sacerdotibus privatas Missas celebrari feria quinta in Cæna Domini. 15 Io die Parasceves non licet celebrare Missam. 16 Similiter illicitum est Sabbato Sancto Missas privatas celebrare in quibuscunque Ecclesiis, & Oratoriis, non obstante quacunque contraria consuetudine. 17 Est peccatum mortale extra locum ab Episcopo consecratum, vel saltem ab eo depositum, celebrare, etiam in seculo scandalo. 18 Est etiam necessarium altare ad celebrandum. 19 Sufficit quodlibet idoneum, fixum, vel portatile. 20 Accepto stipendio, oritur obligatio ex iustitia sacrificandi in favorem illius, qui stipendium erogavit. 21 Potest accipi stipendium, & obligari optimè Sacerdos ex iustitia ad celebrandum pro erogante absque labe ullius simoniz. 22 Non est licitum ab eodem, vel pluribus plura stipendia accipere, & unico sacrificio satisfacere. 23 Utrum verò peccet contra iustitiam, qui pro pluribus sacrificiis plura accipit stipendia incongrua, æquivalentia uni congruo, & deinde unum tantum sacrificium offerre? Respondemus affirmativè. 24 Sacerdos, qui accipit stipendium, rector applicare pro illud dante totum fructum sacrificii, tam ex opere operato, quam operantis. 25 Accipiens stipendium pro Missis celebrandis, dum potest per alium celebrare, debet illi dare totum stipendium, quod accepit. 26 Celebrans per alium potest sibi retinere partem elemosynæ, si Sacerdos celebrans omnino liberaliter illam cedat. 27 Item potest retinere excessum, si detur pinguis stipendium non ratione Missæ, sed persone. 28 Beneficiarius, qui potest per alium celebrare, potest illi dare consuetum stipendium, quamvis ipsi pinguis competat ex fructibus Beneficii, nisi aliter in fundatione cautum sit. 29 Non est celebranda Missa pro primo in futurum offerente stipendium.

CONCLUSIO XLI.

AD TEXT. IN CAP. *Cum Martba* 6. eodem tit.



EUCHARISTIA sic definitur: *Sacramentum Corporis, & Sanguinis Christi sub speciebus panis, & vini, divinitus institutum ad spirituales refectiōem animarum.* 1. Essentiam hujus Sacramenti tam in Corpore, & Sanguine Christi, quā in speciebus consecratis collocamus. 2. Verba consecrationis sunt etiam intrinsecum constitutum hujus Sacramenti. 3. Sumptio non constituit intrinsecē Eucharistiam. 4. Licet conslet partibus physicē etherogenicis, non proinde constituit multiplex Sacramentum, sed unum adæquatum. 5. In illo reperiuntur illa tria à TT. assignata, nimirum: *Res tantum, Sacramentum tantum, Res, & Sacramentum simul.* 6. Hoc Sacramentum non est necessarium necessitate mediū ad salutem. 7. Non est etiam necessarium necessitate mediū ad perseverandum in gratia. 8. Ejus materia remota est panis, & vinum. 9. Debet panis esse triticeus necessitate Sacramenti. 10. Esse azymum, vel fermentatum, non est de necessitate Sacramenti. 11. Est tamen de necessitate præcepti, quod sit azymus pro Ecclesia Latina, & quod fermentatum pro Ecclesia Græca. 12. Obligare hoc præceptum, etiam quando defectu panis consueti, & præcepti populus foret privandus diu sacrificio Missæ. 13. Vinum debet esse de vite, & nullum aliud sufficit. 14. Est materia consecrationis etiam congelatum. 15. Peccaret tamen, qui illud prout sic consecraret. 16. Milcendum est tantulum aquæ ex necessitate præcepti, & non Sacramenti. 17. Nec ex præcepto Divino, sed ex solo Ecclesiastico. 18. Primarius, & principalis effectus hujus Sacramenti est gratiæ augmentum. 19. Potest hoc Sacramentum conferre primam gratiam. 20. Solius hominis viatoris, & baptizati est hoc Sacramentum suscipere. 21. Datur reipsa Christi præceptum sumendi Eucharistiam. 22. Obligat præsertim hoc præceptum in articulo mortis. 23. Nec ei satisfacit communicans extra periculum. 24. Qui communicaverat eodem die, quo incidit in periculum mortis, non tenetur iterum communicare. 25. Infideles Eucharistiæ præcepto non adsurgunt. 26. Datur etiam Ecclesiasticum præceptum communicandi semel in anno tempore Paschali. 27. Huic præcepto communionis annuæ non satisfacit, qui sacrilegè communicat. 28. Per susceptionem Eucharistiæ sine peccato, & sine fructu satisfieri potest præcepto communionis Paschalis. 29. In casu extremæ necessitatis, absente Ministro idoneo, potest laicus Eucharistiam ministrare, secluso scandalo. 30. Ex præcepto Ecclesiastico requiritur ad communionem jejunium naturale consistens in abstinencia ab omni cibo, potu, & à medicinâ. 31. Ut violetur jejunium naturale, satis est, quod aliquid ab extrinseco recipiatur per modum cibi, aut potus. 32. In eadem ægitudine potest infirmus iterum, ac sæpius communicare non jejunus, si commode non potest jejunus.

CONCLUSIO XLII.

AD TEXT. IN CAP. *Dolentes* 9. eodem tit.



QMNES Clerici Sacris sponte initiati tenentur sub gravi ad recitandas Horas Canonicas. 1. Secus autumandum est, si consuetē ordinentur Clerici, & liberè non utantur Ordine accepto. 2. Clericus Ordine Sacro initiatus tenetur ad Divinum Officium post degradationem, vel postquam incidit in aliquam censuram. 3. Similiter tenetur ad Divinum Officium, etiam si missus fuerit ad trirèmes, vel ab hostibus captus, nisi ob impotentiam, vel aliam iustam causam excusetur. 4. Clericus, qui de consensu Pontificis duxit uxorem, tenetur ad pensum Horarum Canonicarum, nisi in hoc fuerit à Papa dispensatus. 5. Omnes Religiosi Choro deputati tenentur post professionem ad persolvendum Divinum Officium, etiam si non sint Sacris initiati. 6. Religiosus, qui in priori Religione tenebatur recitare Divinum Officium, non tenetur ad illud recitandum, si transeat ad aliam Religionem, in qua consuetudo recitandi Officium introducta non est. 7. Religiosus, qui compellitur ad trirèmes, vel per sententiam ejicitur à Monasterio, per se tenetur ad Horas Canonicas recitandas. 8. Monachus habens facultatem, & dispensationem vivendi in perpetuum extra Monasterium tenetur ad recitandum Divinum Officium. 9. Religiosus, qui professionem emisit in ea Religione, que non est addicta choro, non tenetur ex vi professionis ad pensum Divini Officii. 10. Moniales choro deputatæ obligantur ex consuetudine singulis diebus Horas Canonicas recitare. 11. Beneficiarius habens exiguos redditus obligat ad Officium singulis diebus legendum. 12. Si nullos percipit fructus tuâ culpa, quia v.g. es excommunicatus, vel absens, non deobligaris à recitatione. 13. Restitutio imposita Beneficiatis non recitantibus debetur in conficiencia ante sententiam declaratoriam Judicis. 14. Restitutio fructuum ob omissionem Horarum suppleri non potest per quasvis elemosynas, quas antea Beneficiatus ex fructibus sui Beneficii fecit. 15. Peccat mortaliter Beneficiatus, qui animo fructus restituendi omittit Officium Divinum. 16. Qui non potest recitare Matutinum, & Laudes, potest autem reliquis Horas, ad illas tenetur. 17. Quoad substantiam satisfacit, qui recitat Hebraica, Græca, vel Latina lingua. 18. Non satis-

satisfacit præcepto recitandi, qui pro Officio diei Palmarum recitaret Officium Pâschale. 20 Unico Officio satisfacere quis non potest duplici præcepto pro die præsentis, & crastina. 21 Qui Ordinem Horarum non lervat, ut, si recitet Primam ante Matutinum, aut Vesperas ante alias Horas, non peccat mortaliter, nec repetere teneur; sed tantum venialiter, dum hæc facit sine causa advertenter.

CONCLUSIO XLIII.

AD TEXT. IN CAP. *Maiores 3. de Baptismo, & ejus effectu*, lib. 3.
Decret. tit. 42.

- B**APTISMUS vel potest esse Fluminis, vel Flaminis, vel Sanguinis. 2 Definitur primus: *Ablutio corporis exterior à Christo Domino instituta ad regenerationem spirituales sub præscripta forma verborum cum debita intentione.* 3 Parvulus extra casum Martyrii necessarius omnino est Baptismus in re susceptus ad salutem consequendam. 4 Necessarius item simpliciter est adultis, in re tamen, vel in voto. 5 Materia remota Baptismi est aqua naturalis, seu elementaris ad abluendum apta. 6 Proxima est ablutio ipsa. 7 Fit sufficienter per immersionem, asperisionem, vel effusionem. 8 Si puer projiciatur in fluvium à proferente verba formæ cum debita intentione baptizandi, valet Baptismus, si forma finiatur, antequam moriatur puer. 9 Difficultas est: an baptizata hoc modo, etiam in casu, quo jam puer moriturus aliter baptizari non posset, peccaret mortaliter? Resp. affirmat. 10 Aliter dicendum est, si ex eo, quod puer aquâ attingatur, citius moriatur. 11 Hinc sequitur, non esse secundam matrem, alias proximè morituram, ut infanti existenti in utero possit dari Baptismus. 12 Si mulier prægnans damnata ad mortem corripiatur morbo lethali, licet Judici eam fecare ante mortem, ut baptizetur infans. 13 Siquis videns puerum labentem, aut ab alto projectum in flumen, proferat verba cum intentione baptizandi, non efficit verum Baptismum. 14 Esset tamen validus Baptismus, si quis puerum submitteret aquæ defluent ex tecto, aut ex alio loco. 15 Idem dicendum est, si puer per funem demergeretur in puteum. 16 De fide est, formam sufficientem ad Baptismum esse hanc: *Ego te baptizo in nomine Patris, & Filii, & Spiritus Sancti.* 17 Non est validus Baptismus collatus in nomine solius Christi. 18 Baptismus in nomine Genitoris, & Geniti, & Procedentis ab utroque, non est validus. 19 Si dubitet prudenter, an aliquis sit, vel non sit baptizatus, adhibenda est forma hoc modo: *Si non es baptizatus, ego te baptizo.* 20 Quilibet viator rationis compos, sit vir, vel mulier, potest Baptismum validè ministrare. 21 Minister deputatus ad ministrandum solemniter Baptismum est solus Sacerdos. 22 Licitum non est baptizare filios infidelium non baptizatorum, utroque parente renente, seu non consentiente, regulariter loquendo. 23 Fide certum est, pueros ante usum rationis esse capaces Baptismi. 24 Poterit baptizari quis, etiam dormiens, vel aliter rationis expertus, si antea Baptismus petierit. 25 Fœtus animatus probabiliter est capax Baptismi, quamvis nondum sit egressus ex utero matris, si possit aliquoties ablu.

CONCLUSIO XLIV.

AD TEXT. IN CAP. *Consilium 2. de Observatione Jejuniorum*, lib. 3.
Decret. tit. 46.

- J**URE Ecclesiastico, non verò Divino, tenemur jejunare. 2 Præceptum jejunii obligat graviter. 3 Abstinentia à carnibus non est de essentia jejunii Ecclesiastici. 4 Dispensatus ad carnes edendas non est liber à jejunio. 5 Dispensatus ad carnes edendas liber est ab abstinentia à læsticiis. 6 Dispensatus ad carnes edendas non potest simul comedere pisces. 7 Dispensatus ad unum genus carnum, v. g. gallinam, potest quasque carnes comedere. 8 Qui sine cauta pluries in die jejunii vescitur carnes, pluries peccat. 9 Unica tantum comestio haberi potest die jejunii. 10 Quamvis non præscribat tempus infundendum in unica refectioe facienda, non debet tamen esse notabiliter longum. 11 Plenà jam habita refectioe sine animo continuandi prandium, plicato lineteolo, potes nihilominus intra quadrantem cum dimidio aliquid prægulare sine violatione jejunii. 12 Propter aliquam rationabilem causam potes refectioem interrumpere per horam, maxime, si animo redeundi interrumpas, quin transgrediaris præceptum jejunandi. 13 Cœnula, seu nocturna refectio ex præscripta consuetudine introducta est, & ad octo circiter uncias pertingere potest. 14 Non peccat contra legem jejunii, qui unica refectioe adeo laxatur, ut nullum jejunii difficultatem sentiat, nec carnis illecebras ultatenus comprimat. 15 Omnes fideles, completo 21 anno, per se loquendo, tenentur ad jejunia ab Ecclesia præscripta. 16 Regulares à jurisdictione Episcoporum exempti non tenentur observare jejunia, quæ Episcopi in suis Diocesisbus inducunt. 17 Non excusatur à jejunio, per se loquendo, qui magis vexatur tentationibus carnis jejunando, quàm non jejunando. 18 Non potest quis per alium jejunare, & præcepto je-

junii satisfacere. 19 Qui aliquo die jejunare non potest, non tenetur aliquid loco jejunii facere. 20 Exeuntur à jejunio illi, qui, nisi largiorem refectumculam noctu accipiant, gravem salutis iacturam probabiliter timent. 21 Qui vigesimum primum annum nondum complevit, & qui sexagesimum annum jam attingit, quamvis nondum compleverit, exeuntur à jejunio.

CONCLUSIO XLV.

AD TEXT. IN CAP. *Ecclesie 9. de Immunitate Ecclesiarum, Cæmeterii, & verum ad eas pertinentium*, lib. 3. Decret. tit. 49.



QMNES Ecclesie autoritate Episcopi erecte, etiam non sint consecrate, gaudent privilegio immunitatis. 2 Non requiritur, quod in eis Sanctissimum Eucharisticum Sacramentum asservetur, vel Divina celebrentur. 3 Extenditur hæc immunitas ad Ecclesiam nondum periculis constructam. 4 Item ad interdictam, vel pollutam, etiam si nondum reconciliata sit. 5 Ad Ecclesiam dirutam, seu destructam extenditur, modo non sit diruta autoritate superioris, & sine spe reedificationis. 6 Privilegio immunitatis gaudet etiam Ecclesia nondum benedicta, dummodo habeat alias condiciones ad effectum hunc requisitas. 7 Utrum verò gaudeat immunitate, qui extrinsecus adhæret parietibus Ecclesie? Affirmamus. 8 Idem asserimus de eo, qui adhæret officio clauso Ecclesie. 9 Rogabis: an privilegium immunitatis extendatur ad summum templi tectum, ad porticum, ad campanile, ad hortum? Affirmative sententia subseribimus. 10 Insuper immunitate gaudet spatium terræ per quadraginta passus Ecclesie Maiori, seu Cathedrali, & per triginta Ecclesie minoribus adiacens. 11 Quod intellige de Ecclesia, quæ sunt extra, non verò intra murorum populi ambitum. 12 Item de eo, qui jam ad Ecclesiam confugit, ex illaque progreditur per triginta, vel quadraginta passus; secus de eo, quem Ecclesia nondum recepit. 13 Hoc privilegium extenditur ad Cæmeterium Ecclesie. 14 Quod intelligendum est non tantum de Cæmeterio contiguo Ecclesie, sed etiam de separato. 15 Item extenditur ad hospitale autoritate Episcopi erectum. 16 Idem dicendum de Monasteriis, Conventibus, & Collegiis Regularium secundum totum illud, quod septem est. 17 Etiam Oratoria, quæ sunt erecta autoritate Episcopi, gaudent privilegio immunitatis. 18 Secus de aliis, quæ autoritate Episcopi non sunt erecta. 19 Idem asserendum de domibus Episcoporum, quamvis solum sint titularis. 20 Domus S. R. E. Cardinalium non videntur hæc immunitate gaudere. 21 Queris: Utrum confugiens ad Sacerdotem portantem Sanctissimum Eucharisticum gaudeat privilegio immunitatis? Respondeo, hoc privilegium non haberi in Jure, sed expectandum esse consuetudinem. 22 Similiter dicendum est, confugiens ad altare portatile, aut illud gerentem, spectato Jure, non gaudere immunitate Ecclesiastica. 23 Item de Jure communi non gaudet immunitate confugiens ad Crucem extra Ecclesiam, vel loca Religiosa posita. 24 Quod etiam dicendum de fugiente ad Sanctorum Reliquias. 25 Spectanda tamen erit locorum consuetudo, quæ omnino est observanda, si immunitatem sic confugiens concedat.

CONCLUSIO XLVI.

AD TEXT. IN CAP. *Inter alia 6. ET CAP. FINAL. eod. tit.*



QMNIA crimina specialiter non excepta gaudent immunitate, quamvis enormissima, & atrocissima sint. 2 Publicus latro non gaudet immunitate: secus verò simplex fur. 3 Nocturnus agrorum depopulator ab immunitate excluditur. 4 Dubium est: An diurnus agrorum depopulator excludatur? Quamvis plures Doctores negent, probabilius est, quod excludatur. 5 Grassatores viarum etiam ab immunitate excluduntur. 6 Committens homicidium, vel mutilationem in Ecclesia immunitate privatur, etiam si non deliquerit sub spe immunitatis. 7 Secus dicendum de eo, qui furtum committit in Ecclesia, vel aliud delictum æquè grave, aut gravius homicidio, vel mutilatione, si delictum non fuerit exceptum. 8 Vulnerans in Ecclesia non privatur illius immunitate, si ex tali vulnere mors non sequatur, quamvis magna sanguinis effusio secuta sit. 9 Ille, qui existens extra Ecclesiam sagitta, vel alio instrumento occidit existentem intra Ecclesiam, privatur immunitate. 10 Idem dico de eo, qui existens intra Ecclesiam occidit existentem extra illam in loco profano. 11 Non privantur immunitate, qui occidunt, vel mutilant prope Ecclesiam, v. g. in ejus atrio, porticu, seais, &c. 12 Item privationem immunitatis non incurrit, qui mandat aliquem occidi, vel mutilari in Ecclesia. 13 Rogabis: Utrum privetur immunitate, qui vi, vel fraude, ac dolo extrahit aliquem ab Ecclesia, & extractum occidit, vel mutilat? Tenenda est resolutio affirmativa. 14 Ex mutilatione, vel occisione in Ecclesia facta non privatur immunitate quoad alia delicta. 15 Occidens, vel mutilans in una Ecclesia, si ad aliam confugiat, in qua non deliquit, adhuc non est tutus, nec ibidem gaudet immunitate. 16 Proditorius homicida ab immunitate excluditur. 17 Utrum verò proditorius occidens infidelem privetur immunitate?

Affir-

Afferimus. 18 Excipitur ab immunitate assassini reus, videlicet, qui pretio conductus proximum Christianum occidit. 19 Unde, spectato Juris rigore, assassini crimen non committit, qui pretio conductus occidit hominem infidelem. 20 Non requiritur, quod mandataris de facto pretium acceperit, sufficit, quod promissionem acceptaverit. 21 Non privatur immunitate, qui pecunia conductus, non ad occidendum, sed ad vulnerandum. 22 Excipe, nisi mandatum esset vulnus, quod sine propinquo periculo necis infligi non potest. 23 Qui acceperit pecuniam ad occidendum, & non occidit, sed solum vulneravit, gaudet immunitate. 24 Mandans aliquem occidere sub promissione pecuniarum, morte non secuta, crimen assassini incurrit, & immunitate privatur. 25 Item receptans, defendens, vel occultans assassinum, si verè causa sunt mortis illatæ. 26 Excipitur ab immunitate hæresis, & læsæ Maiestatis reus in personam ipsiusmet Principis. 27 Intelligit Principem supremum respectu ipsius offendentis ratione originis, vel domicilii. 28 Jure novissimo præter enumerata delicta dantur alia, quæ immunitate Ecclesiæ delinquentes privant.

CONCLUSIO XLVII.

AD TEXT. IN CAP. *Miror* 8. caus. 17. quæst. 4.

PRIVILEGIUM immunitatis concessum est omnibus Christianis baptizatis, qui non sunt rei criminis excepti. 2 Interdictus ab ingressu Ecclesiæ gaudet hoc privilegio. 3 Idem asserimus de excommunicato. 4 Probabilior est, hæreticos gaudere etiã privilegio immunitatis in aliis criminibus ab hæresi distinctis. 5 Extenditur hoc privilegium ad infidelem confugientem ad Ecclesiam. 6 Quod procedit, etiam si ad veram fidem se convertere nolit. 7 Rogabis: Utrum Clerici, & Religiosi in criminibus non exceptis gaudeant hac immunitate respectu sanctorum Judicum? Probabilior est sententia negativa. 8 Si servus à domino fugiens in Ecclesiam se recipiat, quia timet se ab eodem tradendum Judici, restituendus non est. 9 Si verò in Ecclesiam se recipiat, quia timet privatim se à domino puniendum, & delictum sit leve, reddendus domino est, si de impunitate servi dominus juramentum Clericis præstiterit. 10 Prælitato juramento, si nolit redire servus, potest compelli à domino, etiam invitus. 11 Si delictum fuerit grave, regulariter juramentum non sufficit, sed securitatem aliam debet dominus dare. 12 Quod si dominus hanc securitatem noluerit, vel non potuerit concedere, compellendus est servum vendere, neque debet illi tradi. 13 Contingens ad Ecclesiam aliis carceri emancipandus, gaudet immunitate. 14 Difficultas est: An immunitas possit etiam illi, qui, effracto carcere, fugit ad Ecclesiam? Assertivam sententiam amplectimur. 15 Hinc à fortiori infertur, si captus à Ministris Justitiæ ex eorum manibus in locum sacrum te recipias, immunitate gaudere. 16 Infertur etiam, gaudere immunitate damnatum ad mortem, si ad supplicium ductus è manibus Ministrorum se eximens ad Ecclesiam confugerit. 17 Controversa est: An immunitate gaudeat etiam is, qui, fide data, custodi, & juramento prælitato redeundus, è carcere dimissus se recipit in locum sacrum? Placet sententia assertiva. 18 Excipe, nisi reus incarcerationis sit pro crimine excepto. 19 Utrum verò Prælati Ecclesiastici possint tradere Magistratui seculari sic fugientem, prælitata prius cautione idonea de impunitate quoad penam corporalem? Negantibus subscribimus.

CONCLUSIO XLVIII.

AD TEXT. IN CAP. *Frater* 10. CAP. *Siquis contumax* 20. ET CAP. *Definivit* 35. caus. 17. quæst. 4.

REI ad loca sacra confugientes recipiendi sunt. 2 Nec inde extrahi inviti possunt. 3 Ad Ecclesiam confugiens nequit in illa capi, incarcerationi, ligari vinculis, aut alia vis eidem inferri. 4 Magistratus secularis non potest prohibere, vel impedire, quominus victus, vestes, & reliqua vitæ necessaria ad reum in Ecclesia deferantur. 5 Bonus, quæ delinquens ad Ecclesiam secum tulit, si propria ejusdem sint, aut eadem sequantur. 6 Non potest reus, dum est in Ecclesia, per sententiam Judicis damnari ad mortem, vel aliam penam corporalem, & gravem. 7 Si reus illegitimè fuerit extractus, ante omnia debet restitui Ecclesiæ. 8 Extractio, totusque processus post extractionem à Judice seculari institutus, nullus omnino, & irritus est. 9 Judici volenti reum extrahere è loco sacro ultra casus permisso, resistere potest tam reus, quam Ecclesia. 10 Rectores Ecclesiarum debent confugæ vitam, & membra servare. 11 Si reus solis blanditiis, aut persuasionibus inductus egredietur, non gaudet immunitate. 12 Secus dicendum, si per metum injustè illatum, & non vanum, sed fundatum egressus est. 13 Dolo, fraude, & mendaciis ad sponte exeundum inductus gaudet privilegio immunitatis, si ad egrediendum inductus sit fraude, & dolo ipsius Judicis, aut hujus autoritate. 14 Si verò dolo alterius privatæ personæ (iusus egressus est confuga, nec Judex fuit deceptionis particeps, poterit Judex sic deceptum, si eundem invenerit extra Ecclesiam, capere, & contra illum procedere. 15 Si quaeras: Utrum Judex Ecclesiasticus possit licentiam concedere

cedere Judici seculari ad extrahendum reum invitum in casibus non exceptis? Respondemus negativè. 16 Reus non potest consentire, ut in Ecclesia capiatur, aut extrahatur, quamvis possit sponte exire, ac permittere, ut egressus capiatur. 17 Difficultas est: An reus possit ligari, vel alia via interim custodiri à Judice seculari, dum ab Ordinario examinatur causa, an gaudere debeat immunitate? Tenenda est resolutio negativa. 18 Rector Ecclesie, cum eum eosque reus, non tenetur confugientem custodire, ne fugiat, casu, quo dubitatur, an ille gaudere possit immunitate, vel non. 19 Imò, licet carcer Judicis Ecclesiastici sit minus tutus, non potest Judex laicus nomine Episcopi reponere reum in carcere seculari, ut ibi tutius custodiatur. 20 Quod intelligendum est, etiam si Judex secularis dare velit cautionem de impunitate in suis carceribus. 21 Extrahentes reum è loco sacro, aut Ecclesia in casibus non exceptis committunt gravissimam culpam sacrilegii, & injustitiæ. 22 Jure Civili incurrunt poenam capitale. 23 Jure Canonico propter hoc delictum imponitur poena pecuniaria, & publica poenitentia. 24 Item sic extrahentes incurrunt poenam excommunicationis maioris, à qua absolvi non possunt, nisi extractum restituant. 25 Sufficit autem ad eam incurrendam attentatio, et si effectus non sit secutus. 26 Hanc excommunicationem non incurrit, qui solum ratam habet extractionem rei.

CONCLUSIO XLIX.

AD TEXT. IN CAP. *Multa* 1. CUM ALIIS, *Ne Clerici, vel Monachi secularibus negotiis se immisceant*, lib. 3. Decret. tit. 50.

NEGOTIATIO propriè dicta prohibita est Clericis, & Religiosis. 1 Licita est Clerico negotiatio œconomica, & industrialis, si non multum accedat ad lucrativam. 2 Impressio librorum, eorumque venditio non continet negotiationem Clericis prohibitam. 3 Nec colere proprios agros ad colligendos fructus, quamvis ex intentione ex eis lucrum captandi. 4 Intentio vendendi iusto pretio propriis fructibus non importat negotiationem. 5 Non possunt vendere res emptas, etiam arte, vel industria mutatas, si hoc solum fiat lucri gratia. 6 Possunt, si eas emant ex alio honesto fine. 7 Quæres: Utrum Religiosi possint licitè vendere pharmaca, quæ ipsi suâ industriâ, & arte conficiunt? Respondemus affirmativè. 8 Si Clericus negotietur per alium, non incurrit poenas à jure impositas in Clericis negotiatores. 9 Vi contrariæ consuetudinis potest Ecclesiasticus negotiari per alium, quando huic totaliter incumbat cura negotiationis. 10 Certum est, negotiationem propriè dictam esse prohibitam Clericis in Minoribus tantum Ordinibus constitutis, si Beneficium Ecclesiasticum habeant. 11 Attento rigore SS. Canonum, nec Clericis in Minoribus constitutis, quamvis non Beneficiatis, licet negotiari. 12 Clericus negotiator peccat mortaliter, nisi parvitas materię, & ratio necessitatis excuset. 13 In casu tamen necessitatis debet Clericus prius recurrere ad artificium, vel laborem manuum, quàm ad negotiationem exerceendam. 14 Preter negotiationem prohibetur generaliter Clericis, & Religiosis exercitium artis Chirurgicæ, & Medicæ. 15 Quod intelligendum etiam est de Clericis, qui in Minoribus tantum Ordinibus constituti sunt, si Beneficium ad sustentationem sufficiens habeant. 16 Excepi, si hujusmodi artem erga personas miserabiles, aut cognatas exerceant causa pietatis, modo abique incisione, & adulatione fiat. 17 Clerici, & aliæ personæ Ecclesiasticæ possunt esse procuratores laicorum coram Judice Ecclesiastico, saltem in causis Ecclesiasticis. 18 At coram Judice seculari esse non possunt, nisi ex charitate, vel amicitia, aut ob causam pietatis, & ad unum, vel alterum negotium, non autem quoad omnia. 19 Clerici non possunt exercere officium Tabellionis, seu Notarii publici. 20 Exciipiuntur causæ Fidei. 21 Clericus, etiam in Sacris constitutus, & Beneficium habens potest esse Notarius Papæ, & in Curia Romana hoc officium exercere. 22 Judicium sanguinis non solum prohibetur Clericis in Sacris constitutis, sed etiam iis, qui in Minoribus tantum Ordinibus constituti sunt. 23 Item prohibitum est Clericis, & Religiosis in Scholis, vel Universitatibus publicis Jus Civile, & Medicinam audire. 24 Possunt tamen Jus Civile, ac Medicinam publicè, aut privatim docere.

CONCLUSIO L.

AD TEXT. IN CAP. *Præterea* 2. ET CAP. *Ex literis* 10. de *Sponsalibus, & Matrimoniiis*, lib. 4. Decret. tit. 1.

SPONSALIA definiuntur: *Promisso mutuo matrimonii futuri*. 2 Ad valorem sponsalium non sufficit libertas semiplena. 3 Regulariter valida sunt sponsalia, quæ ira, amore, aut alia simili passione impellente contracta sunt. 4 Ut promissio futuri matrimonii obliget, necessarium est, ut à promissario, sive eo, cui fit, sit acceptata. 5 Unde sequitur, hujusmodi promissionem, antequam illam pars altera acceptet, revocari posse à promittente. 6 Sponsalia non perficiuntur sola acceptance promissionis

nis matrimonii; sed necessarium est, ut ei accedat etiam repromissio. 7 Certum est, ex sponsalibus validis oriri obligationem sub gravi culpa ad matrimonium contrahendum, & promissionem adimplendam. 8 Qui non vult sine legitima causa implere sponsalia, engendus est, siue sponsalia sint jurata, siue non. 9 Potest imponi poena resiliendi iniuste à contractu sponsalio. 10 Desiderans virginem spe fœlæ promissionis, nec ex iustitia, nec ex fidelitate obligatur, si præsumatur ipsam cognovisse deceptionem. 11 Si non habuit occasionem percipiendæ deceptionis, obligatur ad matrimonium, etsi damnum alia via compensare valeat. 12 Ex solo excessu nobilitatis, aut divitiarum percipi satis non potest occasio deceptionis percipiendæ. 13 Nemo perpetuo impeditus ad matrimonium contrahendum potest sponsalia valide contrahere. 14 Sponsalia puerorum dissolvuntur mutuo consensu contrahentium, etsi iuramento sint firmata. 15 Gravis difficultas est: An sponsalia dissolvantur præcisè per ingressum in Religionem, non expectata professione? Respondemus, dissolvi ex parte ejus, qui manet in seculo, non vero ex parte ejus, qui Religionem ingreditur. 16 Quamvis sponsalia sint jurata, potest iurans ingredi Religionem, non contracto matrimonio. 17 Votum ingrediendi Religionem non dissolvit sponsalia præcedentia ex parte votantis. 18 Votum simplex castitatis emissum post sponsalia non illa dirimit ex parte votantis. 19 Qui pñt emissum votum Religionis, aut castitatis virginem desoravit sub spe matrimonii promissi, non solum potest, sed tenetur eam ducere. 20 Sponsalia dissolvuntur per Ordinis Sacri susceptionem. 21 Illicite tamen ad Sacros Ordines ascendit, qui obstrictus est sponsalibus. 22 Sponsus, qui cum secunda femina contraxit matrimonium, ea mortua, tenetur ducere primam, cum qua prius sponsalia contraxerat, si ipsa velit, & innupta sit. 23 Per secunda sponsalia, etiam jurata, non dissolvuntur priora. 24 Nec etiam, quando secundis sponsalibus accessit copula. 25 Qui post prima sponsalia contraxit de futuro cum alia, non obligatur ex vi posterius sponsalium, si prima essent. 26 Sponsalia dissolvuntur per fornicationem sponse vi copulæ. 27 Si sponsus post sponsalia evaderet ebrietas, ac fornicationibus deditus, daret sufficiens motivum sponse resiliendi à sponsalibus. 28 Asperitas morum, & sævitia, ac intractabilitas de novo cognita post sponsalia, dant sufficiens motivum alteri sponso resiliendi.

CONCLUSIO II.

AD TEXT. IN CAP. *Cum locum* 14. CAP. *Veniens* 15. ET CAP. *Consultationi* 28. eodem tit.

MATRIMONIUM bene definitur: *Conjunctio maritalis viri, & femine inter habiles personas, individuum vite consuetudinem retinens.* 2 Dividitur in Legitimum, Ratum, & Consummatum. 3 Matrimonium consummatur etiam per copulam primo binelli per vim extortam. 4 Licetum est matrimonium ad Morganaticam. 5 Inter baptizatos nequit consistere matrimonium, quod non sit Sacramentum. 6 Inter non baptizatos non est Sacramentum, quamvis hi sint Catholici. 7 Si verò unus sit fidelis, & ex dispensatione Pontificis contrahat cum infideli, adhuc non suscipit verum Sacramentum. 8 Cum uterque conjux infidelis ad fidem convertitur, suscepto Baptismo, eorum matrimonium non transit in Sacramentum, quamvis addant novum consensum. 9 Valide contrahitur matrimonium inter absentes per procuratorem specialem, tam masculinum, quam feminam. 10 Debet commissio non esse revocata tempore, quo fit contractus. 11 Si mandans primo fœtè consentit, & antequam procurator contraheret, verè consentit, id ignorante procuratore, nullus fuit contractus postea per procuratorem celebratus. 12 Idem censeo, si primum consensum verum revocavit, & postmodum ante celebrationem contractus per procuratorem verè consentit, procuratore infcio. 13 Procurator amens, aut ebrius non potest contrahere nomine principalis. 14 Valet matrimonium per procuratorem, etiamsi mandans incidat in amentiam, quando procurator contraxit. 15 Ambo, & soli contrahentes sunt veri ministri hujus Sacramenti, etiam quando contrahunt per procuratorem. 16 Matrimonium consummatum inter fideles est omnino indissolubile quoad vinculum, etiam in casu adulterii. 17 Per adulterium spirituale, quod committitur, quando alter ex conjugibus fidelibus à fide discedit, non dissolvitur vinculum matrimonii. 18 Quando conjux infidelis fidem amplectitur, alter in infidelitate permanente, dissolvitur matrimonium quoad vinculum, si infidelis noluerit cum fidei cohabitare, ideo solum, quod ad fidem conversus sit. 19 Idem asserendum, si noluerit cohabitare absque contumelia Creatoris. 20 Item, si fidelem inducat ad peccatum mortale. 21 Non leve dissidium est: An conjux conversus possit aliud matrimonium inire casu, quo altera pars converti nolit, sed tamen velit pacifice cohabitare, & absque ullo perversionis, & peccati periculo? Probabilior est resolutio negativa. 22 Summus Pontifex potest dissolvere matrimonium ratum baptizatorum. 23 Solus ille metus invalidat matrimonium, qui gravis est, & à causa libera iniuste iniecius. 24 Quod intelligendum est, etiamsi ita contrahens iua culpa incidit in hunc metum. 25 Utrum vero requiratur, ut metus eo sine iniecio sit, ut extorqueatur matrimonium? Negativam sententiam amplectimur. 26 Nullitas matrimonii metu iniusto extorti immediate resin-

refunditur in solum Jus Ecclesiasticum. 27 Qui metu iniuste incurso extorsit nuptias, non tenetur inire matrimonium, esse posset cum eo illud velit contrahere metum passus. 28 Excipe, nisi damnum illatum aliter reparari nequeat.

CONCLUSIO LII.

AD TEXT. IN CAP. *Tua* 1. CAP. *Literas* 4. CAP. *Accessit* 5. CUM
ALIIS, de *Desponsatione Impuberum*, lib. 4. Decret. tit. 2.



1 D sponſalia de futuro requiritur ſeptennium completum tam in masculis, quàm in foeminis. 2 Sponſalia contracta à minore ſeptennio regulariter ſunt invalida Jure Naturali. 3 Si malitia ætatem præveniat, valent ſponſalia, etiam ante ſeptennium inita, ſaltem de Jure Naturali. 4 Utrum verò valeant etiam de Jure poſitivo? Placet reſolutio affirmativa. 5 Quando non conſtat, quòd malitia ſuppleat ætatem, ſeptennium pro ſponſalibus requiritum debet eſſe phyſicè completum. 6 Maior difficultas eſt: Utrum ad contrahenda ſponſalia ſufficiat, quòd ultimus dies ſeptennii ſit incepsus, & ita cenſetur ſeptennium completum? Probabilior mihi videtur ſententia affirmativa. 7 Si duo impuberes contrahant ſponſalia de futuro, non poſſunt reſilire, quandiu impuberes ſunt. 8 Si tamen pubertatem adepti ſint, reſilire præ libito ſuo poſſunt, etiam ſine alia ratione. 9 In caſu, quo duo impuberes contraxerunt ſponſalia, licitum eſt illi reſilire, qui citius pubertatem attingit, etiam altero non expectato, ſi nolit in eum conſentire. 10 Ut impubes ſactus pubes reclamando contra ſponſalia in impubertate contracta, licet reſiliat, debet reclamare ſtatim, & in continenti. 11 Statim autem, ſeu illico reclamare cenſetur, qui intra triduum reſiliat, poſtquam agnovit, ſe pubertatem attingiſſe. 12 An verò ſufficiat diſſenſus, & reclamatio interior, ut maneat liber in conſcientia? Affirmamus. 13 Impuberes reſilire poſſunt à ſponſalibus juratis, adepta pubertate. 14 Si pubes contraxit ſponſalia cum impubere, pubes non poteſt reſilire, etiam de conſenſu impubers, niſi detur juſta cauſa reſiliendi. 15 Quando parentes ſponſalia contrahunt pro filiis impuberibus, non licet filiis reſilire, quouſque ſint puberes, quonſque ſponſalia valida ſunt. 16 Secus, ſi fuerint invalida. 17 Ætas legitima ad matrimonium contrahendum eſt pubertas, ſive annus 14 in masculis, & 12 in foeminis. 18 Quando non conſtat, quòd malitia ætatem ſuppleat, annus 14 in masculis, & 12 in foeminis debet eſſe completus, ut poſſit matrimonium contrahi. 19 Sufficit tamen pro masculis, quòd ultimus dies anni 14. & pro foeminis 12. ſit incepsus, ut habeatur pro completo. 20 Pubertas ſolo Jure Eccleſiaſtico ad valorem matrimonii requiritur. 21 Validum eſt matrimonium ante annos pubertatis contractum, nulla prævia diſpenſatione, ſi malitia ætatem præveniat. 22 Contractus matrimonialis initus ab impuberibus, in quibus ætatem malitia non ſupplet, à gravi culpa excuſari non poteſt. 23 Excepit caſus urgentiſſimæ neceſſitatis. 24 Matrimonia à filiis contracta, parentibus inconſultis, vel etiam invitis, de ſacto ſunt valida. 25 In iis circumſtantiis, in quibus matrimonium poteſt licetè contrahi, invitis, & contradicentibus parentibus, valida ſunt ſponſalia abſque illorum conſenſu inita. 26 Regulariter non tenetur filius implere ſponſalia, quæ abſque ſuo conſenſu pater promiſit. 27 Quando multum intereſt parentum, ut filius tale matrimonium inear, tenetur filius ſub lethali culpa obedire patri illud præcipienti. 28 Filii obligantur ad expectandum regulariter conſenſum parentum circa matrimonium, non tamen obſtringuntur ad conſilium illorum ſequendum.

CONCLUSIO LIII.

AD TEXT. IN CAP. *Cum inhibito* 3. ET FIN. de *Clandestina Desponsatione*,
lib. 4. Decret. tit. 3.



1 MATRIMONIUM propriè clandestinum nunquam fuit irritum, & invalidum in Eccleſia ante Tridentinum. 2 Semper tamen fuit illicitum, & prohibitum ex præcepto Eccleſiæ. 3 Præſentia Parochi, & teſtium in contractu matrimonii requiritur, ut forma ſubſtantialis, & intrinſeca. 4 Hinc ſequitur, in nullo caſu validum eſſe matrimonium abſque Parocho, & teſtibus celebratum à fidelibus baptizatis in locis, ubi publicatum, & receptum eſt Tridentinum. 5 Non valet matrimonium clandestinè contractum ab iis, qui ignorant invincibiliter legem Tridentini. 6 Rogabis: Utrum matrimonium clandestinum inter puberes habeat ſaltem vim ſponſalium de futuro? Negativæ ſententiæ adharemus. 7 Ex matrimonio clandestino puberum oritur impedimentum publicæ honeſtatis. 8 Qui ſemel coram Parocho, & teſtibus cum oculo impedimento dirimente contraxit, validè contractum renovabit abſque nova Parochi, & teſtium præſentia. 9 Deſectum Parochi non ſupplet quicunque numerus teſtium. 10 Peregrini invalidè contrahunt matrimonium abſque præſentia Parochi, & teſtium in Parochia, per quam tranſeunt, ſi in eà receptum ſit Tridentinum, licet in propria Dioceſi non eſſet receptum. 11 Si incolæ locorum, in quibus Tridentinum receptum eſt, ſe tranſferant in locum, ubi non eſt receptum,

ptum, animo figendi ibidem domicilium, validè contrahunt absque Parocho, & testibus. 12 Difficultas est: An valeat matrimonium sine Parocho, & testibus, si uterque sponsus ex loco Concilii recepti se conferat ad locum Concilii non recepti, præcisè animo clandestinè contrahendi, mox rediturus? Affirmamus, non valere in hoc casu matrimonium clandestinè contractum. 13 Ad valorem matrimonii necessarium requiritur assensio proprii Parochi, vel alterius Sacerdotis de ejus licentia. 14 Quando contrahentes sunt ex diversis Parochiis, non requiritur, quòd uterque Parochus assensit, sed sufficit, si assensit Parochus proprius alterutrius, sponsum scilicet, vel sponsam, in cujus Parochia nuptiæ celebrantur. 15 Parochus solius originis non censetur proprius ad assensum matrimonii. 16 Sufficit Parochus quasi domicilii. 17 Qui habet duplicem Parochiam habitationis, potest indifferenter coram alterutro Parocho matrimonium inire. 18 Parochus exilitem extra propriam Parochiam potest validè assensere matrimonio suorum subditorum, sicut etiam dare licentiam assensendi. 19 Proprius vagorum Parochus in ordine ad matrimonium contrahendum est ille, in cujus Parochia actu versantur. 20 Validum est matrimonium, cui assensit Parochus non Sacerdos. 21 Ille, cui Parochus, sive Sacerdos, sive non, committit licentiam assensendi, debet esse Sacerdos, ut valeat matrimonium. 22 Validè assensit matrimonio proprius Parochus, licet sit excommunicatus vitandus, suspensus ab Officio, & Beneficio, irregularis, vel administratione interdictus, modo non sit actualiter depositus. 23 Idem dicendum est, si Parochus det licentiam sacerdoti excommunicato, suspensio, non tolerato, vel degradato ad assensum matrimonii. 24 Sed gravis difficultas est: An Parochus excommunicatus vitandus, vel suspensus possit dare licentiam alteri Sacerdoti ad assensum validè matrimonio? Respondemus affirmativè. 25 Validum est matrimonium, cui assensit Parochus purè excommunicatus, qui ex titulo colorato communi errore putatur esse Parochus. 26 Secus dicendum est de Parocho intruso, & sine titulo, qui communi errore putatur esse verus Parochus.

CONCLUSIO LIV.

AD TEXT. IN DICTO CAP. *Cum inhibito*, eod. tit.



Ad matrimonii valorem non requiritur, quòd licentia ad assensum concedatur in particulari, aut in scriptis, sed verbo tenus, & generaliter concedi poterit. 2 An autem in concessione ministrandi omnia Sacramenta intelligatur concessa talis licentia? Affirmamus. 3 Valida est assensio matrimonialis ex licentia per metum gravem extorta. 4 Sufficit licentia per fraudem, aut dolum extorta, si fias, vel dolum non versetur circa causam motivam, sed impulsivam. 5 Utrum autem sufficiat licentia tacita? Respondendo, sufficere licentiam tacitam, quæ antecedit matrimonium, non sufficere tamen tacitam, quæ subsequatur matrimonium, & vocatur ratihabito. 6 Ad valorem matrimonii non requiruntur testes omni exceptione maiores. 7 Requiritur præsentia morali, & non sufficit merè physica, seu corporalis, tam Parochi, quàm testium. 8 Sufficit præsentia Parochi, & testium per vim, vel dolum habita. 9 Validè matrimonio assensit Parochus, & testes non rogati, nec specialiter adhibiti, dummodo advertant, quid agatur. 10 Ante matrimonium ex præcepto Ecclesiæ obligante sub gravi præmittendæ sunt denuntiationes de illo contrahendo. 11 Quamvis Parochus certò sciret, nullum subesse impedimentum, & hic, & nunc non esse periculum, adhuc obligaretur prædictæ lege, & præcepto præmittendi denuntiationes. 12 Omittere unam denuntiationem, quando Parochus est certus, quòd non sit impedimentum, non est mortale. 13 Contrahentes sine denuntiationibus non solum peccant contrahendo, sed etiam consummando matrimonium. 14 In casibus, in quibus Episcopus tenetur dispensare, si nolit, possunt contrahentes iniire matrimonium, & Parochus, & testes ei assensere sine peccato, omittis denuntiationibus. 15 Idem dicendum est, si Ordinarius non possit faciliè adiri, & est periculum in mora. 16 Non est invalidum matrimonium, si denuntiationes omittantur. 17 Quilibet, per se loquendo, tenetur sub peccato mortali non solum ex præcepto Ecclesiæ, sed etiam Divino, & Naturali manifestare impedimentum, quod novit inter volentes contrahere. 18 Ad manifestationem impedimenti obligatur, qui illud sub secreto novit extra confessionis sigillum, etiam si secretum esset juramento firmatum. 19 Ille, qui solus novit impedimentum, tenetur illud manifestare. 20 Etiam tenetur denunciare impedimentum ille, qui illud audivit à persona fide digna, eam non denuntiante. 21 Secus dicendum, si persona, à qua audivit, non est fide digna. 22 Contrahentes interrogati, an sint aliquo impedimento irretiti, tenentur fateri veritatem, quavis impedimentum sit occultum, & infamatoriu, vel saltè desistere à matrimonio. 23 Si impedimentum opponatur, potest Parochus matrimonium impedire, non autem de impedimento cognoscere, sed res deferenda est ad Ordinarium, ut de illo cognoscat. 24 Quod intelligendum est, etiam si esset impedimentum tantum impediens. 25 Quando Parochus, vel Ordinarius novit impedimentum, & simul etiam novit impeditos obtinuisse dispensationem in illo pro foro interno consentiæ, possunt sic impeditos conjugere matrimonio, si nullus denuntiet. 26 Parochus, qui impedimentum ab altero contrahentium intellexit in ipsa confessione Sacramentali, potest, & debet illum monere in confessione, ut à contractu matrimonii desistat. 27 Si monitionem contemnat, debet negare absolutionem, tanquam indisposito. 28 Non potest tamen assensum suum illi denegare, si matrimonium contrahere nihilominus velit.

C O N -

CONCLUSIO LV.

AD TEXT. IN CAP. *Duobus* 1. CAP. *Accepisti* 2. ET CAP. FIN. de *Sponsa duorum*, lib. 4. Decret. tit. 4.

IMPEDEMENTUM ligaminis definitur: *Vinculum prius matrimonii, quod durante, posterius irritum est.* 2 Ex sponsalibus de futuro non confurgit hoc impedimentum. 3 Si matrimonium scilicet, & animo non contrahendi, aut non se obligandi initum fuerit, in foro conscientie, non inducit impedimentum ligaminis. 4 In foro tamen externo, nisi probetur hœtio, huiusmodi matrimonium præsumitur verè, & validè contractum; & sic in eodem foro præsumitur etiam induxisse impedimentum ligaminis. 5 Effectus primarius impedimenti ligaminis est, ut impediat matrimonium contrahendum, & dirimat contractum. 6 Unde, si quis cum duabus de præfenti contraxerit, ei adhærere debet, cum qua prius contraxit, etsi carnaliter illam non cognoverit. 7 Imò, quamvis secundum prius cognoverit. 8 Nulla contraria consuetudo potest abrogare huiusmodi impedimentum. 9 Qui secundas nuptias attentant, durante primo matrimonio, de Jure Civili incurrunt poenam infamiae. 10 Quæ autem poena de Jure Canonico incuratur? Interroganti dabimus. 11 Ligamen dirimit matrimonium posterius, non solum Jure Ecclesiastico, sed etiam Jure Divino. 12 Pluralitas uxorum respectu unius viri non solum est contra Jus Ecclesiasticum, & Divinum, sed etiam contra Jus Naturale, non primarium, sed secundarium. 13 Pluralitas virorum respectu unius uxoris nunquam fuit licita, nec tale matrimonium unquam fuit validum. 14 Nihilominus adhuc poterit Deus, si velit, dispensare, ut huiusmodi nuptie unius mulieris cum pluribus viris possint subsistere. 15 Secundum matrimonium, stante matrimonio prius contracto, invalidum est, etsi primum ratum solummodo sit, & secundum consummatum. 16 Non potest Summus Pontifex condere legem, ut matrimonium ratum, & non consummatum dirimatur per subsequens matrimonium carnali copula consummatum. 17 Non potest polygamia fieri licita per dispensationem Apostolicam. 18 Validum est matrimonium contractum ab eo, qui falsò credebat vivere priorem uxorem, quæ re vera mortua est, si contrahens haberet animum contrahendi, quantum poterat. 19 Secus dicendum, si non haberet huiusmodi intentionem. 20 Uxor, quæ contraxit matrimonium cum secundo viro, credens primum esse mortuum, tenetur recedere à secundo, postquam cognovit priorem virum superstitem esse.

CONCLUSIO LVI.

AD TEXT. IN CAP. *De illis* 3. CAP. *Super eo* 5. CAP. *Per tuas* 6. ET CAP. FIN. de *Conditionibus apposis in Desponsatione, vel in aliis Contractibus*, lib. 4. Decret. tit. 5.

CONDITIO de præfenti, vel præterito adjecta matrimonio illius valorem non suspendit. 2 Si talis conditio impleta sit, matrimonium statim valet, etiamsi contrahentes ignorent impletam esse. 3 Si impleta non sit, matrimonium non conualefcit per copulam subsequenter. 4 Quod intelligendum est post Tridentinum, & in locis, ubi ejus decretum de matrimonio clandestino receptum est. 5 Si matrimonium contrahatur sub conditione de futuro necessario, statim producit obligationem. 6 Idem asserendum, quando apposta est conditio contingens, sed quæ infallibiliter est eventura, qualis est, *Si Antichristus venerit*. 7 Si contrahentes existunt, conditionem, quæ re vera est necessaria, esse contingentem, suspenditur contractus usque ad adventum conditionis. 8 Item, si talis conditio apponatur ad designandum tempus, in quo contrahentes volunt valere contractum, vel matrimonium, non valet contractus, seu matrimonium ante adventum conditionis. 9 Conditiones generales, quæ insunt omnibus contractibus, illos non suspendunt. 10 Conditio honesta de futuro contingente suspendit valorem sponsalium, & matrimonii sub tali conditione contracti. 11 Ut sponsalia, posita conditione, obligent, non est opus novo consensu, nisi interea revocatus sit consensus prior. 12 Idem censetur de matrimonio. 13 Adhuc post Tridentinum non requiritur ad valorem matrimonii, quòd Parochus, & testes intersint implentioni conditionis; sed sufficit, quòd interfuerint contractui matrimonii sub huiusmodi conditione celebrati, etiamsi de implentione conditionis non constet publicè. 14 Quando aliqua cum conditione de futuro contraxit sponsalia cum duabus, prævalent priora. 15 Ex duobus matrimoniis conditionatè initis prævalet id, cui adjecta conditio prius impleta est. 16 Conditio impossibilis non obstat valori matrimonii, sed per Ecclesiam habetur pro non adjecta, nisi contrahentes ignoraverint eam esse impossibilem, vel nesciverint sic consilium ab Ecclesia, aut aliunde possit colligi, quòd seriò illam adjecerint. 17 Utrum verò conditio impossibilis habeatur etiam pro non adjecta in sponsalibus? Negantibus subscribimus. 18 Conditio, *si Pontifex dispensaverit*, non obstat valori contractus sponsaliti inter personas impeditas. 19 Nemini igitur ex contrahentibus

sub tali conditione licitum est resilire, altero nolente. 20 Non tenetur dispensationem procurare, qui promittit matrimonium, *ſ. Pontifex diſpenſaverit.* 21 Conditiones turpes de præſenti, & de præterito non reſciuntur à contractu matrimonii. 22 Cõditiones turpes de futuro, quæ non ſunt contrariæ ſubſtantiæ matrimonii, vel ejus bonis, reputandæ ſunt pro non adjectis, quando dubium eſt, quo animo ſint adjectæ. 23 Conditiones turpes in ſponſalibus non habentur pro non adjectis, niſi ſint contrariæ ſubſtantiæ matrimonii. 24 Non vitatur matrimonium contractum ſub ea conditione, ut liceat ante conſummationem ingredi Religionem. 25 Validum eſt matrimonium, cui adjectus eſt modus impoſſibilis, v.g. *Contrabe tecum cã lege, ut digito calum tangas.*

CONCLUSIO LVII.

AD TEXT. IN CAP. *De Diacono* 1. CAP. *Ex literarum* 2. CAP. *Meminimus* 3. ET CAP. FIN. *Qui Clerici, vel voventes matrimonium contrabere poſſunt*, lib. 4. Decret. tit. 6.



QUIDO Sacer liberè ſuſceptus non Jure Naturali, nec Divino, ſed ſolo Jure Eccleſiaſtico dirimitur matrimonium contrahendum. 2 Ille, qui Ordinem Sacrum invalidè ſuſcepit propter aliquem defectum ſubſtantialem, non contrahit obligationem voti ſolemnis, quo irritatur matrimonium poſtea contrahendum. 3 Dubium eſt: An ſaltem teneatur ad continentiam ex voto ſimplici, qui exiſtimans eſe vaſtè ordinatus, à parte rei eſt invalidè ordinatus? Reſpondemus negativè. 4 Utrum verbò obligetur voto Caſtitatis ille, qui ad Sacros Ordines accedit, & ſciens illi annexum eſſe votum Caſtitatis illud poſitivè reſpuit, ſeu non vult ad votum Caſtitatis eſſe obligare? Reſpondeo, non teneri ratione voti præciſe, ſed ex ſtatuto Eccleſiæ. 5 Qui ad Sacrorum Ordinum ſuſceptionem inductus eſt metu gravi injuſtè ineuſſo, ſi continentiæ votum, & obligationem intentione ſua non excluſit, inhabilis eſt ad matrimonium validè ineundum, ſecunduſa diſpenſatione. 6 Conjugatus, invita uxore, nec etiam ad primam Tonſuram, vel Minores Ordines promoveri poſteſt. 7 Secus dicendum, volente, & conſentiente uxore. 8 Uxor, qua volente, & conſentiente, maritus ad Sacrum Ordinem promotus eſt, ſi ſenex ſit, & de incontinentia non ſuſpecta, votum continentiæ debet emittere. 9 Si verò juvenis, vel ſuſpecta de incontinentia, tenetur Religionem ingredi, & profiteri. 10 Quod ſi vir aſſumatur ad Episcopatum, non ſufficit, quòd in ſeculo emitteſe votum Caſtitatis, quanvis ſit ſenex, ſed debet ingredi Religionem. 11 Uxor, quæ, voto Caſtitatis emiſſo, licentiam conceſſit marito Ordinem Sacrum aſſumendi, redditur inhabilis ad matrimonium ineundum, etiam poſt mortem mariti. 12 Profeſſio ſolemnis in Religione approbata dirimit matrimonium, non ſolum contrahendum, ſed etiam contractum, ſi ratum tantummodo ſit. 13 Viſa dirimendi matrimonium contrahendum in Profeſſione Religioſa deſcendit ex ſolo Jure Eccleſiaſtico. 14 Ex eodem Jure deſcendit etiam viſa dirimendi matrimonii ratum antea contractum. 15 Certum eſt, vota ſimplicia in Societate JESU poſt Novitiatum emiſſa dirimere matrimonium contrahendum, quando diu non diſſolvuntur. 16 Utrum verò habeant etiam vim dirimendi matrimonii ratum antea contractum? Negativè relolvimus. 17 Matrimonium ratum baptizatorum non diſſolvitur per votum ſolemne Caſtitatis annexum Ordini Sacro. 18 Si conjux poſt matrimonium ratum profeſſus Religionem eſt, uxor reſiſta iò ſeculo valide, & licitè aliud matrimonium poſteſt contrahere. 19 Si poſt conſummatum matrimonium cum uxoris conſenſu ad Religionem tranſiit, eamque profeſſus eſt, non poſteſt uxor poſt mortem conjugis aliud matrimonium licitè contrahere. 20 Si quæratur: An eadẽ uxor ad ita contrahendũ poſt mortem mariti reddatur omnino inhabilis? Reſpondemus negativè.

CONCLUSIO LVIII.

AD TEXT. IN CAP. *Propoſitum* 1. CUM ALIIS, *De eo, qui duxit in matrimonium, quam polluit per adulterium*, lib. 4. Decret. tit. 7.



IMPEDIMENTUM criminis ſolo Jure Eccleſiaſtico inducitur eſt. 2 Hinc inferitur, non habere Incum inter infideles. 3 Si adit homicidium alterius conjugis ab utroque perpetratum animo contrahendi matrimonium, etiam ſine adulterio, eſt impedimentum dirimens. 4 Ut hoc impedimentum contrahatur, ſufficit cooperari ad mortem conjugis conſilio, aut mandato. 5 Non ſufficit ſola ratiſhabito occiſionis alteri conjugi illatæ ad impedimentum hoc inducendum. 6 Hoc impedimentum non ſolum inducitur, quando vir occidit uxorem per ſe, vel per alium, ſed etiam, quando uxor ipſa, altero etiam machinante, occidit virum intentione contrahendi matrimonium. 7 Homicidium cum adulterio dirimit matrimonium ſubſequens cum adultera, ſi homicidium fiat animo matrimonium ineundi cum adulterii complice. 8 Si cum adulterio jungatur promiſſio contrahendi cum adultera poſt mortem conjugis, irritum eſt matrimonium poſtea contractum cum ipſo adultero. 9 Non inducitur hoc impedimentum, ſi matrimonium peccatis erat invalidi.

invalidum. 10 Item non datur hoc impedimentum, si copula inter adulteros non sit consummata. 11 Idem dicendum, si uterque, vel unus ex peccantibus nesciat se committere adulterium. 12 Non tamen excusat ignorantia supina, & crassa. 13 Si detur adulterium ante scientiam matrimonii, & postea, illo cognito, accedat promissio matrimonii, non inducitur hoc impedimentum. 14 Secus dicendum, si promissio interveniat, non cognito matrimonio, & post illud cognitum sequatur adulterium. 15 Non datur hoc impedimentum, si tam promissio, quam adulterium non interveniant, constante eodem matrimonio. 16 Promissio matrimonii debet esse acceptata. 17 Non censetur acceptare, qui tacet. 18 Item promissio ficta non est sufficiens. 19 Non requiritur mutua promissio, sed sufficit, quod unus verè promittat, modò alter acceptet. 20 Ex promissione cum conditione de futuro aote ipsius eventum non oritur hoc impedimentum. 21 Excipiendus tamen est casus, in quo aut in promissarii potestate esset conditionem suo tempore implere, aut ipse certus esset, eam implendam. 22 Adulterium conjunctum cum matrimonio dirimit matrimonium subsequens cum adultera. 23 Non leve dissidium est: Utrum impedimentum criminis incurrat ab ignorante? Probabilis est sententia negativa.

CONCLUSIO LIX.

AD TEXT. IN CAP. *Dignum est* 1. CAP. *Ad nostram* 4. ET FIN. de *Conjogio servorum*, lib. 4. Decret. tit. 9.

MATRIMONIUM liberi cum ancilla, vel liberæ cum servo, ignorata conditione servili, est nullum. 2 Ut servitus matrimonium dirimat, debet esse strictè talis. 3 Error conditionis servilis dirimit matrimonium Jure Civili, & Canonico. 4 Non tamen Jure Naturali. 5 Non valet matrimonium liberi cum ancilla, quamvis ignorantia conditionis servilis sit crassissima. 6 Difficultas est: An idem dicendum sit etiam in casu, quo quis ignoranter contrahit cum ancilla, est tamen ita affectus, ut, si sciret esse ancillam, adhuc contraheret? Tenenda est resolutio affirmativa. 7 Servitus superveniens matrimonio non illud annullat. 8 Validum est matrimonium, quod persona libera contrahit cum persona servili, si eam talem esse cognoscat. 9 Servus validè contrahit cum serva, quam putabat liberam. 10 Item validum est matrimonium, quod liber contraheret cum liberâ, quam credebat servam. 11 Idem asserimus, si servus contrahat cum liberâ, quam servam esse putabat, immò huic consisterit de conditione servi. 12 Mancipium non solum validè, sed etiam licitè potest contrahere matrimonium, invito domino. 13 In tali autem statu non eximitur ab obsequiis consuetis domino præstandis. 14 Si servus nondum contraxit sponsalia, integrum est domino illum in partes longinquas vendendum mittere. 15 Si sponsalia contracta essent ex voluntate, & licentia domini, non potest servus vendi à domino in eas partes, ad quas eum conjux enmòdè sequi non potest. 16 Idem censet, si sponsalia contracta essent absque licentia domini. 17 Maius dubium est: An post matrimonium contractum possit dominus servum vendere in longinquam provinciam, in qua ob distantiam petitio, & redditio debiti impediatur? Respondeo, peccare mortaliter, non solum contra charitatem, sed etiam contra iustitiam, si absque necessitate gravi id faciat. 18 Quando dominus proprium servum, aut ancillam, etiam absque dolo, tradit liberæ in matrimonium nescienti servitute, nec eam detegit, eo ipso talis servus, aut ancilla favore matrimonii manumittitur, & consequitur libertatem. 19 Idem est, si dominus videns tale matrimonium fieri (studiosè tamen, & cum dolo) taceat, nec erranti libero alterius servitute detegat. 20 Si dominus pro suo servo, aut serva faciat instrumenta dotalia, aut dotem, consequitur libertatem servus, aut serva, quamvis parti ingenuæ constet de ejus servitute. 21 Heptamen extendenda non sunt ad adscriptitios, & servos minus strictè acceptos. 22 Similiter dominus servam libertati adscribit, si ipse eam ducat. 23 Utrum verò in iis casibus sit validum matrimonium cum ignorantia servitutis? Affirmamus. 24 Validum est matrimonium liberi cum eâ ancilla, quæ actu libera est, sed per libertatem concessam pro determinato tempore.

CONCLUSIO LX.

AD TEXT. IN CAP. *Veniens* 6. de *Cognitione spirituali*, lib. 4. Decret. tit. 11.

IMPEDIMENTUM cognitionis spiritualis inductum est solo Jure Ecclesiastico, non Naturali, vel Divino. 2 Oritur ex sola collatione, & susceptione Baptismi, & Confirmationis, non verò aliorum Sacramentorum. 3 Dirimit matrimonium contrahendum, non verò contractum. 4 Cognatio spiritualis Jure antiquo Decretali tripliciter fuit, videlicet Paternitas, Compaternitas, & Fraternalitas. 5 Jure novo Tridentini cognitio hæc restricta est. 6 Dicam, inter quas personas hoc Jure contrahatur. 7 Infidelis baptizans, vel suscipiens in Baptismo, vel Confirmatione filium fidelis, non contrahit cognitionem spirituales cum persona baptizata, vel confirmata, & ejus

ejus parentibus. 8 Nec fidelis baptizans, vel confirmans, aut tenens filium infidelis, contrahit cognationem cum patre, vel matre infideli. 9 Utrum vero, si postea prolis baptizata: pater Sacramentum Baptismi suscipiat, ex eo tempore censeatur cognationem spirituales contraxisse cum persona baptizante, confirmante, & Patris suae prolis baptizatae? Negative resolvimus. To Ad contrahendam cognationem spirituales necesse est Baptismum, & Confirmationem valide conferri. 11 Si fidelis non confirmatus sit Patris in Baptismo, contrahit cognationem spirituales cum persona baptizata, ejusque parentibus. 12 Secus dicendum, si sit Patris in Confirmatione. 13 Non impeditur a petitione debiti pater baptizans, vel suscipiens prolem uxoris, vel communem in necessitate. 14 Idem asserendum, si proprium filium, etiam extra necessitatem, baptizet, vel ex Baptismo, aut Confirmatione suscipiat, per ignorantiam probabilem Juris, aut facti. 15 Pater, qui propriam prolem ex fornicatione susceptam, etiam in necessitate baptizat, non potest ducere prolem matrem. 16 Gravis controversia est: An debiti conjugalibus exigendi jure privetur conjux, si extra necessitatem, licenter, & ex malitia baptizet, aut teneat, tanquam Patris in Baptismo, vel Confirmatione, communem filium, aut alterius conjugalibus? Tenenda est resolutio negativa. 17 Non contrahit cognationem spirituales pater, nec proinde privatur jure exigendi debitum, qui materialiter tantum teneret prolem uxoris, aut suam communem, ut commodius baptizetur. 18 Impedimentum cognationis spiritualis incurritur etiam a laico baptizante privatum, & in necessitate aliquem extraneum, qui non est ipsius filius. 19 Idem impedimentum contrahit tenens puerum in Baptismo non solemniter ministrato, si habeat animum obeundi munus Patris, prout ab Ecclesia institutum est, & subeundi illius obligationem. 20 Certum est, munus Patris peragi posse per procuratorem. 21 Probabilis est, in hoc casu cognationem spirituales non contrahi a procuratore, sed a principali. 22 Solus Pontifex potest dispensare in impedimento cognationis spiritualis.

CONCLUSIO LXI.

AD TEXT. IN CAP. UNICO de Cognatione legali, lib. 4. Decret. tit. 12.

COGNATIO legalis communiter definitur: *Propinquitas personarum ex adoptione proveniens.* 2 Adoptio vero, ex qua confurgit cognatio legalis, est *Actus legitimus, per quem is, qui natura non est, assumitur in filium, aut nepotem.* 3 Adoptio duplex est: una perfecta, per quam adoptatus transit in potestatem adoptantis, diciturque *Arrogatio*: altera imperfecta, per quam non transit adoptatus in potestatem adoptantis, & dicitur *Simplex adoptio.* 4 Certum est, cognationem legalem, quae oritur ex adoptione perfecta, inducere impedimentum dirimens matrimonium. 5 Difficultas est: An cognatio legalis, quae oritur ex adoptione imperfecta, inducat etiam hoc impedimentum? Probabilior est sententia negativa. 6 Cognatio legalis dirimit matrimonium inter adoptantem, & adoptatū, ejusque descendentes, qui in ejus potestate erant, quando facta fuit adoptio. 7 Hoc impedimentum perpetuo durat, facta adoptione. 8 Item dirimit matrimonium inter filias adoptantis, & adoptatū. 9 Quod tamen impedimentum cessat, soluta adoptione. 10 Hoc impedimentum non datur, nisi inter filias legitimas adoptantis, & adoptatum. 11 Cognatio legalis dirimit tandem matrimonium inter adoptantem, & uxorem adoptatis, & uxorem adoptantis. 12 Impedimentum oriens ex hac legali affinitate nunquam cessat. 13 Si queratur: An hoc impedimentum superveniens matrimonio contrahito impediat debiti petitionem? Respondemus negative. 14 Cognatio tamen legalis superveniens sponsalibus ea dirimit. 15 Hoc impedimentum solo Jure humano inductum est. 16 Hinc sequitur, infideles cum eo contrahentes non esse separandos post Baptismum. 17 Adoptione durante, potest consistere matrimonium inter adoptantem, & adoptatam matrem. 18 Item inter adoptantem, & filiam adoptivam filiam. 19 Item inter adoptantem, & filiam illegitimam filii adoptivi. 20 Praeterea inter filium, & filiam duorum fratrum adoptivorum. 21 Insuper inter duos adoptivos, seu qui adoptati sunt ab eodem parente. 22 In impedimento cognationis legalis solum potest dispensare Summus Pontifex. 23 In linea recta, & in affinitate legali dispensat difficillime, & non nisi ex gravi causa. 24 In linea transversali dispensatio raro potestulari.

CONCLUSIO LXII.

AD TEXT. IN CAP. Ex literis 1. CUM ALIIS, de Consanguinitate, & affinitate, lib. 4. Decret. tit. 14.

CONSANGUINITAS recte definitur: *Vinculum personarum ab eodem proximo super descendentium, carnali propagatione contrahitum.* 2 Matrimonium in primo gradu consanguinitatis in linea recta est irritum Jure Naturae, atque adeo neque potest consistere inter patrem, & filiam, neque inter filium, & matrem. 3 Si solus pater, & filia, aut sola mater, & filius in mundo superessent, licitum esset, & validum tale matrimonium. 4 Probabilis est, Jure Naturae solum irritari matrimonia inter

ter ascendentes, & descendentes in primo gradu, non verò in aliis. 5 Neque Jure Ecclesiastico irritum est matrimonium inter consanguineos in linea recta ultra quartum gradum. 6 In linea transversa nullum matrimonium est Jure Naturali irritum, etiam contractum inter fratrem, & forem. 7 Jure Ecclesiastico in hac linea irritum est conjugium usque ad quartum gradum inclusivè. 8 Affinitas sic definitur: *Propinquitas personarum ex carnali copula proveniens.* 9 Maritus, & uxor non sunt inter se propriè affines, sed principium affinitatis, & quasi stipes, ex quo affinitatis gradus numerantur, & distinguuntur. 10 Neque ex sponsalibus de futuro, neque ex matrimonio oritur affinitas propriè dicta. 11 Affinitas oritur non solum ex copula licita, sed etiam ex illicita. 12 Copula, ex qua oritur affinitas, five talis copula sit matrimonialis, five fornicaria, debet esse completa, & perfecta, & talis, quæ ex sua natura sit sufficiens generationi, & qua matrimonium consummatur. 13 Ad contrahendam affinitatem sufficit copula habita cum femina dormiente, ebria, amente, coacta, etiam si copula sit occultissima. 14 Affinitas, quæ oritur ex copula conjugali, non est merum Ecclesiæ inventum, sed quid naturale. 15 Etiam vinculum ex copula illicita est naturale. 16 Affinitas ex copula licita dirimit matrimonium usque ad quartum gradum, & ex illicita usque ad secundum. 17 Affinitas in primo gradu lineæ transversalis non dirimit matrimonium Jure Naturali. 18 Maior difficultas est: An affinitas in primo gradu lineæ rectæ Jure Naturali dirimat matrimonium? Probabilior est sententia negativa. 19 Affinitas superveniens matrimonio legitime contracto non illud dirimit. 20 Qui commisit incestum voluntariè, & libere, & scienter cum consanguinea uxoris suæ in primo, vel secundo tantum gradu, privatur jure petendi debitum; tenetur tamen reddere. 21 Peccat mortaliter conjux incestuosus, petens debitum, dum est privatus jure petendi.

CONCLUSIO LXIII.

AD TEXT. IN CAP. *Accepisti* 1. CUM ALIIS, de *Frigidis, & maleficiatis, & impotentia coeundi*, lib. 4. Decret. tit. 15.

IMPO TENTIA temporalis ad coeundum non dirimit matrimonium futurum, quamvis dicta impotentia ignoretur ab altero contrahente. 2 Impotentia perpetua, quæ est absoluta, & antecedens contractum matrimonii, illud dirimit respectu omnium, quacunque ex causa orta fuerit hujusmodi impotentia perpetua. 3 Si mulier, quæ cum impotentia perpetua contraxit matrimonium, postea per miraculum sanetur, adhuc manet invalidum illud matrimonium, nisi vir ejus per novum consensum denuo cum illa contrahat. 4 Secus dicendum, si mulier per maleficiū sit reddita impotens, & per ordinariorum Ecclesiæ Exorcismos postea sanetur. 5 Impotentia generandi, five sterilitas non inducit in impedimentum impotentiae, dummodo adsit potentia ad habendum copulam perfectam. 6 Mulier, quæ non potest parere sine periculo vitæ, vel non nisi foetum mortuum, valide contrahit matrimonium. 7 Impotentia perpetua superveniens matrimonio non dirimit matrimonium consummatum. 8 Imò nec ratum. 9 Quæres: Utrum vita socialis inter impotentes inita, cognita ab initio impotentia, verum matrimonium sit, aut esse de Jure possit? Respondemus negativè. 10 Impotentia perpetua, si sit antecedens, dirimit matrimonium Jure Naturali. 11 Vir potest adversus matrimonium proclamare, quamvis ex parte ipsius impotentia se teneat. 12 Idem dicendum de femina ex causa suæ impotentiae. 13 Mulieri alleganti impotentiam viri sui, transacto bimestri, à matrimonio contracto, & copulâ attentatâ, deneganda est audientia, non quidem absolute, sed ad triennium usque. 14 Excipe, nisi per signa evidentia, aut certa, aut verosimiliter evidentiâ velit probare impotentiam viri. 15 Transacto triennio, conceditur mulieri audientia, tamen si per signa dubia impotentiam probare intendat. 16 Triennium præscriptum pro impotentiae experientiâ computandū est ab ipsa attentatione copulæ, spectatâ Jurisrigore. 17 Hoc triennium debet esse moraliter continuum, non autem physicè. 18 Conjux potens non potest recedere propria auctoritate ab impotente; sed requiritur auctoritas Ecclesiæ. 19 Si conjux propria auctoritate recedat ab impotentiam alterius, non est restituendus alteri conjugi, si in continenti offerat probationes certas, & evidentes de impotentia. 20 Si probationes non sint certæ, & evidentes, restituendus erit non solum ad mutua obsequia, & cohabitationem, sed etiam ad petendum, & reddendum debitum. 21 Quòd si propria auctoritate recesserit post elapsum triennium, non erit statim restituendus; sed admitti debent exceptiones impotentiae, ut examinentur ad sententiam ferendam. 22 Dissoluto matrimonio ratione frigiditatis viri, si is ad aliud transeat, statim posterius dissolvendum est. 23 Idem dicendum, quando matrimonium fuit dissolutum ob arbritudinem absolutam ex parte feminae, & postea inveniat cum altero consummasse matrimonium, vel fornicationem. 24 Si alter conjux professus est, vel vult profiteri, quando error impotentiae inventus est, nulla restitutio facienda est.

CON-

tionis, denuntiatores, & testes, dummodo poenam sanguinis non exequantur. 16 Affessor Judicis Ecclesiastici, vel Sæcularis, si sententiam sanguinis profert, est irregularis. 17 Accusans, vel denuntians in causa sanguinis est irregularis, si ex vi accusationis, vel denuntiationis mors, aut mutilatio sequatur. 18 Irregulares sunt omnes Ministri publici, qui ad prolationem sententiæ sanguinis, & ejus executionem concurrunt. 19 Testis voluntariè testificans in causâ, siue criminali, siue civili, ita ut ex ejus testificatione sequatur rei mors, vel mutilatio, est irregularis. 20 Advocatus, & procurator accusantis sunt irregulares, si reus ex eorum advocacy, & procuracione morte plectatur, aut mutiletur. 21 Non fit irregularis confessorius denegans absolutionem Sacramentalen Judici nolenti reum condemnare ad mortem, quem ex officio deberet. 22 Idem dicendum, si cogat, siue obliget reum poenitentem ad constituendum in Judicio delictum dignum morte, quod juridicè interrogatus fateri tenetur. 23 Similiter ab irregularitate immunis est confessorius, aut alius Sacerdos, qui consilium dat Principi, ut legem condât, qua fures, vel similes delinquentes morte plectantur.

CONCLUSIO LXXI.

AD TEXT. IN CAP. *Henricus 2. ET FIN. de Clericis pugnantis in duello*, lib. 5. Decret. tit. 14.

DUELLUM strictè acceptum ita definiri solet: *Singularis pugna duorum, inter se suscepta ex consensu.* 2 Duellum ita descriptum aliud est publicum, aliud privatum. 3 Publicum est, quod initur certâ formâ, seu solemnitate in congressu observatâ. 4 Privatum est illud, in quo talis forma, & solemnitas non observatur. 5 Non potest acceptari, & offerri duellum ad ostentationem virium, & peritæ militaris. 6 Neque licitum est duellum offerre, seu acceptare ad vindicandam injuriam illatam; sicut neque ad fugiendam notam timiditatis. 7 Licitum est acceptare duellum, si alia via non suppetat ad conservandam propriam vitam, & bona temporalia gravis momenti. 8 Item licitum est acceptare oblatum duellum ob malum publicum avertendum. 9 Hic itum est suscipere duellum ad manifestationem veritatis, innocentie, aut justitiæ. 10 Si Judex ex duobus ad mortem condemnatis daret optionem ad invicem pugnandi ea lege, ut victor à morte liberaretur, possunt licitè talem facultatem acceptare, & exequi, dummodo non ex odio, sed propriæ vitæ conservandæ causâ id faciant. 11 Illicent tamen agit Judex hujusmodi duellum offerendo. 12 Jure communi antiquo Clericus provocans ad duellum, illudve acceptans non est suspendus, sed suspendendus. 13 Non sufficit provocatio ad duellum, aut illius acceptatio, ut Clericus hic suspendendus sit, nisi pugna sequatur. 14 Jure autem novo variæ sunt statutæ poenæ, quas dabimus, contra duellantes, & alias personas. 15 Princeps Christianus, qui in terris suis concederet locum ad duellum duobus infidelibus, non incurreret Excommunicationem. 16 Idem probabiliter censeo, si concederet locum Christiano ad duellum cum infideli. 17 Insuper non incurrit Princeps Excommunicationem hæc duella inter Christianos permittens, quando permittit opus est ad vitanda maiora mala. 18 Sepultura Ecclesiastica deneganda est etiam iis, qui moriantur in duello, quamvis ibidem aliqua dederint signa poenitentiae. 19 Etiam privandus est Ecclesiasticus sepultus ille, qui ante mortem recepit Sacramentum poenitentiae, si decessit in loco confictus. 20 Secus dicendum de eo, qui extra locum duelli, & ex vulnere lethali ibi accepto, post aliquot dies decessit poenitens, & absolutus à peccatis, & censuris suis. 21 Privatio Beneficiorum jam obtentorum in duellantes statuta non incurritur ante sententiam declaratoriam criminis. 22 Probabilius est, inhabilitatem ad alia Beneficia obtinenda statim incurrî ante omnè Judicis sententiam. 23 Non incurrit poenas in duellantes statutas, qui alteri diceret: *Tecum pugnabo prima vice, quando tibi obvius fuero per urbem*, et si alter acceptet. 24 Aliter dicendum, si certus locus determinetur.

CONCLUSIO LXXII.

AD TEXT. IN CAP. *Si seduxerit 1. ET CAP. Pervenit 2. de Adulteriis, & Supro*, lib. 5. Decret. tit. 16.

ADULTERIUM sic definitur: *Est peccatum luxurie, quo violatur fides conjugalis, & fit accessus ad terum alienum.* 2 Dividi potest in simplex, & unilaterale, & in duplex, seu bilaterale. 3 Simplex est, quod vel à marito alieno cum soluta, vel ab uxore alienâ cum soluto committitur. 4 Duplex, seu duplicatum dicitur, quod à marito alieno cum uxore aliena perpetratur. 5 Utrumque est verum, & propriè adulterium. 6 Copula cum conjugata, marito consentiente, præter malitiam fornicationis, habet malitiam adulteri in confessione explicandam. 7 Quando habens copulam cum conjug-

conjugata est etiam conjugatus, non sufficienter explicat peccatū dicendo, se commississe adulterium, sed debet utriusque conjugium explicare. 8 Si aliquis cū conjugata per matrimonium tantum ratū cōmifceatur, cōmittit verum adulterium. 9 Aliter dicendū, si carnaliter cognoscit spontem alterius de futuro. 10 Stuprum stricte sumptum sic definitur: *Concubitus viri cum femina virginis, quo ejus integritas corrumpatur.* 11 Si virgo consentiat in sui deflorationem, tale peccatum non est stuprum, nec specie distinctum à simplici fornicatione, quamvis virgo sub cura parentum, aut eorum, qui loco parentum sunt, constituta sit. 12 Secus dicendum, si virgo per violentiam, & dolum defloreter. 13 Corruptor virginis sponte consentientis ad nihil ei tenetur in foro conscientie, neque parentibus illius, si nihil ei promissit. 14 Idem censeo, si femina per vim, metum, aut fraudem stuprata remittat obligationem satisfaciendi stupratori. 15 Quod intelligendum, si ve deflorans sit Clericus, si ve laicus, & tam in foro conscientie, quam externo. 16 Quamvis corruptor nihil promissit, si tamen dolo, vi, aut fraude virginem defloravit, tenetur in conscientia vel illam ducere, vel damnum reparare. 17 Si verò mulier post deflorationem, ad quam vi, aut fraude inducitur, æque commodas nuptias inveniat, ita ut nullius damni illius defloratio ei causa fuerit, non tenetur deflorator ad ullam satisfactionem, vel compensationem ei faciendam, saltem ante sententiam, & in conscientia. 18 Non tenetur stuprator dotare, vel ducere puellam, quam fusionibus, blanditiis, precibus, etiam importunis, aut assiduis, vel muneribus induxit ad consensum in stuprum, sine alia tamen vi, fraude, vel minis, si speciemus præcise obligationem in conscientia, & ante sententiam Judicis. 19 Excipe, si preces fuissent adhibite à tali persona, cui femina non facile auderet dissentire. 20 Si stuprator cum puella, ante, vel post flagitium convenit de certo pretio, non potest ista plus petere, quàm de quo inter ipsos conventum est. 21 Si stuprum commissum esset à Clerico, vel persona Ecclesiastica, de eo cognoscit Jux Ecclesiasticus. 22 Si verò à laico, est crimen mixti fori, ita ut de eo cognoscere possit tam Jux Ecclesiasticus, quàm Sæcularis.

CONCLUSIO LXXIII.

AD TEXT. IN CAP. *Excommunicationi 3. de Raptoribus, &c.* lib. 5. Decret. tit. 17.

RÆTER Excommunicationem text. in Cap. *Excommunicationi* comprehenduntur Excommunicatione Bullæ Cœnæ omnes piratæ discurrentes mare Pontificium. 1 Sufficit ad eam incurrendam, quod semel tantum deprædati fuerint, nec requiritur multiplicitas depredationum. 2 Discurrere animo prædandi, si nihil re ipsa deprædetur, immunis est ab hac pœna. 3 Si deprædatio fieret infidelibus, aut hæreticis, non incurreretur hæc Excommunicatio. 4 Secus dicendum, si naves sint infidelium, & merces Christianorum, dummodo tales merces non sint, ut aiunt, securatq ab infidelibus. 5 Si unus pirata deprædetur alium piratam, non incurrit excommunicationem. 6 Si bellum indictū fuerit, si ve iustè, si ve iniustè, & hostes inter se deprædentur in mari Pontificio, non incurrunt hanc excommunicationem. 7 Qui non dat operā, sed prætereunter, aliquam navem in mari prohibito spoliaverint, non cōprehenduntur sub hac lege. 8 Surripientes bona Christianorū naufragantium etiam innotantur Excommunicatione lata in dicto Cap. *Excommunicationi*. 9 Preter hanc incurrunt alteram latam in 4. Canone Bullæ Cœnæ. 10 Quod intelligendum est, si ve aperte, & per vim, si ve clam, & per dolum surripiant. 11 Non excusatur à censura ille, qui hujusmodi bona surripuit, sed illico restituit. 12 Secus dicendum, si bona naufragantium acceperit, non animo usurpandi illa, & ad proprium commodum convertendi, sed animo restituendi domino, habitā istius notitiā. 13 Ad hanc excommunicationem incurrandam requiritur, quod surreptio fiat in mari, vel littore. 14 Non habet locum ista censura, si bona surrepta essent piratarum, qui naufragium passi sunt. 15 Ablatio talium bonorum in necessitate extrema ab hac censura excusat. 16 Item excusatur ab hac Excommunicatione, qui surripieret bona naufragantium, sed nesciret esse naufragantium. 17 Rogabis: Utrum incurrat Excommunicationem Bullæ Cœnæ ille, qui naufragantium bona ab alio latrone primò jam furatū iterum surripuit? Negativè resolvimus. 18 Insuper excusantur ab hac censura, qui surripiant bona naufragantium, quæ dominus habuit pro derelictis, amissa omni spe ex recuperandi. 19 Si quod acceptum est de bonis naufragantium, tam modicum est, ut non sufficiat ad lethalem culpam, non incurrunt hæc Excommunicatio. 20 Non afficiuntur dictā censurā, ejusque reservatione illi, qui naufragantium fidelium bona surripientibus consilium, favorem, vel auxilium præbent, aut illos recipiunt, dummodo non concurrant physice, sed solum moraliter ad eorum bonorum surreptionem.

CON-

CONCLUSIO LXXIV.

AD TEXT. IN CAP. *Qui furatur* 1. de *Furtis*, lib. 5. Decret. tit. 18.

FURTUM definitur à Theologis : *Acceptio occulta rei alienae, invito domino.* 2 Surripienti bominem liberum, qui sui juris est, non committit furtum, proprie loquendo. 3 Committit autem *Plagium*, si eum scicnter vendat, aut emat. 4 Si liber in potestate parentum surripiantur, vel abducantur, potius furtum committitur, & patri competit actio furti. 5 Si fureris mancipium, vel ancillam alicujus, furtum erit, & contra te dabitur actio furti. 6 Rapina definitur : *Ablatio violenta rei alienae.* 7 Furtum differt specie à rapina. 8 Prohibitum est non solum Jure Humano, sed etiam Divino, & Naturali. 9 Res furto ablata, si usu consumptibilis non est, eadem in individuo restituenda est, si dominus habeat specialem affectum ad rem suam in individuo. 10 Fur, & quicunque injustus possessor tenetur ad restituendum pretium rei, quando apud ipsum res perit fortuito, quae tamen sic non periisset apud dominum. 11 Utrum verò teneatur ad restitutionem casu, quo res sine culpa sua apud ipsum pereat, si eodem modo, & eodem tempore peritura erat apud dominum? Negativè resolvimus. 12 Fur non solum tenetur restituere rem alienam, sed etiam omnes fructus ex ea perceptos, tam naturales, quàm mixtos. 13 Item non solum tenetur restituere fructus perceptos, sed etiam non perceptos ex sua negligentia, quos tamen dominus singulari sua diligentia percepisset, si re sua non careret. 14 Insuper præter rem alienam tenetur etiam restituere omne interesse, siue omne lucrum cessans, & damnum emergens. 15 Non tenetur tamen restituere fructus mercè industriales. 16 Si quæras: Utrum teneatur restituere fructus, quos dominus inhonestè percepisset ex turpi usu suæ rei? Respondemus negativè. 17 Qui domum alienam pluri locavit ratione alicujus portæ à se afixæ, vel lapidis pretiosi, non tenetur restituere excessum pretii ex illa melioratione provenientem. 18 Iniquus possessor tenetur restituere pretium locationis rerum, quæ non solent locari. 19 Fur potest sibi deducere expensas, quas fecit pro re conservanda, vel colligendis, & conservandis fructibus. 20 Idem dicendum de expensis utilibus. 21 Dominus rei tenetur solvere injusto possessori expensas voluntarias, si voluerit ornamentum ipsius rei. 22 Si autem noluerit tale ornamentum, integrum est furi eas expensas, & ornamentum auferre, si absque læsione rei auferri possunt. 23 Difficultas est: An dominus rei teneatur solvere furi expensas voluntarias, si talia ornamenta non possint auferri absque læsione rei, & ipse dominus noluerit cum ornatum? Placet resolutio negativæ.

CONCLUSIO LXXV.

AD TEXT. IN CAP. *Super eo* 4. CAP. *Conquestus* 8. CAP. *Tua nos* 9. ET CAP. *Consuluit* 10. de *Usuris*, lib. 3. Decret. tit. 19.

USURA definitur: *Lucrum immediatè proveniens ex mutuo.* 2 Contractus verò usurarius definitur potest: *Mutuatio cum pacto recipiendi aliquid ultra sortem ratione mutui.* 3 Usuræ prohibentur Jure Divino, & Ecclesiastico. 4 Utrum verò prohibeantur etiam Jure naturali? Affirmamus. 5 Non potest Princeps supremus lege sua eas licitas facere. 6 Imo nec Pontifex potest dispensando eas licitas facere. 7 Vi solius consuetudinis, seculo omni alio titulo, non potest licitè aliquid accipi ultra sortem. 8 Quod intelligendum etiam est in favorem causæ piæ. 9 Licitum est petere mutuum, & accipere sub usuris ab eo, qui jam determinatus, & paratus est non mutare, nisi sub usuris, modo iusta causa petendi adsit. 10 Mutuans potest sine usura obligare mutuatarium ad exhibendam amicitiam, non verò extraordinaria obsequia. 11 Non potest deducere in pactum remissionem offensæ, si alias ad eam remittendam mutuatarius non tenebatur. 12 Potest quis ex vi mutui obligari ad ea, ad quæ tenetur ex iustitia, vel charitate. 13 Non potest sine usura imponi mutuatario obligatio ad remunerandum. 14 Nec potest deduci in pactum, ut mutuatarius det aliquid ex benevolentia, vel gratitudine. 15 Usurarius non acquirit dominium rerum, quas immediatè per usuras acquisivit. 16 Res acquisitæ ab usurario pecuniâ usurariâ transseunt in dominium ipsius usurarii. 17 Non solum tenetur restituere, quod supra sortem obtinuit, sed etiam lucrum cessans, & omnia damna, quæ passus est mutuatarius. 18 Non restituente usurario, tenentur restituere omnes illi, qui proximè, & efficaciter concurrerunt ad usuras percipiendas. 19 Secus illi, qui tantum remotè concurrunt ad usuras. 20 Hæredes usurarii tenentur restituere, quicquid usurarius acquisivit sub usuris. 21 Si plures sint hæredes, unusquisque tenetur pro rata restituere. 22 Donatarii, & legatarii non tenentur solvere debita usurarii, si hæreditas sit sufficiens ad solvendum. 23 Inopia usurarii eum excusat à restituendis usuris. 24 Item excusatur, si liberaliter ei à mutuatario fuit remissa hæc obligatio. 25 Contra usurarios manifestos plures sunt poenæ constitutæ, tum in Jure Civili, tum Canonico. 26 Hæ poenæ habent locum, siue sint manifesti

nifesti notoreitate facti, siue sint manifesti notoreitate Juris 27 Si publicus usurarius sit Clericus, incurrit suspensionem. 28 Hac pœna non proficiente, deponendus est, & privandus Beneficiis. 29 Si aliquis Clericus usurarium manifestum admisit ad Ecclesiasticam sepulturam, ipso facto excommunicatur.

CONCLUSIO LXXVI.

AD TEXT. IN CAP. *Non licet* 25. dist. 86. ET CAP. *Siquis* 1. de Clerico percussore, lib. 5. Decret. tit. 25.

CUIVIS Clerico, præsertim in Maioribus constituto, specialiter prohibitum est laicum etiam delinquentem, siue fidelem, siue infidelcm, propriis manibus percutere. 1 Præceptores, aut magistri artium liberalium, si verba, & minæ non proficiant, possunt venire ad verbera. 3 Quod intelligendum est, etiam si discipuli, quos ita corrigunt, sint Clerici. 4 Unde, si percussio sit moderata, & correctionis causâ facta, non incurrit excommunicationem Can. *Siquis* suadente. 5 Idem dicendum de senioribus Clericis, qui zelo devotionis leviter percutiunt pueros, vel adolescentes in Minoribus Ordinibus constitutos, dum Officium Divinum perturbant. 6 Non tamen in quocunque delicto, sed in illo peculiari casu id conceditur, non tam in castigationem culpæ, quàm ob quietem Ecclesiæ, & reverentiam Divini Officii. 7 Licitum est Prælati Ecclesiastico Clericum etiam in Sacris constitutum vinculis alligare, & moderata castigatione punire, prout culpa exigit, & qualitas personæ. 8 Episcopus non potest per se verberare Clericum, sed id facere per alium debet. 9 Excipe, si non possit reperire alium Clericum, qui id faciat. 10 Prælati inferiores Episcopo possunt verberare Clericos sibi subditos etiam in propria persona. 11 De rigore Juris percussio Clerici solum delegari potest ab Episcopo alteri Clerico, non verò laico. 12 Si aliter fecerit, tam Episcopus verberare mandans, quàm laicus ex mandato Clericum percutiens excommunicationem incurrit. 13 Intellige, etiam si iusta verberandi causâ subsit. 14 Hæc percussio debet esse moderata. 15 Si Prælati debitam correctionem in verberando excedant notabiliter, incidunt in excommunicationem. Can. *Siquis* suadente. 16 Si ex immoderata percussione, etiam disciplinæ causâ facta, sequatur mors, vel mutilatio, contraheretur irregularitas. 17 Clericus illicitè percutiens alium, etiam laicum, jubetur corripi pro excessu percussiois, & qualitate delicti, ac delinquentis, ad arbitrium Superioris. 18 Si non respuerit, deponendus est. 19 Secus, si se defendens. 20 Non est deponendus Clericus de gradu, & statu Clericali propter unicum, vel alteram simplicem percussioem. 21 Si Clericus aliquem lethaliter, vel enormiter percussisset, deponendus esset, etiam sine ulla monitione, licet hoc delictum vel semel tantum commisisset.

CONCLUSIO LXXVII.

AD TEXT. IN CAP. *Siquis Episcopus* 1. CUM ALIIS, de Clerico excommunicato, deposito, vel interdicto ministrante, lib. 5. Decret. tit. 27.

CLERICUS depositus, si celebret, vel actum Ordinis, aut Officii, à quo est depositus, exerceat, vel in eo ministret, excommunicari debet. 2 Si sit incorrigibilis, exilio multatur. 3 Præcedere tamen debet admonitio. 4 Clericus, qui suspensus, interdictus, vel excommunicatus exercet actum Ordinis proprium, incurrit penam depositionis ab Officio, & Beneficio Ecclesiastico, non quidem ipso Jure, sed sententiâ Judicis inferendam. 5 Hæc pœna imponi potest reo absque ulla monitione prævia. 6 Locurrit etiam privationem omnium Beneficiorum, & quidem ipso Jure. 7 Insuper incurrit irregularitatem ipso Jure, & facto. 8 Qui invincibiliter ignorant, se esse excommunicatos, suspensos, vel interdictos, non incurrit hanc irregularitatem. 9 Irregularis non est, qui actum Ordinis exercet, cogente extremâ necessitate. 10 Immunis est etiam ab hac irregularitate, qui in censura existens exercet actum Ordinis ad vitandum grave scandalum, vel infamiam ipsius Sacerdotis. 11 Idem dicendum, quando sententiâ censuræ est evidenter nulla. 12 Clericus censuratus, si assistat matrimonio sine sponsorum benedictione, non fit irregularis. 13 Qui certò scit, se à Judice Ecclesiastico excommunicatum fuisse, & solum dubitat, num excommunicatio hujusmodi legitimè lata, & valida sit, necne, debet se pro excommunicato habere. 14 Hinc sequitur, debere sub pœna irregularitatis ab omni exercitio Ordinis abstinere. 15 Excommunicati, etiam tolerati, si temerè, & non rogati exercitio Ordinum tuorum se ingesserint, irregularitatem incurrit. 16 Sacerdos excommunicatus Sacramentaliter absolvens absque intentione absolvendi non fit irregularis. 17 Secus dicendum, si habeat intentionem absolvendi, etiam si Sacramentum

fit nullum. 18 Si quæras: An irregularis efficiatur is, qui ligatus excommunicatione Minoris celebraret? Negative resolvimus. 19 Censuratus, qui exercet actum proprium Ordinis Minoris, incurrit irregularitatem, si id cum solemnitate faciat.

CONCLUSIO LXXVIII.

AD TEXT. IN CAP. *Siquis* 1. CUM ALIIS, *de Clerico non ordinato ministrante*, lib. 5. Decret. tit. 28.

PRIMA pœna Clerici ministrantis in Ordine non suscepto est excommunicatio, non ipso Jure lata, sed ferenda. 2 Secunda pœna talis Clerici est suspensio ab Ordine proximè suscepto infligenda ad biennium, vel triennium. 3 Tertia pœna est irregularitas, saltem partialis, ita ut ad superiores Ordines nequeat promoveri. 4 Hæc irregularitas fit totalis, quando, durante suspensione biennali, vel triennali, temerè se ingesserit ad exercendos actus Ordinis, à quo ita suspensus est. 5 Si non ferit, sed ex ludo fieret ministratio in Ordine non suscepto, non induceret irregularitatem. 6 Siquis ex ignorantia putans se Ordinem suscepisse, quem non susceperat, in eo ministrat, non est irregularis. 7 Clericus nondum Sacerdos ferit Sacramentaliter abstinens fit irregularis. 8 Idem dicendum de Clerico nondum Sacerdote ministrante solemniter Baptismum, etiam in extrema necessitate. 9 Difficultas est: Utrum ad incurrendam hanc irregularitatem requiratur, quod actus Ordinis exerceatur cum intentione eundem exercendi? Probabilior est sententia negativa. 10 Ministrans in Ordine suscepto cù defectu substantiali irregularitatem incurrit, nisi excusetur ratione ignorantie. 11 Secus dicendum, si defectus esset accidentalis. 12 Peccaret tamen graviter ministrans in Ordine sic suscepto, antequam suppleretur omisum, nisi omisa esset parva extrenia, quæ necessario supplenda non est. 13 Hæc irregularitas non solum incurritur ob exercitium Ordinis Sacri, qui non habetur, sed etiam ob exercitium Ordinum Minorum, dummodo exercentur solemniter, & quasi ex Officio. 14 Aliter discurrendum de eo, qui ministrat in Ordinibus Minoribus eo modo, quo solet ministrari à laicis. 15 Simplex Sacerdos confirmans, conferens Sacros Ordines, consecrans Ecclesias, vel Altaria, &c. irregularis efficitur, ne in Episcopum consecrari possit. 16 In Sacerdotio autem manebit suspensus biennio, vel arbitrio Episcopi. 17 Non prohibebitur tamen externos Ordines inferiores exercere. 18 Controvertitur inter Doctores: An etiam irregularitatem incurrat laicus solemniter baptizans, vel alios actus Ordinis proprios exercendo? Placet resolutio negativa. 19 Jure antiquo Decretali-nus solus Pontifex poterat dispensare in irregularitate per temerarium usum Ordinum non susceptorum contracta. 20 Jure autem novo Trident. hæc potestas etiam Ordinario competit, si delictum est occultum. 21 Secus, si est publicum, aut jam deductum ad forum contentiosum.

CONCLUSIO LXXIX.

AD TEXT. IN CAP. UNICO *de Clerico per saltum promotus*, lib. 5. Decret. tit. 29.

CIRCA Ordines etiam delinquant, qui ad eos promoventur per saltum. 2 Ille per saltum promoveri dicitur, qui, prætermisso inferiori Ordine, ad superiorem ascendit. 3 Per saltum ordinatus ipso facto manet suspensus ab Ordine ita suscepto. 4 Quod intelligendum est, donec Ordinem inferiorem omisum recipiat. 5 Probabilis est, Clericum per saltum promotum non esse suspensum ab aliis Ordinibus gradatim susceptis. 6 Hujusmodi Clericus sic promotus incurrit irregularitatem, si temerè exerceat actus Ordinis per saltum suscepti. 7 Si ab exercitio talis Ordinis abstinat, non evadit irregularis ob solam suspensionem Ordinis per saltum. 8 Si Clericus per saltum promotus ministrat etiam in Ordine prætermisso, irregularis efficitur. 9 Quod verum est, si in eo ministrat ante eum susceptum, siue post susceptum, si hoc faciat absque legitima dispensatione. 10 Qui, omissa primâ Tonsurâ, ad Minores Ordines ascendit, ab illis ipso facto suspensus est, donec primam Tonsuram recipiat. 11 Si quæras: An etiam suspensus sit, qui ad Minores Ordines promotus est ante receptum Sacramentum Confirmationis? Negantibus subscribimus. 12 Si per saltum ordinatus in Ordine ita suscepto non ministravit, potest dispensare Episcopus in suspensione, quantum in Ordine ita suscepto ministrare valeat. 13 Intellige, si prius Ordinem omisum recipiat. 14 Insuper non potest Episcopus dispensare cum ordinato per saltum, ut ascendat

ad superiores Ordines, antequam inferiorem prætermiffum recipiat. 15 Promotus per fâ-
tum, qui ministravit in Ordine sic fufcepto, non poteft difpenfari ab Epifcopo, five feien-
ter, & dolofè, five ex ignorantia fic ordinatus fuerit. 16 Si delictum fuerit occultum,
poteft Epifcopus difpenfare, tam in irregularitate, quàm in fufpentione à fic ordinato con-
tracta. 17 Dubitabis: Utrum Ordo per fâtum collatus fit validus? Refpondeo, illicite qui-
dem, fed validè conferri. 18 Ordo Epifcopalis invalidè fufcipitur ab eo, qui non fufcepit
prius Ordinem Sacerdotalem. 19 Validè tamen confecratur Epifcopus ille, qui fuit or-
dinatus Sacerdos, quamvis unus, aut plures, aut etiam omnes Ordines Sacerdotio inferio-
res eidem defint.

CONCLUSIO LXXX.

AD TEXT. IN CAP. *Veniens* i. CUM ALIIS, *De eo, qui furtivè Ordinem fufcepit*,
lib. 5. Decret. tit. 30.

ILLI dicuntur Ordinem furtivè fufcipere, qui vel in examine rejefti, fimul-
que fine licentia, feu confenfu Ordinarii dolofè, & Ordinatore ignorante, fe
ingerunt exteris ordinandis. 2 Item, qui fine licentia requifita eodem tempo-
re dolofè recipiunt duos Maiores Ordines. 3 Insuper, qui ad Ordines Minores
admitti eadem die recipiunt Subdiaconatum. 4 Excepi, nifi alicubi con-
fuetudine obtentum fit, ut eodem die Minores Ordines cum Subdiacona-
tu conferantur. 5 Certum eft, fufcipientes Ordinem furtivè graviter peccare. 6 Ordo fur-
tivè fufceptus validus eft. 7 Intellige, nifi Ordinans feriam haberet intentionem non or-
dinandi furtivè fe ingerentes, & hanc poftea non revocaret. 8 Non eft confultum, ut Epi-
fcopus præmittat intentionem non ordinandi furtivè fe ingerentes. 9 Confultum tamen eft,
& Juri conforme, ut fub excommunicatione prohibeat, ne fe ingerant non approbati, vel,
ne aliqui plures Ordines eadem die furtivè recipiant. 10 Sufcipientes unum, vel plures Or-
dines furtivè incurrunt fufpentionem ab executione Ordinum fic fufceptorum. 11 Si Epi-
fcopus prohibeat fub excommunicatione hujufmodi fufceptionem, tanquam excommunicati
fufpenduntur etiam ab executione exterorum Ordinum ritè fufceptorum. 12 Utrum verò
præter pœnam fufpentionis incurratur etiam irregularitas? Refpondemus affirmativè, quan-
do fufceptio furtiva prohibita fuit antecedentè ab Epifcopo fub pœna excommunicationis.
13 Secus dicendum, fi alio modo. 14 Recipiens Ordines ab Epifcopo, qui renuntiavit dig-
nitati, incurrit fufpentionem. 15 Quod verum eft, etiamfi fortè ob ignorantiam non pec-
caverit recipiens. 16 In hac fufpentione poterit Epifcopus proprius difpenfare, fi ignorantia
renuntiationis fuerit probabilis. 17 Qui renuntiavit Epifcopatu quoad locum tantum, po-
teft rogari ab alio Epifcopo etiam Maiores Ordines conferre. 18 Quando Epifcopus re-
nuntiavit tam loco, quàm dignitati, poteft cum licentia Ordinarii conferre primam Tonfu-
ram, & Ordines Minores. 19 Non poteft tamen licitè conferre Ordines Maiores, etiam de
licentia proprii fuperioris ordinandorum Epifcopi. 20 Si autem quæras: An valida fit or-
dinatio facta ab Epifcopo, qui renuntiavit dignitati? Refpondemus affirmativè.

CONCLUSIO LXXXI.

AD TEXT. IN CAP. *Sane* 9. CAP. *Ex parte* 13. ET CAP. *Ut privile-*
gia 24. *de Privilegiis, & exceffibus privilegiatorum*, lib. 5.
Decret. tit. 33.

PRIVILEGIUM definitur: *Lex privata fpeciale aliquod beneficium, aut*
favorem contra, vel præter Jus concedens. 2 Privilegium eft reale, dum con-
ceffum eft alicui ratione rei, five qualitatis illi adjunctæ. 3 Hoc privilegium
non poteft particularibus perfonis renuntiari. 4 Eft locale, quotiefcunque con-
ceffum fit ratione loci. 5 Eft personale, quoties conceffum fit ratione perso-
næ, & cum ea expirat. 6 Dicitur commune, quoties per fe primò con-
fessum fit ratione communitatis. 7 Huic privilegio perfonæ particulares non poffunt renunti-
are. 8 Dicitur fingulare, fi refpicit commodum particularis perfonæ, quamvis eo plures
fruantur. 9 Item dividitur privilegium in gratiofum, & remuneratorium. 10 In favorabi-
le, & odiofum. 11 In affirmativum, & negativum. 12 In fcriptum, & non fcriptum. 13 In
abfolutum, & conditionatum. 14 De ratione privilegii eft, quòd concedat aliquid fpecie-
le, quod jure communi conceffum non erat. 15 Ad privilegii valorem regulariter non re-
quiri-

quiritur scriptura. 16 Concessio privilegii etiam sine iusta causa facta valida est, modò nil aliud obstat. 17 Ut tamen licite conferantur privilegia, semper requiritur iusta causa. 18 Si privilegium sit contrarium juri tertii, vel statuto, & consuetudini speciali, ut vim habeat, addi debet clausula derogatoria hujus juris, consuetudinis, vel statuti. 19 Quod procedit, etiam si Princeps illud concedat motu proprio. 20 Si verò privilegium juri communis deroget, non requiritur clausula derogatoria juris communis, sed sufficit ipsa concessio privilegii sine adjectione talis clausulæ. 21 Potest Princeps Supremus concedere privilegium cum ea amplitudine, ut valeat, nulla privilegiati spectata acceptatione, vel notitia. 22 De facto tamen, nisi de contrario clarè constet, desert privilegium secum tacitam conditionem: *Si privilegiatus concessionem sibi factam acceptet.* 23 Quando privilegium motu proprio est, & absque ulla prævia supplicatione privilegiati fuit concessum à Principe, regulariter non habet effectum suum ante notitiam, & acceptationem privilegiati. 24 Idem dicendum, si ad instantiam alicujus tertii, sine mandato tamen privilegiati, concessum est privilegium. 25 Privilegium ad supplicationem ipsius privilegiati, vel procuratoris ejus concessum, natim habet effectum à die collationis, neque opus est, ut prius innosceat privilegiato. 26 Certum est, per abutium posse amitti privilegium. 27 Non tamen semper ipso jure amittitur privilegium per abutium, sed per sententiam, & revocationem est auferendum. 28 Privilegium cessat lapsu temporis, ad quod concessum, & restrictum est. 29 Privilegium merè gratiosum non cessat per hoc, quòd privilegiatus eo non utatur, vel faciat acius ipsi contrarios. 30 Privilegium redundans in alterius gravamen amitti potest per non usum, vel usum contrarium.

CONCLUSIO LXXXII.

AD TEXT. IN CAP. *Siquis* 2. CAP. *Si bos* 3. CAP. *Si Lascrit* 4. ET CAP. FIN. *de Injuriis, & damno dato*, lib. 5. Decret. tit. 36.

INJURIA specialiter accepta definitur: *Delictum, per quod dolo male infertur alteri contumelia.* 1 Injuria inferri potest tribus modis, scilicet verbo, scripto, & facto. 2 Prælati potest agere pro injuria illata Novitio. 3 Similiter de minus potest agere pro injuria illata servo. 4 Idem dicendum de patre ob injuriam illatam filio. 6 Frater non potest agere propter injuriam illatam fratri. 7 Negatus gignatus propter injuriam illatam cognato. 8 Utrum verò, sicut ob injuriam illatam uxori agere potest maritus, ita etiam uxor ob injuriam illatam marito? Negativè resolvimus. 9 Injuriarum passus potest contra injuriantem instituire actionem injuriarum, vel civiliter, vel criminaliter. 10 Qui semel unam assumpsit, ad aliam transire nequit. 11 Datur actio injuriarum contra illum, qui alteri objicit occultum crimen, vel defectum verum, nisi Republicæ intersit tale crimini miscellari. 12 Damnum quoad præsens definitur potest: *Delictum, quo patrimonium, vel res aliena dolo, vel culpa, sine ullo damnicantis lucro, vel emolumento diminuitur.* 13 Attenta dispositione juris positivi, aliquando nulla requiritur culpa, aut negligentia ad obligationem restituendi. 14 Si quaeras: An hujusmodi dispositio obliget in conscientia ante Judicis sententiam? Placet resolutio negativa. 15 Non sufficit culpa Juridica, si absit culpa Theologica, ad obligationem restituendi in foro conscientie. 16 Non leve dissidium est: Utrum dispositio legis Aquiliæ obliget in conscientia post Judicis sententiam, quando nulla intervenit culpa Theologica, licet interveniat culpa Juridica? Negativam sententiam amplectimur. 17 Ex culpa Juridica levi cum animo nocendi graviter oritur obligatio restituendi. 18 Quando ex culpa Theologica defectu plenæ advertentiae veniali illatum fuit damnum grave, non oritur gravis obligatio restituendi partem gravem damni illati. 19 Si damnum grave illatum fuit ex culpa tantum veniali, etiam non oritur obligatio gravis restituendi partem levem damni illati. 20 In prædicto eventu non oritur obligatio levis restituendi partem damni gravem. 21 Dubium est: Utrum in præfato casu, quo ex culpa levi illatum fuisset damnum grave, oritur obligatio levis restituendi partem levem damni illati gravis? Probabilior est sententia affirmativa.

CONCLUSIO LXXXIII.

AD TEXT. IN CAP. *Præbyteris* 119. *de Consecr. dist. 4.*

CONFIRMATIO est Sacramentum, quo homo viator baptizatus inungitur in fronte cum chrismate ab Episcopo consecrato sub præscripta verborum forma ad fidei robur consequendum. 1 Materia remota hujus Sacramenti essentialiter constituitur ex oleo olivarum, & balsamo; ita ut sine utroque Sacramentum validum esse non possit. 2 Balsamum admixtum oleo, ex quocunque loco proveniat, sufficiens erit. 4 Tam oleum, quam balsamum admixtum debet esse benedictum

ab Episcopo consecrato, non verò à simplici Sacerdote, etiam ex commissione Summi Pontificis. 5 Licet sit necessarium ex præcepto, quòd christa benedictum sit eo anno; non est tamen necessarium necessitate Sacramenti. 6 Materia proxima Sacramenti Confirmationis est unctio in fronte ab Episcopo facta per modum Crucis. 7 Ea Confirmationis forma: *Signa te signa Crucis, & confirma te chrismate salutis in nomine Patris, & Filii, & Spiritus Sancti.* 8 Non datur præceptum Divinum, nec Ecclesiasticum obligans per se ad Confirmationem. 9 Poterit tamen obligari per accedens baptizatus ad illam suscipiendam, ita ut graviter peccet, si omittat. 10 Non peccat graviter, qui Ordines, etiam Maiores, ante Confirmationem suscipit. 11 Eade sanctum est, ordinarius Ministrum Confirmationis esse solum Episcopum consecratum. 12 Extraordinarius ex commissione Papæ est simplex Sacerdos. 13 Potestatem confirmandi non potest Papa Diacono delegare. 14 Minister hujus Sacramenti, quicumque sit, debet esse in gratia. 15 Subjectum capax hujus Sacramenti est baptizatus, sive vir, sive femina, sive adultus, sive infans. 16 Amenses confirmari possunt, si nulla sit ipse recuperandi usum rationis; dummodo non constet esse in peccato mortali. 17 Qui sunt in periculo proximo mortis constituti, confirmari possunt, sive pueri sint, sive adulti. 18 Primarius effectus Confirmationis est augere gratiam per Baptismum receptam. 19 Conferret etiam Confirmatio pro opportunitate specialia auxilia ad conservandam gratiam in Baptismo receptam, ac constanter, & absque timore, & verecundia profitendam fidem, cum opus fuerit.

CONCLUSIO LXXXIV.

AD TEXT. IN CAP. *Omnis utriusque sexûs. 12. de Pœnitentiis, & Remissionibus, lib. 5. Decret. tit. 38.*

DE Fide est, dari in Ecclesia verè, & propriè dictum Sacramentum Pœnitentiæ, & esse distinctum à Sacramento Baptismi, & aliis Sacramentis. 2 Sacramentum Pœnitentiæ metaphysicè sumptum definitur: *Signum effectus gratiæ per se judicialiter remissionem peccati post Baptismum commissi.* 3 Physicè verò ita: *Est Sacramentum, in quo peccata rite confessa per legitimam Sacerdotis absolutionem, inquantum pœnitentiâ, remittuntur.* 4 Tota essentia hujus Sacramenti consistit in Contritione, Confessione, & Absolutione. 5 Sacramentum Pœnitentiæ vel in re, vel in voto est necessarium necessitate medi omnibus, qui post Baptismum lapsi sunt in mortale. 6 Votum Sacramenti Pœnitentiæ non debet esse explicitum, sed sufficit implicitum. 7 Datur præceptum Divinum de Pœnitentiæ Sacramento in re suscipiendo. 8 Obligat per se in articulo mortis. 9 Hæc obligatio extenditur ad mortis periculum, ut est prælii conflictus, tempestas, primus partus scæmæ, & sequentes, si in prioribus periculum fuit experta. 10 Præceptum Confessionis obligat omnes, ac solos eos, qui post Baptismum mortaliter peccaverunt. 11 Non obligat statim post commissum peccatum mortale. 12 Non ex Divino, sed naturali præcepto tenetur quis ad confessionem, quam judicat medium unicum ad emendationem vitæ. 13 Qui in articulo mortis non potest aliter confiteri, quàm nutibus, tenetur ita confiteri. 14 Extra articulum mortis debet ita confiteri, si aliter non possit, quando urget præceptum confessionis, vel communionis, nisi speciet brevi tempore recuperaturum loquelam. 15 Si in articulo mortis confessio aliter fieri nequit, obligat præceptum Divinum ad confessionem per scripturam, si absque periculo infamæ possint peccata scribi, & statim charta rumpi. 16 Ex Ecclesiastico præcepto tenentur singulis annis confiteri sua peccata omnes utriusque sexûs fideles, postquam ad annos discretionis pervenerint, si nempe alicujus mortalium sint conscii. 17 Gravati solis venialibus neque præcepto Divino, neque præcepto Ecclesiastico tenentur ad confessionem unquam faciendam. 18 Potest Ecclesia præcipere confessionem aliquorum venialium, & mortalium jam clavibus subjectorum minoris difficultatis. 19 Qui post confessionem de mortalibus mortale commisit, vel recordatur alicujus inculpabiliter omisi, non tenetur iterum eo anno confiteri. 20 Qui anno præterito non fuit confessus, tenetur hoc anno quamprimum confiteri. 21 Per confessionem illegitimam, & sacrilegam non fit satis huic præcepto. 22 Prævidens in principio anni non habiturum poilea occasionem confitendi, tenetur prævenire confessionem.

CONCLUSIO LXXXV.

AD TEXT. IN CAP. *Consideret 1. §. Cantus de Penit. dist. 5.*

PECCATA ante Baptismum commissâ non sunt materia remota Sacramenti Pœnitentiæ. 2 Levia, & gravia jam rite confessa, sunt materia sufficiens hujus Sacramenti, etiam si generaliter subiciantur. 3 Materia necessaria illius sunt mortalia post Baptismum commissâ. 4 Utrum verò peccata commissâ in instanti Baptismi sint etiam materia Sacramenti Pœnitentiæ? Affirmatur. 5 Qui positivè dubitat, an peccatum commiserit, ita ut rationes probabiles habeat, quòd

quoddam non peccaverit, quamvis æquè probabiles, imò fortè probabiliore habent rationes, quoddam peccaverit, non tenetur peccatum illud confiteri. 6 Idem dicendum, si certò confiteri, le peccasse, probabiliter tamen existimet non fuisse mortale, sed tantum veniale. 7 Peccata mortalia negativè dubia necessariò sunt in confessione aperienda, non solum in articulo mortis, sed etiam extra talem articulum. 8 Qui certus est de peccato commissio, dubitat tamen negativè, an illud confessus fuerit, tenetur confiteri tale peccatum. 9 Qui confessus est peccatum, ut dubium, non tenetur postea, cessante dubio, illud confiteri, ut certum. 10 Necessariò debent aperiri species, numerus, & circumstantiæ, non aggravantes, sed speciem mutantes. 11 Interveniencie iustà cautà, potest pœnitens complice manifestare, si ad confessionem integram id necesse sit. 12 Si præceptum urgeat, nec detur alterius confessarii copia, tenetur. 13 Non tenetur declarare voti solemnitate, vel simplicitatem, nec etiam reincidentiam secundum se, nisi de hac interrogetur. 14 Contritio, prout abstrahit à perfectà, & imperfectà, definitur: *Animi dolor, & detestatio de peccato commissio cum proposito non peccandi de cætero.* 15 Ad valorem Sacramenti Pœnitentiæ requiritur formalis dolor, & formale propositum. 16 Non est necessaria contritio perfectà, sed sufficit attritio ad Sacramentum Pœnitentiæ cum effectu recipiendum. 17 Cum proposito sufficienti non peccandi stare potest iudicium probabile reincidentie. 18 Etiam in mortis articulo sufficit attritio, ut talis cognita. 19 Attritio concepta ex metu pœnarum temporalium, quatenus à Deo infligi possunt, est sufficiens ad hoc Sacramentum. 20 Dolor conceptus ex metu pœnarum temporalium, prout infligendarum ab homine, non est attritio sufficiens ad Sacramentum. 21 Attritio concepta ex metu pœnarum, & gehennæ potest esse honesta. 22 Non sufficit dolor existimatus ad valorem Sacramenti Pœnitentiæ. 23 Neque etiam est sufficiens dolor naturalis. 24 Neque dolor inefficax, seu qui non expellat omnem voluntatem, & affectum ad peccatum. 25 Quando confessio fit de solis venialibus, necessarius est dolor formalis, & efficax de illis. 26 In confessione solius venialis etiam requiritur formale propositum. 27 Implicat Sacramentum Pœnitentiæ validum, & informe, seu quod sit verum Sacramentum, & non illico præstat suos effectus.

CONCLUSIO LXXXVI.

AD TEXT. IN CAP. *Qui vult 1. de Pœnit. dist. 6.*



1 D formam Sacramenti Pœnitentiæ requiruntur verba propriè dicta. 2 Forma Sacramenti Pœnitentiæ consistit in his verbis: *Ego te absolvo à peccatis tuis.* 3 Ut salvetur essentia formæ, non requiruntur omnia illa verba, sed sufficient hæc duo: *Absolvo te.* 4 Invalida est absolutio, si proferatur modo deprecativo. 5 Si imperativo, erit ad minus dubia. 6 Et erit nulla, si autoritate Papæ conferatur. 7 Valida est, sed regulariter illicita, absolutio sub conditione deprecativo, aut de præsentia. 8 At sub conditione de futuro est invalida. 9 Nulla ex causa potest absenti licitè conferri. 10 Erit nulla, etsi Sacerdos priùs audierit præsentis confessionem. 11 Si pœnitens per literas mitteret peccata sua confessario, & postea in præsentia ejusdem confessarii diceret, se de omnibus illis accusare, validè absolveretur. 12 Si confessarius in ea sit distantia, ut videat pœnitentem, aut alio sensu illum percipiat, ita ut possit exaudire loquentem voce aliquantulum altiore, non erit absens ad hunc effectum. 13 Si tamen moribundus per literas, vel intermedium vocet confessarium, non poterit hic, domum duntaxat à longè videns, moribundum in illa inclusum validè absolvere. 14 Infirmitas ob mortem imminentem, uno, vel altero peccato audito à confessario, absolvendus est. 15 Quando confessarius, audita parte confessionis, distulit in sequentem diem, & postea reperit moribundum sensibus destitutum, potest illum absolvere. 16 Etiam absolvendus est, si solum se accusavit in genere, & repente sensibus destitutus est. 17 Qui signis, aut verbis dicit se dolere de peccatis, & velle confiteri, absolvendus est, si distinctam peccatorum notitiam impedit morbi gravitas. 18 Absolvendus etiam est moribundus, quando ille, qui Sacerdotem vocavit, & testatus est de desiderio confessionis, non redit, nec alius est, qui in præsentia moribundi testetur Sacerdoti illius desiderium. 19 Pia, & in praxi tenenda est sententia affirmans, absolvendum esse sub conditione moribundum, quem constat Catholicum esse, pièque vixisse, sed repente destitutum sensibus, non in actu peccandi, nullum tamen pœnitentiæ signum, sed tantum motus aliquos edit, ex quibus dignoscitur adhuc vivere. 20 In terminis proximæ resolutionis non solum potest Sacerdos, sed etiam debet moribundum absolvere sub conditione. 21 Quilibet Sacerdos, etiam excommunicatus, vel hæreticus, potest absolvere ab omnibus peccatis, & censuris quemlibet pœnitentem in mortis articulo, vel periculo constitutum. 22 An verò, præsentem proprio Sacerdote, possit simplex Sacerdos in tali articulo moribundum absolvere? Affirmat probabilis, & communis sententia. 23 Absolutus in articulo mortis à calibus reservatis per simplicem Sacerdotem, si postea convalescat, non tenetur coram superiore comparere.

CON-

CONCLUSIO LXXXVII.

AD TEXT. IN CAP. *Ab infirmis* 1. caul. 26. quæst. 7.

SATISFACTIO Sacramentalis definitur: *Compensatio pene temporalis post remissionem peccatorum remanentis, consistens in operibus à confessario taxatis.* 2 Est pars integralis, non essentialis Pœnitentiæ. 3 Ex opere operato causat pœnæ remissionem. 4 Non semper remittit omnem poenam. 5 Impleta in lethali nullum causat effectum. 6 Confessarius obligatur sub gravi culpa ad satisfactionem, seu pœnitentiam injungendam pœnitenti, siue pœnitentia imponenda sit gravis, siue levis, nisi iusta causa omittendi adsit. 7 Debet imponi satisfactio obligans ex præcepto, non consilio. 8 Quamvis relinquatur arbitrio confessarii pœnitentia injungenda; non relinquatur tamen, ut gravem pro levis culpæ, & levem pro gravibus imponat. 9 Peccat graviter confessarius, si pro gravibus peccatis parvam pœnitentiam imponat, nisi ex iusta causa judicaverit eam mitigare. 10 Confessarius potest satisfactionem sub disjunctione imponere, hanc scilicet, vel illam. 11 Possunt imponi in satisfactionem opera pro animabus Purgatorii. 12 Item actus interni, & opus aliud debitum ex præcepto: sed ordinariè id non expedit. 13 Ob peccata publica potest injungi pœnitentia publica, si expediat saluti pœnitentis, & aliorum adificationi. 14 Frequentia Sacramentorum Pœnitentiæ, & Eucharistiæ potest imponi in satisfactionem. 15 Tenetur pœnitens rationabilem pœnitentiam acceptam adimplere. 16 Peccat graviter, si discedat ante absolutionem ob difficultatem pœnitentiæ absque rationabili causa. 17 Licet peccet graviter non acceptando pœnitentiam, siue gravem, siue levem; non tamen peccat graviter, si pœnitentiam levem acceptam non exequatur. 18 Peccat mortaliter pœnitens, si gravem pœnitentiam omittat, quam ei imposuit confessarius sub obligatione levi. 19 Non potest pœnitens propria autoritate sibi commutare pœnitentiam impositam in opus æquale, vel melius. 20 Potest confessarius ex iusta, & rationabili causa pœnitentiam commutare, siue injuncta à se fuerit, siue ab alio confessario inferiori, aut æquali, vel superiori. 21 Etiam potest commutari pœnitentia injuncta pro peccatis reservatis à confessario non habente facultatem reservatorum. 22 Non potest pœnitens propria autoritate substituere sibi alium, qui loco ipsius pœnitentiam adimpleat. 23 Non obligaris sub lethali implere pœnitentiam in gratia. 24 Imò nec sub veniali. 25 Satisfacis, si ponas opus injunctum, quamvis non habens intentionem satisfaciendi. 26 Imò, quamvis habes expressam non satisfaciendi intentionem; sed peccas in ipsa nolitione. 27 Pœnitentia, sine prædefinitione temporis, implenda est, ubi primum commodè potuerit. 28 Notabilis dilatio erit graviter peccaminosa.

CONCLUSIO LXXXVIII.

AD TEXT. IN CAP. *Sacerdos* 2. de *Pœnit.* dist. 6.

SIGILLUM Confessionis est *Obligatio non revelandi, quæ in confessione audita sunt.* 2 Tenetur confessarius ad sigillum ex Jure Nature, Divino, & Ecclesiastico. 3 Obligit sigillum ad non revelanda peccata, etiam si revelatione salus totius mundi sequeretur, aut Christianæ Religionis gravissimum malum vitaretur. 4 Sigillum obligat confessarium, non pœnitentem. 5 Obligit interpretem. 6 Item superiorem, cui se sinit absolutus à reservato, vel à quo petitur licentia absolvendì à reservato. 7 Sola confessio inducit hanc obligationem. 8 Tenetur sigillo is, cui confessarius ex malitia, vel errore peccatum manifestavit. 9 Si v.g. in naufragio, quia aliter non potes, confitearis, aliis audientibus, omnes tenebuntur sigillo. 10 Secus, si ex humilitate velis, aliquos audire peccata tua. 11 Tenetur, qui simulans se confessarium confessionem excipit, quamvis sit haicus. 12 Etiam tenetur, qui confessionem pœnitentis rudis scripsit, ut eam confessario præsentaret. 13 Deobligatur à sigillo Sacramentali inveniens chartam, in qua scripta erant peccata pœnitentis ob jâvamen memorie in confessione Sacramentali. 14 Tenetur tamen strictissimè ad secretum naturale, & graviter peccat, si, postquam advertit peccata gravia contineri, eam legat. 15 Non potest confessarius loqui cum pœnitente extra confessionem de peccatis in confessione auditis absque pœnitentis licentia expressa verbo, vel scripto. 16 Si immediatè post confessionem occurrat error emendandus, vel aliquid, dum judicium Sacramentale moraliter perseverat, non requiritur pœnitentis licentia. 17 Confessarius interrogatus de peccato in confessione audito, potest, & debet negare, etiam cum juramento, se audivisse, & negat sine mendacio. 18 Si non absolvit pœnitentem ob indispositionem, non potest rogatus dicere non absolvisse. 19 Si confessarius fortè peccavit, cum excipit confessionem alicujus, nec possit confiteri

iteri suum errorem, nisi manifestando poenitentem, obligatur non integrè confiteri, sed enarrare cætera peccata, & siere de hoc, donec detur copia confessarii, qui non cognoscat poenitentem. 20 Confessarius non potest uti scientia habita ex confessione ad gubernationem externam. 21 Confessarius tenetur etiam in iudicio negare se peccatum aliquod poenitentis audivisse.

CONCLUSIO LXXXIX.

AD TEXT. IN EXTRAVAG. *Unigenitus* 2. de Poenitentiis, & remissionibus, lib. 5. Extravag. Commun. tit. 9.

- 1 **I**NDULGENTIA strictè sumpta communiter definiri solet: *Relaxatio pæne temporalis debite pro peccatis actualibus jam dimissis, concessa homini existenti in gratia ab habente potestatem per applicationem ex communis thesauro Ecclesie*. 2 Concessus Indulgentiarum est actus jurisdictionis. 3 Indulgentia dividitur in Personalem, Localem, & Realem. 4 Dividitur etiam in totalem, quæ & plenaria dicitur, per quam remittitur tota pœna, quæ esset in Purgatorio luenda, & in partialem, per quam solum remittitur pars pœnæ. 5 Certum est, Indulgentiarum concessionem primario spectare ad Summum Pontificem. 6 Cardinales in Ecclesiis sui tituli possunt concedere Indulgentias ad too dies. 7 Potestas concedendi Indulgentias cum restrictione competit Episcopis, etiam non consecratis, modo confirmati sint. 8 Hæc eadem concessio Indulgentiarum competit Archiepiscopis per totam suam Provinciam, ac Dioceses suffraganeorum, etiam si non sint in actuali visitatione illarum. 9 Pontifex concedens alicui facultatem ad remittenda peccata non intelligitur concedere simul facultatem Indulgentias largiendi. 10 Quando plenaria datur Indulgentia in mortis articulo, ipsam lucratur moribundus, licet mors non sequatur. 11 Potest aliquando Summus Pontifex, vel Episcopus Indulgentias concedere abique iunctione operis alicujus. 12 Ut quis possit Indulgentiam consequi, debet esse viator, & baptizatus. 13 In susceptore Indulgentiarum requiritur gratia. 14 Sufficit, quod ultimum opus ex iunctis fiat in gratia. 15 Item suscepturus Indulgentiam necessario debet præstare ea, quæ præscripta sunt à concedente Indulgentiam, ut eam lucrari possit. 16 Indulgentia nequit extendi ultra tempus à concedente præfixum. 17 Quando Indulgentia sine ulla temporis limitatione concessa est, sed absolute, & simpliciter, per se loquendo, in perpetuum valet. 18 Indulgentia, siue perpetua, siue temporalis sit, potest cessare per revocationem factam à concedente, vel ejus successore, aut superiore. 19 Habens facultatem revocandi Indulgentias potest per se loquendo valide, & licet revocare absque causa. 20 Non cessat Indulgentia revocata, antequam perveniat notitia revocationis ad illos, in quorum favorem concessa fuerat. 21 Indulgentia simpliciter concessa pro mortis articulo potest pluries obtineri, si pluries repetatur mortis articulus. 22 Potest quis obtinere Indulgentiam, si commodatam ab alio habet rem, cui addita est Indulgentia, si præstet opera præscripta. 23 Secus dicendum, si aliter constaret de mente concedentis.

CONCLUSIO XC.

AD TEXT. IN EXTRAVAG. *Quemadmodum* 4. eod. tit. 9. ac lib. 5. Extravag. Commun.

- 1 **J**UBILÆUM est Indultum Pontificis Indulgentiam plenariam, & magna privilegia tribuens certa opera in Brevis præscripta præstantibus. 2 Jubilæum Christianum dividitur in Romanum, Compostellanum, & Extraordinarium. 3 Vi Jubilæi, in quo de facto concedi solet facultas absolvendi à reservatis etiam in Bulla Cœnæ, intelligitur concessa facultas absolvendi etiam ab hæresi, nisi excludatur. 4 In Jubilæo generalis concessio absolvendi à reservatis Sedi Apostolicæ se extendit ad reservata Episcopis. 5 Qui spe Jubilæi incidit in reservata, potest absolvi tempore Jubilæi. 6 Potest poenitens absolvi à reservatis, quæ tempore Jubilæi absolvi possunt, etiam si post illius publicationem commissi sint. 7 Qui lucratus est Jubilæum, si deinde incidat in reservata, potest ab iis absolvi. 8 Absolutus vi Jubilæi à peccatis, quorum meminit, remanet liber à reservatione oblatorum. 9 Qui cum animo lucrandi Jubilæum confessus est reservata, & postea noluit Jubilæum lucrari, manet liber à reservatis. 10 Qui opus aliquod præscriptum ex ignorantia, impotentia, vel negligentia poeni-

penitus omisit, non lucratur Jubilæum. 11 Idem est, si aliqua omittatur operis pars notabilis. 12 Non potes opera præscripta per alium perficere. 13 Poteris nihilominus per famulum elemosinam largiri. 14 Si elemosyna detur distribuenda, & non distribuitur, nihil de Jubilæo obtinebis. 15 Idem dicendum, si elemosyna distribuatur, non tamen intra tempus Jubilæi. 16 Probabilis est, necessarium esse ad Jubilæi consecutionem, quod omnia opera injuncta absolvantur in eadem hebdomada electa ad Jubilæum. 17 aliquis tempore Jubilæi oblitus fuerit commutationis votorum, potest eam exposcere, finito tempore Jubilæi. 18 Quod intellige de votis emissis usque ad ultimum diem Jubilæi, non vero de aliis postea emissis. 19 Commutatio votorum non necessario debet fieri in confessione. 20 In Jubilæo extraordinariæ conceditur confessarii electio, etiam Regularibus. 21 Confessarius virtute Jubilæi eligibilis debet esse approbatus ab Ordinario loci. 22 Si à Regularibus eligatur pro confessario Sacerdos regularis, non sufficit, quod hic Sacerdos sit approbatus à Prælato proprio Regulari. 23 Habens Beneficium curatum etiam est eligibilis in confessarium tempore Jubilæi. 24 Qui habuit Beneficium curatum, sed nunc non habet, non potest eligi in confessarium. 25 Nomine habentis Beneficium Parochiale, qui possit in confessarium eligi tempore Jubilæi, non veniunt Prælati Religionum, Guardiani, Abbates, Rectores, Provinciales, &c.

CONCLUSIO XCI.

AD TEXT. IN CAP. *Literis* 18. de *Consecr. dist. 3.*

DEFINITUR Extrema-Unctio: *Sacramentum novæ legis ad ungendos infirmos ordinatum in salutem animæ, & corporis.* 1 Eius materia remota est oleum olivarum. 2 Debet esse ab Episcopo benedictum necessitate Sacramenti. 3 Non sufficit, quod sit benedictum à simplici Sacerdote ex facultate Pontificis. 4 Si oleo olivarum immisceatur balsamum, aut similis liquor in parva quantitate, erit utique materia valida ad hoc Sacramentum ministrandum. 5 Illicitum est in administratione hujus Sacramenti adhibere oleum benedictum anno elapso. 6 Excusaret tamen necessitas à quocunque peccato. 7 Materia proxima Sacramenti Extremæ-Unionis est unctio aliquarum partium corporis. 8 Hæc unctio debet fieri in formam Crucis. 9 Non est tamen de necessitate Sacramenti facere unctionem in modum Crucis. 10 Item non est de necessitate Sacramenti, quod hæc unctio fiat manu immediate Sacerdotis. 11 Est tamen de necessitate præcepti, excepto tempore pestis, vel ubi datur contraria consuetudo. 12 Unctio quinque sensuum solum est necessaria necessitate præcepti. 13 Forma istius Sacramenti constat ex verbis: *Per istam Sanctam Unionem, &c.* 14 Invocatio Sanctissimæ Trinitatis non est de essentia Extremæ-Unionis, licet talis sit respectu Baptismi, & Confirmationis. 15 Minister necessarius, & sufficiens hujus Sacramenti est solus Sacerdos. 16 Subjectum capax hujus Sacramenti est solus homo viator baptizatus, adultus, & in periculo mortis ob infirmitatem constitutus. 17 Sufficit ad ministrandum hoc Sacramentum, quod prudenter judicetur infirmus laborare periculo mortis. 18 Pueris habentibus usum rationis, si in periculo mortis fuerint, ministrandum est hoc Sacramentum. 19 Ministrandum est hoc Sacramentum adulto, qui immediate post Baptismum commiserit. 20 Durante eodem mortis periculo, nullatenus iterari debet, imo nec potest, hoc Sacramentum. 21 Secus verò, ipsi periculo cessante, & alio adveniente. 22 Communis sententia docet, per se loquendo, non obligari sub gravi infirmum fidelem ad hoc Sacramentum recipiendum. 23 Peccat tamen venialiter, si sine iusta causa illud suscipere omittat. 24 Gravior peccat infirmus, si omittat suscipere hoc Sacramentum ex contemptu. 25 Parochus tenetur ex officio illud ministrare, peccatque lethaliter, si ita differat, ut exponat infirmum periculo decedendi absque unctione.

CONCLUSIO XCII.

AD TEXT. IN CAP. *Nemo contemnat* 31. cauf. 11. quæst. 3.

CENSURA strictè sumpta definitur: *Pæna Ecclesiastica medicinalis subditi privans aliquo bono spirituali ad eorum correctionem.* 1 Dividitur adequatè in Excommunicationem, Suspensionem, & Interdictum. 2 In eam, quæ est ab homine, & quæ est à Jure. 3 In eam, quæ est à Jure, & quæ est ferenda. 4 Potestas reperta in Ecclesiis ad censuras imponendas est de Jure Divino. 5 Institutio censurarum est de Jure humano. 6 Potestas ferendi censuras vel est ordinaria, vel delegata. 7 Po-

8 Potestate ordinaria ferendi censuras gaudet primò Papa. 9 Deinde Concilia Generalia respectu totius Ecclesiæ, & Provincialia respectu suarum Provinciarum. 10 Eminentiissimi Cardinales in propriis Ecclesiis. 11 Patriarcha, Archiepiscopus, Episcopus, & Capitulum, Sede vacante, in suis Diocesisbus, eorumque Vicarii. 12 Item Religionum Generales, Provinciales, & etiam Prælati locales juxta Ordinum suorum constitutiones. 13 Parochi ex Jure communi ea potestas non convenit. 14 Delegatam verò potestatem ferendi censuras habent illi, quibus ordinaria potestate gaudentes eam committunt. 15 Potestas ferendi censuras non potest per Prælatos inferiores delegari laico, attento Jure Canonico. 16 Potest licet à Pontifice delegari de plenitudine potestatis. 17 Fœminæ solo Jure Ecclesiastico sunt inhabiles ad habendam prædictam potestatem. 18 Solus viator baptizatus, non perpetuò amens, rationilve usu carens, ligari potest censuris. 19 Impuberes possunt validè ligari censuris, non tantum à Jure, sed etiam ab homine latis. 20 Communitas, ut talis, excommunicari non potest. 21 Si tamen constet, communitatis singulos deliquisse, validè, & licet excommunicatur communitas, saltem accepta distributivè. 22 Mortui non feriuntur censuris, nisi indirectè. 23 Nullus fidelis effugit potestatem Pontificis in ferendis censuris. 24 Imperator, ac Rex non ligatur censuris ab Episcopo latis. 25 Ligatus una censura potest iterum alia, etiam ejusdem speciei, ligari. 26 Censura ob solam culpam ferri potest. 27 Sufficit culpa levis ad incurrendam Minorem excommunicationem. 28 Censura gravis nec licet, nec validè potest infligi pro peccato veniali. 29 Pro peccato merè interno censura infligi non potest. 30 Ut incurratur censura, satis est peccatum per accidens occultum. 31 Ut censura incurratur à subditiò, debet peccatum esse consummatum in illa specie, in qua sub tali pœna prohibetur. 32 Pro peccato purè præterito non potest censura imponi.

CONCLUSIO XCIII.

AD TEXT. IN CAP. *Sacro* 48. de *Sententia Excommunicationis*, lib. 5.
Decret. tit. 39.

UT incurratur Censura lata à Jure, vel ab homine ad futurum peccatum præcavendum, nulla requiritur specialis monitio. 2 Excipe, nisi Jus ipsum in casu aliquo particulari velit, aliam admonitionem accedere. 3 Quando censura ab homine fertur pro culpa præteritis, aut præsentibus respectum habentibus in futurum, ad eam contrahendam necessaria est prævia monitio Canonica. 4 Hęc monitio debet esse trina, vel una tribus æquivalens. 5 Ex defectu tamen trinae monitionis censura non redditur nulla, sed injusta. 6 Excipe, nisi lata sit contra præstantes cum excommunicato ab eodem Judice. 7 Monitio debet fieri autoritate, & nomine Judicis laturi censuram. 8 Item debet fieri coram testibus, qui de illa testificari possint. 9 Quando censura fertur contra personam aliquam particularem, & determinatam, admonitio facienda est coram illa persona. 10 Quando suspensio, vel interdictum fertur in communitatem, facienda est admonitio delinquenti, ob cujus delictum fertur interdictum, vel suspensio. 11 Summus Pontifex tenetur in censuris ferendis aliquam (quamvis non Canonicam) monitionem servare. 12 Si detur justa causa, potest Summus Pontifex omittere Canonicam monitionem in censuris ferendis. 13 Prælati Regulares imponentes censuras suis subditis tenentur ex vi Juris præmittere Canonicam monitionem. 14 In Religionibus tamen, in quibus consuetudo in contrarium præscripsit, non tenentur illam præmittere. 15 Quando delictum est publicum, ejusque author notorius, etiam præmittenda est necessariò monitio Canonica. 16 Utrum verò subditus possit cedere Juri monitionis Canonicae, ita ut, illa non prævia, possit censuris ligari? Negativè resolvimus. 17 Ignorantia invincibilis Juris, sive communis, sive particularis, excusat à censura per tale Jus imposita. 18 Quod procedit, etiam si res sit prohibita simul Jure Divino, & humano, & hoc tantum ignoretur. 19 Item excusabitur ab incurrenda censura, qui sciat rem esse ab Ecclesia prohibitam, ignoret tamen, prohibitam esse sub pœna censura. 20 Ignorantia vincibilis tam Juris communis, quam particularis liberat à censura, etiam quando est graviter culpabilis, modò crassa non sit, vel supina. 21 Etiam si crassa sit, aut supina, excusat à censura lata contra scienter, & consultò operantes. 22 Ignorantia invincibilis facti, aut qualitis facti excusat à censura tali facto, aut ejus qualitatè imposita. 23 Idem extendit ad ignorantiam facti culpabilem, modò non sit crassa, aut supina. 24 Metus gravis excusat ab incurrenda censura. 25 Censura semel contracta per solam absolutionem tollitur. 26 Absolutio à censura vi, & metu cadente in virum constantem extorta est nulla. 27 Non est tamen invalida censura lata à Judice vi, metuque cadente in virum constantem.

CON-

CONCLUSIO XCIV.

AD TEXT. IN CAP. *Excommunicatos* 17. caus. 11. quæst. 3.



EXCOMMUNICATIO definiri solet: *Censura Ecclesiastica privans communicatione fidelium.* 2 Dividitur in Maiorem, & Minorem. 3 Per Excommunicationem simpliciter intelligitur Maior. 4 Non omnis publicus excommunicatus Excommunicatione Maiori est vitandus iure novo, sed solus excommunicatus expressè denunciatus, aut notorius Clerici percussor, cujus factum non possit aliqua tergiversatione celari, vel aliquo suffragio excusari. 5 Excommunicatio Maior privat communibus Ecclesiæ suffragiis. 6 Grave peccatum est applicare pro excommunicatis communia suffragia Ecclesiæ nomine ipsius facta. 7 Item non est licitum applicare suffragia Ecclesiæ pro excommunicatis in communi. 8 His suffragiis privatur etiam excommunicatus contritus, qui à delicto respuit, nec per ipsum fiat, quin absolvetur. 9 Quæres: An licitum sit fidelibus pro excommunicatis toleratis publicas orationes, & Sacrificium Missæ offerre? Probabilior est sententia negativa. 10 Si Sacerdos Christi nomine, & ut Minister ab ipso deputatus, offerat Sacrificium Missæ pro excommunicato, quicumque sit, excommunicatus Sacrificii fructum percipiet. 11 Si verò offerat Sacrificium pro excommunicato, ut Minister Ecclesiæ est, & illicitè applicat, & invalidè. 12 Poterit tamen Sacerdos, ut privata persona, orare, & sacrificare licitè, atque utiliter pro quolibet excommunicato. 13 Excommunicatus, quicumque sit, privatur receptione Sacramentorum. 14 Validè nihilominus Sacramenta suscipit, excepto Sacramento Pœnitentiæ. 15 Si excommunicatus ex ignorantia, vel oblivione non manifestaret censuram, nec Sacerdos ab ea absolveret, probabilius est, eo casu valere absolutionem, si nihil aliud deest. 16 Sacramenta à Ministro excommunicato collata valida sunt. 17 Excipitur Sacramentum Pœnitentiæ ab excommunicato vitando ministratum extra casum necessitatis. 18 Illicitè tamen, & sacrilegè à quolibet excommunicato Sacramenta ministrantur, nisi causa legitima illum excuset ab observatione censuræ. 19 Excommunicatus vitandus sola gravi necessitate excusabitur. 20 Ut toleratus excusetur, sufficit fidelem petitiō. 21 Excommunicatus, etiam toleratus, nequit assistere Sacrificio Missæ. 22 Poterit tamen toleratus interservire Sacro, si alius non adsit, qui interservire sciat. 23 Si adhibeat socium in recitatione privata Divini Officii, non peccat graviter. 24 Est liber excommunicato ingressus Ecclesiæ, ut ibi privatim oret.

CONCLUSIO XCV.

AD TEXT. IN CAP. *Cum excommunicato* 18. caus. 11. quæst. 3.



EXCOMMUNICATUS vitandus privatur omnino Ecclesiasticâ sepulturâ, etiam si pœnitentiæ signa exhibuisset. 2 Excommunicatus autem toleratus eâ donari potest, dummodo exhibitis contritionis signis e vita decesserit. 3 Excommunicatus, qui in foro pœnitentiæ fuit absolutus in mortis articulo, potest in loco sacro sepeliri. 4 Certum est, nullam omnino, & invalidam esse collationem Beneficii Ecclesiastici factam excommunicato. 5 Idem extendit ad pensiones Ecclesiasticas p̄ aliquod spirituale ministerium dari solitas. 6 Excommunicatus validè acceptat Beneficium, dum est excommunicatus, si illi collatum fuit, antequam incideret in excommunicationem. 7 Si tamen collatio fiat tempore, quo aliquis erat excommunicatus, Beneficium nulliter acceptatur, etiam post obtentam absolutionem. 8 Excommunicatus obtinens Beneficium, aut pensionem tempore excommunicationis non potest eorum fructus percipere, nec Beneficium permutare. 9 Post Beneficium legitime acceptum non privatur eo, quamvis possit privari, si in Excommunicatione inordestat, & contumacia gravis sit. 10 Excommunicatus vitandus privatur omni usu, & exercitio Ecclesiasticæ jurisdictionis. 11 Unde non solum illicitè, sed invalidè usurpat excommunicatus vitandus Ecclesiasticæ jurisdictionis actus. 12 Excommunicatus toleratus validum usum retinet jurisdictionis non coactivæ. 13 Hac jurisdictione licitè utitur à fidelibus requisitus. 14 Etiam in foro seculari gesta ab excommunicato vitando nulla sunt, si à jurisdictione pendunt. 15 Unde Judicis munus nec validè exercere potest, nec licitè. 16 Item nequit esse actor in Iudicio, sed erit à Iudice repellendus. 17 Insuper neque advocatus esse valet, aut testis, nisi in casibus in Iure concessis. 18 Potest tamen excommunicatus trahi tanquam reus ad iudicium, & ibi, quæ in sui defensionem necessaria sunt, præstare. 19 Excommunicatus autem toleratus ad actus iudiciales admitti potest. 20 Poterit etiam à Iudicio exceptæne Excommunicationis repelli. 21 Valida est admissio professionis Religiosæ facta à Prelato excommunicato. 22 Prohibita est fidelibus communicatio, etiam civilis, & politica, cum excommunicato vitando.

vitando. 23 Ea tamen communicatio pluribus de causis liberatur à culpa. 24 Difficultas est: An validi sint contractus initi ab excommunicato cum non excommunicato? Probabilior est sententia affirmativa. 25 Jam temporis usu receptum est, ac consuetudine firmatum, unicam tantum dari Excommunicationem Minorem à Jure impositam ob participationem cum excommunicato vitando. 26 Definiri: *Censura privans Sacramentorum receptione*. 27 Nec alium habet effectum directum, nisi hujusmodi privationem. 28 Innodatus Excommunicatione Minori nequit licite ad Ecclesiasticum Beneficium eligi. 29 Si tamen eligatur, non est ipso Jure irrita ejus electio, sed irritanda per Judicem.

CONCLUSIO XCVI.

AD TEXT. IN CAP. *Quia periculosum* 4. de *Sententia Excommunicationis* in 6.

1 **S**USPENSIO, de qua agimus, definiri solet: *Censura, quæ Minister Ecclesiæ formaliter impeditur, ne functiones Ecclesiasticas exerceat, aliquot potestate utatur.* 2 Alia est ab Officio tantum, alia à Beneficio tantum; alia denique ab Officio, & Beneficio simul. 3 Personæ, quæ suspendi possunt, necessario debent esse Clerici. 4 Quilibet Clericus quacunque dignitate fulgens suspendi potest. 5 Sub generali tamen suspensionis decreto non comprehenduntur Episcopi, nisi specialiter exprimantur. 6 Hoc privilegium extenditur ad Episcopos electos, & confirmatos, ac nondum consecratos. 7 Suspendio potest terri in cōmunitatem. 8 Suspendio abiciuntur laici suspendi ab Officio, & Beneficio. 9 Suspendus ab Ordine non est ipso facto suspendus à jurisdictione. 10 Suspendus à collatione Ordinum non est suspendus à collatione primæ Tonsuræ. 11 Nec suspendus à collatione primæ Tonsuræ est suspendus à collatione Ordinum. 12 Episcopus suspendus à Pontificalibus est suspendus ab eis, quæ illis annectuntur, non vero suspendus est ab eis, quæ ad jurisdictionem pertinent. 13 Suspendus ab Ordine superiore non ideo suspendus est ab Ordine inferiore. 14 Similiter suspendus ab Ordine inferiore non prohibetur ab exercitio Ordinis superioris, nisi actus illius includat actum Ordinis interioris, à quo suspendus est. 15 Suspendus ab Officio absolute prolata, nulla restrictione apposta, suspendit ab omni Officio Ordinis, & jurisdictionis spiritualis. 16 Controversi solet: An suspendus ab Officio sit etiam suspendus à Beneficio? Probabilior est sententia negativa. 17 Suspendio absolute ab Officio non potest licite conferri Beneficium Ecclesiasticum. 18 Utrum vero hujusmodi collatio sit irrita ipso facto? Affirmamus. 19 Si suspendus ab Officio Officia Divina solemniter exercent, lucrabitur, & retinere poterit fructus Officio inique exercito correspondentes. 20 Suspendus absolute ab Officio vocem habet in Capitulo. 21 Suspendus absolute à jurisdictione non est suspendus ab usu, & exercitio Ordinis. 22 Suspendio à Beneficio non privat Beneficio, sed tantum illius fructibus. 23 Suspendus absolute à Beneficio intelligitur suspendus ab omnibus illis, quæ actu possidet, nisi contrarium ex intentione ferentis colligatur. 24 Suspendio ante incursum appellationem potest suspendi. 25 Debet tamen appellatio esse ex causa rationabili, & legitima.

CONCLUSIO XCVII.

AD TEXT. IN CAP. *Si Civitas* 17. ET CAP. *Quoniam* 19. eod. tit. in 6.

1 **I**NTERDICTUM est *Censura Ecclesiastica prohibens usum Divinorum, quatenus à fidelibus haberi possunt.* 2 Interdictum aliud est locale, quod immediate locum afficit; aliud personale, quod immediate afficit personas; aliud mixtum, quod immediate afficit locum, & ejus incolas. 3 Subdividitur Interdictum locale in generale, & speciale. 4 Interdictum personale vel est totale, vel parziale. 5 Sub Interdicto locali generali civitatis comprehenduntur suburbia, & ædificia continentia. 6 Illa ad hunc effectum dicuntur ædificia continentia, ad quæ populus absque gravi difficultate confugere potest pro audiendis Divinis. 7 Interdictum Diocesani, vel filius civitatis, in qua Cathedralis est, comprehendit ipsam Cathedralē. 8 Si aliqua Ecclesiæ interdicta fuerit, illud Interdictum comprehendit Capellam, & Cæmeterium contiguum. 9 Secus dicendum de alia Ecclesiā, quæ contigua esset interdictæ, nec ipsi accessoria esset. 10 Per Interdictum locale generale ab Episcopo latum interdiciuntur etiam Ecclesiæ Regularium exemptorum. 11 Interdictum personale generale non solum afficit personas laicas, & Ecclesiasticas, sed etiam innocentes, quæ non dederunt causam Interdicto. 12 Ab hoc Interdicto generali personali excipiuntur Episcopi, nisi exprimantur. 13 Item infantes nondum attingentes septennium, & amentes; non ideo tamen donari possunt Ecclesiastica sepultura. 14 Definiet esse interdictus, qui à populo recederet, alibi domicilium suscepturnus. 15 Interdicto populo, Clerus non maneret eo ipso interdictus. 16 Neque, interdicto Clero, manent eo ipso interdicti Religiosi. 17 Interdictis Doctoribus alius

ius Universitatis, censentur interdicti Doctores Clerici illius Universitatis. 18 Tempore Interdicti potest suscipi, & conferri Baptismus tam parvulis, quam adultis, five sanis, five infirmis. 19 Administratio huius Sacramenti io ipsonet tempore Interdicti potest, & debet esse solemnis in Ecclesia, & ritibus consuetis, ac si Interdictum non adesset. 20 Etiam Sacramentum Confirmationis ministrari potest eum solemnitate prærequisita ad illud, & januis apertis. 21 Potest etiam tempore Interdicti suscipi, & administrari Sacramentum Pœnitentiæ quibuscunque fidelibus, qui non dederint causam Interdicti, & qui non sint aliunde excommunicati. 22 Potest quoque administrari tempore Interdicti localis, & personalis generalis Eucharistiæ Sacramentum constitutum in probabili mortis articulo. 23 Sacerdotes, & laici, quibus concessum est ex privilegio assistere Divinis tempore Interdicti, possunt laicali modo cõmunicare. 24 Tenentur fideles tempore Interdicti adimplere præceptum annuæ Cõmunionis in Paschate. 25 Non licet Sacramentum Extreme-Unionis tempore Interdicti ministrare. 26 Si tamen infirmus nullum aliud Sacramentũ recipere possit, debet illi ministrari Extrema Unctio tempore Interdicti. 27 Sacramentũ Ordinis non potest administrari, & recipi tempore Interdicti localis, vel personalis à specialiter interdictis. 28 Tempore Interdicti, etiam inter personas interdictas, celebrari potest matrimonium.

CONCLUSIO XCVIII.

AD TEXT. IN CAP. *Alma Mater* 24. eod. tit. in 6.

DE Jure novissimo Clerici non solum semel in hebdomada, sed singulis diebus possunt tempore Interdicti celebrare, & Officia Divina peragere in quibuscunque Ecclesiis, quibuscumque servatis. 2 Interdictum absolute prolatum, five locale sit, five personale, five generale, five speciale, privat Ecclesiasticam sepulturam. 3 Ab hac privatione Ecclesiasticæ sepulturæ tempore Interdicti localis generalis, vel personalis eximuntur Clerici, dummodo non fuerint interdicti specialiter personaliter, nec causam culpabilem Interdicto dederint, aut Ecclesiasticum Interdictum violaverint per actionem propriam Clericorum, nec cum laicis communem. 4 Nomine Clericorum intelliguntur omnes personæ Ecclesiasticæ, five seculares, five Regulares, viri, & femine, etiam Religionum Novitii. 5 In usu tamen huius privilegii observandæ sunt quædam conditiones, quas dabimus. 6 Communio, & probabilior sententia docet, posse Clericum in Ecclesia specialiter interdicta sepeliri, dummodo Clericus sit illius Ecclesiæ. 7 Gravior difficultas est: An Clericus extraneus, & non adiectus Ecclesiæ specialiter interdictæ, possit in ea sepeliri? Affirmativam sententiam amplectimur. 8 Quæres: Utrum quilibet fidelis, qui non fuerit specialiter interdictus, possit publice sepeliri in loco interdicto in illis Festivitatibus, in quibus de Jure, vel ex privilegio suspenditur Interdictum? Probabilior est sententia negativa. 9 Laicus habens privilegium assistendi Divinis Officiis, & Sacramenta recipiendi tempore Interdicti, non potest ex vi huius privilegii habere Ecclesiasticam sepulturam. 10 Interdictus ab ingressu Ecclesiæ privat exercitio Ordinis Sacri in Ecclesia. 11 Privatur insuper audirione Divinorum Officiorum in Ecclesia. 12 Utrum vero possit Missam celebrare, aut Divina Officia audire in Cœmeterio? Affirmamus. 13 Non privatur ab ingressu Ecclesiæ, quando Divina non celebrantur. 14 Concessio facta interdictis in cap. *Alma Mater* pro quatuor Festivitatibus in ipso contentis extenditur ad interdictos ab ingressu Ecclesiæ. 15 Laici Interdictum violantes Sacramenta recipiendo, aut assistendo Divinis Officiis, graviter peccant. 16 Clerici tam seculares, quam Regulares violantes Interdictum, quodcumque fuerit, graviter peccant ex genere suo, nisi levitas materiæ excuset. 17 Clerici, Religiosi, & Moniales Interdictum locale violantes redduntur inhabiles ad electionem, tam activam, quam passivam. 18 Clerici etiam Regulares Interdictum locale violantes suspenduntur ab Officio, & Beneficio, & consequenter à jurisdictione. 19 Religiosi, qui Interdictum generale loci, quod ab Ecclesia Matrice observatur, in suis Ecclesiis non observaverint, vel celebrando, vel admitiendo alios ad Divina Officia, incurrunt ipso facto excommunicationem. 20 Religiosi, etiam exempti, tenentur publicare Interdicta ab Ordinariis lata; salvis tamen eorum privilegiis.

CONCLUSIO XCIX.

AD TEXT. IN CAP. *Accusatus* 5. ET CAP. *Quamvis* 7. caul. 3. quæst. 6.

DEPOSITIO, de qua agimus, definitur solet: *Pena Ecclesiastica privans Clericum Officio, vel Beneficio in perpetuum, & Jure ordinis irreversibiliter.* 2 Deposito alia est totalis, partialis alia. 3 Depositus privatur fructibus, non autem titulo Beneficii. 4 Venit tamen privandus. 5 Deposito non privato Beneficio debent alimenta assignari ex fructibus Beneficii. 6 Secus dicendum, si Beneficio spoliatus fuerit. 7 Degradatio duplex est; verbalis una, realis, & actualis alia. 8 Si degradatio verba-

CONCLUSIO LXIV.

AD TEXT. IN CAP. *Significasti* 4. CAP. *Quanto* 7. ET CAP. *Gaudemus*
8. de Divortii, lib. 4. Decret. tit. 19.

ADULTERIUM est sufficiens causa ad divortium faciendum quoad torum, & habitationem in perpetuum. 1 Non solum conceditur marito divortium perpetuum facere ob adulterium uxoris, sed etiam uxori ob adulterium mariti. 3 Sodomia habita à viro cum propria uxore, quamvis invità, non dat justam causam ad divortium perpetuum, sed tantum ad tempus. 4 Si uxor probabiliter credens maritum esse mortuum, alii nubat, vel etiam fornicetur, non præbet justam causam faciendi divortium. 5 Idem dicendum, si ab ipsa omnino invita per violentiam extorqueatur copula. 6 Controvertitur tamen: An adulterium commissum per metum cadentem in constantem virum det alteri conjugum causam sufficiens divortii? Affirmantibus subscribimus 7 Si uterque conjux adulterium commisit, nequit fieri divortium. 8 Imò, si ob adulterium uxoris facta est separatio quoad cohabitationem, & torum, & vir etiam postea fornicetur, sive adulterium committat, redintegrari debet matrimonium antea dissolutum, ita ut ad uxorem suam teneatur redire, & cum cohabitare, etsi divortium factum sit per sententiam Judicis. 9 Divortium tollitur reconciliatione, vel condonatione injuriæ, sive condonatio sit facta expresse, sive tacite. 10 Quando uterque conjux fuit adulter, sed unus emendatus, alter verò non, potest conjux emendatus divortium celebrare, si admonitus alter conjux in adulterio persistat. 11 Si adulterium publicum, & notorium sit, poterit conjux innocens propria autoritate ab adultero recedere, tamen quoad debiti redditionem, quam cohabitationem mutuam. 12 Ob adulterium alterius privatum, & occultum potest conjux innocens propria autoritate recedere, saltem pro foro conscientie, & supposito, quod certo moraliter constat adulterium commissum. 13 Si conjux innocens velit ultro reconciliari nocenti post factum divortium, tenetur nocens acceptare, & ad cohabitationem redire, modo neuter conjugum statum mutaverit. 14 Etsi conjux innocens, si velit, possit reconciliari adultero resipiscenti, & cum illo redintegrare matrimonium, non tamen ad hoc tenetur. 15 De fide statutum est à Tridentino, dari alias causas ultra adulterium, quæ inducant separationem conjugum, non perpetuum, sed tantum ad tempus. 16 Hæresis cum pertinacia dat causam sufficientem conjugum innocentium divertendi à conjugate hæretico. 17 Conjug Catholicus propria autoritate separatus ab uxore hæreticâ non potest Sacros Ordines suscipere, aut in Religione profiteri. 18 Non tenetur conjux Catholicus reconciliari cum uxore hæreticâ resipiscenti ab hæresi, ob quam judicio Ecclesiæ damnata fuit. 19 Hinc sequitur, conjugem Catholicum postea Religionem convolare, Sacros Ordines assumere, aut in sæculo manere, etiam si invita sit uxor de hæresi damnata, sed resipiscens. 20 Conjug Catholicus copulam habens cum uxore hæreticâ ante sententiam damnationis, non ideo censetur condonare. 21 Secus, si post sententiam copulam haberet, & animum expressum condonandi. 22 Sævitia conjugis, seu periculum gravis damni, & pessimæ translationis, quæ aliter vitari non possit, dat causam sufficientem divortii. 23 Non solum dat causam sufficientem ad divertendum sævitiam præteritam, sed etiam probabilis, & fundatus timor sævitie futuræ. 24 Grave periculum animæ dat sufficiens motivum divertendi ad tempus à conjugate incitante ad peccatum, qui monitus non desistit.

CONCLUSIO LXV.

AD TEXT. IN CAP. *Cum essent* 12. CAP. *Tua nos* 34. ET CAP. *FIN. de Simonia*,
&c. lib. 5. Decret. tit. 3.

SIMONIA definitur: *Studiosa voluntas emendi, aut vendendi aliquid spirituale, vel spirituali annexum.* 1 Est peccatum ex genere suo mortale, & gravissimum. 3 Ob solam puritatem materiæ nequit esse veniale. 4 Dividitur in eam, quæ est Juris Divini, & illam, quæ est Juris positivi Ecclesiastici. 5 Item in Mentalem, Conventionalem, & Realem, ad quas reducitur etiam simonia Confidentialis. 6 Fictæ promittens temporale pro re spirituali, quamvis graviter peccet, non est verè simoniacus. 7 Pretium simoniacum dividitur communiter à DD. in munus à manu, à lingua, & ab obsequio. 8 Non est simonia dare aliquid gratis pro re spirituali, vel dare spirituale ratione puræ amicitie, vel consanguinitatis, quamvis ab amico, vel consanguineo collator aliquid acceperit, dummodo non fuerit traditum, & acceptum, ut spirituale conferatur. 9 Dare quodcumque donum, vel obsequium temporale absque ulla recipientis obligatione ex sola spe gratitudinis, & intuitu remunerationis per spirituale donum exhibendæ, nec simoniacum est, nec, per se loquendo, illicitum. 10 Imò nec simoniam committit, qui spem hanc suam accipiendi Beneficium Ecclesiasticum, vel aliud

aliud quid spirituale, explicat illi, cui dedit temporale, & gratum ab illo animum postulat, modo temporale omnino gratis detur, & absit omne pactum, & voluntas alterum obligandi. 11 Non committitur simonia, si detur Beneficium Ecclesiasticum benefactori temporali ex gratitudine, & ad satisfaciendum obligationi antidotali inde ortæ, dummodo gratitudo non deducatur in pactum. 12 Datur simonia, etsi dicatur dari temporale non tanquam pretium, sed tanquam motivum consequendi spirituale. 13 Si res, vel actus spiritualis detur, aut exerceatur ob finem temporalem extrinsecum, committitur simonia. 14 Similiter committitur simonia, quando res, vel actus spiritualis præstatur principaliter propter finem temporalem intrinsecum. 15 Secus dicendum, si res, vel actus spiritualis præstetur minus principaliter propter finem temporalem extrinsecum. 16 Si quæras: An simoniaca sit pactio, qua Clericus convenit de stipendio, siue congrua sustentatione personæ suæ, antequam in se suspiciat obligationem ministrandi spiritualia? Respondemus negativè. 17 Etiam non est simoniaca pactio solvendi debita ab antecessore in Beneficio nomine Ecclesiæ contracta. 18 Recipere aliquid in professione, vel ingressu Religiosi in Religionem pro illius sustentatione, non est simoniacum. 19 Etiam si monasterium dives sit, licitum est aliquid recipere pro sustentatione, & de hoc pacisci. 20 Labor intrinsecus, & necessariò conjunctus cum operibus spiritualibus non potest pretio compenari absque simonia. 21 Aliter dicendum de extincto, & per accidens talibus operibus conjuncto. 22 Mediator assumens curam prædicæ informandi Prælatum de meritis talis personæ, potest pro hoc munere pretium recipere. 23 Permutatio Beneficiorum, si fiat autoritate privata, est illicita, & simoniaca. 24 Secus dicendum, si fiat autoritate Superiorum. 25 Tractare partes de permutatione Beneficiorum, etiam sub onere pensionis, ante consensum Prælati, non est illicitum, nec simoniacum. 26 Permutare res spirituales extra materiam Beneficiorum non est simonia.

CONCLUSIO LXVI.

AD TEXT. IN CAP. *Judei* 5. CAP. *Ita quorundam* 6. CAP. *Sicut* 9. ET CAP. *Cum sit* 16. de *Judeis*, etc. lib. 5. Decret. tit. 6.

INFIDELITAS adequatè dividitur in Paganismum, Judaismum, & Hæresim. 1 Certum est, non licere Catholico admittere infidelem ad Sacramentorum participationem. 2 Jure Ecclesiastico prohibitum est fideli admittere infidelem non baptizatum ad Sacrificium Missæ, nisi ex admissione specialis fructus sperari possit. 4 Jure Divino, & Naturali prohibita est communio fidelis cum infidelibus in suis ritibus, & superstitioso cultu. 5 Inter Christianos licetè tolerantur Judæi. 6 Non est licitum fabris Christianis laborare in ædificandis, vel restaurandis Synagogis Judæorum, aut delubris Paganorum. 7 Judæi non possunt inviti, & nolentes compelli ad Baptismum suscipiendum. 8 Si in contemptum nostræ Religionis aliquid faciant, puniri possunt ab Ecclesia, & Inquisitoribus. 9 Quoad alia delicta de Jure communi coerceri debent, non ab Ecclesia, sed à Principibus, & Magistratibus, in quorum territorio degunt. 10 Si Judex secularis in hoc deficeret, ad id compellendus esset per censuras à Jure Ecclesiastico. 11 Certum est, infideles non baptizatos, qui temporali jurisdictioni Papæ, aut alicujus Principis Christiani subiecti non sunt, nec à Papa, nec ab alio Principe Christiano compelli posse ad audiendam fidem, & Evangelium. 12 Utrum verò infideles subditi ad id compelli possint? Affirmamus. 13 Prohibetur Christiani sub pœna excommunicationis ipso facto incurrenda deferre, seu transmittere arma ad infideles. 14 Incurrunt hanc excommunicationem, etiam si non deferant arma nomine proprio, sed alieno. 15 Quæres: An comprehendantur etiam vendentes, commodantes, commutantes, vel gratuitò donantes? Probabilior est resolutio affirmativa. 16 An verò excommunicatio extendatur etiam ad Christianos, qui morantur in terris suis, & arma vendunt infidelibus ad eos venientes? Verius opinatur, qui affirmant. 17 Non excusantur, quamvis ea vendant pacto inito cum infidelibus, ne eis utantur contra Christianos. 18 Non opus est, quòd arma deferantur animo favendi infidelibus, sed satis est, quòd spe lucris, aut ob cupiditatem deferantur. 19 Si delata sint pro redemptione captivorum, qui aliter liberari non possunt, non incurritur excommunicatio. 20 Probabilius tamen est, id fieri non posse absque licentia speciali Papæ. 21 Non incurrit hanc excommunicationem Princeps Christianus, qui injustè ab alio Principe Christiano vexatus, seculo scandalo, convocaret infideles, aut hæreticos in sui defensionem, iisque non sufficienter armatis præberet arma, si alius non suppetat modus se defendendi. 22 Illicitum tamen erit Principi Catholico hoc efficere, ne alter Princeps Catholicus superior evadat. 23 Hæc excommunicatio comprehendit etiam eos, qui infidelibus præstant auxilium, consilium, vel favorem contra Christianos.

CON-

CONCLUSIO LXVII.

AD TEXT. IN CAP. *Excommunicamus* 13. de *Hæreticis*, lib. 5. Decret. tit. 7.

- C**ERTUM est, omnes hæreticos incurrere excommunicationem latæ sententiæ, & post Bullam Cœne reservatam Summo Pontifici. 2 Ut quis censatur hæreticus, non opus est, quod moneatur de suo errore; sufficit enim, quod agnoscat se contradicere Ecclesiæ. 3 Qui deliberatè, & positivè dubitat de aliqua veritate revelata, & ut tali ab Ecclesiâ sufficienter proposita, est formaliter hæreticus. 4 Assentiens fidei mysterio assensu opinativo extrinsecè formidoloso censuræ subiacet, ut verus hæreticus. 5 Credens unum fidei articulum ab Ecclesiâ definitum, quem tamen ex conscientia erronea putat aliter definitum esse ab Ecclesiâ, est hæreticus. 6 Secus dicendum, si falsum credat existimans ex eadem conscientia ita esse definitum ab Ecclesiâ. 7 Siquis sentiens contra Ecclesiâ paratus sit ab ipsâ corrigi, dummodo argumentis convincatur, pro hæretico reputandus est, etiam si illico ab hoc errore resipiscat. 8 Negans conclusionem deductam ex una de fide & altera scientifica, non est hæreticus. 9 Secus verò dicimus, si neget conclusionem deductam ex utraque de fide. 10 Ad hæresim non sufficit error in fide, nisi conjugatur cum pertinacia, juxta terminos textûs in cap. *Dixit Apostolus*, 24. q. 3. 11 Pertinacia in eo stat, quod quis sciens suum errorem adversari universalis Ecclesiæ Christi in terris doctrinæ, nihilominus illum huic doctrinæ præferat. 12 Gravis questio est inter DD: quænam ignorantia excuset ab hæresi? Respondeo, omnem ignorantiam, etiam crassam, & affectatam, excusare, licet affectetur animo liberius peccandi. 13 Catechumenus cum pertinacia adhærens alicui errori fidei contrario, licet apud Deum sit verus hæreticus, non ut talis ab Ecclesiâ puniatur, neque censuris, neque aliis hæreticorum pœnis. 14 Hoc idem asserimus de invalidè baptizato. 15 Ille, de cujus Baptismo dubitatur, & errat in fide, si inter fideles natus, & educatus est, hæreticus est putandus, & ut talis ponendus: secus verò, si inter infideles. 16 Magis controversum est: Utrum baptizatus per vim, & contra fidem delinquens, habendus sit pro hæretico? Reputandum esse hæreticum affirmamus. 17 Ut censura lata contra hæreticos incurratur, requiritur manifestatio interna hæresis mortaliter peccaminosa. 18 Proferens in somno, vel ebrietate suam hæresim, quam mente retinet, non incurrit excommunicationem, licet ad id ipsum ebrietatem, vel somnum elegerit. 19 Si verò somnus, aut ebrietatem dissimulet, tunc manet excommunicatus. 20 Quid de eo ceniendum, qui verbis æquivocis internum errorem contra fidem proferret? Probabilis est, esse hæreticum, & innodari excommunicatione lata contra hæreticos. 21 Utrum verò scribens hæresim characterebus sibi tantum notis, vulgo *cifras*, incidat in hanc censuram, & aliis pœnis in hæreticos latis subiacet? Noo subest.

CONCLUSIO LXVIII.

AD TEXT. IN CAP. *Ex literarum* 2. de *Apostatis, & reiterantibus Baptisma*, lib. 5. Decret. tit. 9.

- Q**UI culpabiliter Baptismum publicè iterat, evadit irregularis. 2 Idem dicendum de eo, qui ex officio ministrat in tali iteratione Baptismi publici. 3 Ut rebaptizans, & ejus minister ex officio irregulares evadant, debet iteratio esse gravior culpabilis. 4 Item rebaptizans debet esse minister ex officio, ut huic irregularitati subiaceat. 5 Non est tamen hæc irregularitas totalis, & absoluta, sed tantum partialis, & secundum quid. 6 Controvertitur inter DD. An incurratur irregularitas ista, si Baptismus reiteratus fuerit occultus? Negativam sententiam amplectimur. 7 Qui se culpabiliter rebaptizari permittit, incurrit irregularitatem absolventi, & simpliciter, adeoque nec ad Ordines promoveri potest; nec in susceptis ministrare. 8 Non incurrit hanc irregularitatem rebaptizans, si rebaptizavit eum, quem putabat non esse baptizatum. 9 Baptizans ex malicia, quem baptizatum putabat, qui reverà non erat, licet gravior peccet, non incurrit tamen irregularitatem. 10 Irregularitatem incurrunt rebaptizans, aut rebaptizatus ex metu gravi cadente in constantem virum, dummodo rebaptizans intentionem habeat baptizandi, aut rebaptizatus intentionem iterum habeat suscipiendi Baptismum. 11 Si verò intentionem illam non habent, sed fide id efficerent, irregularitatem non incurrerent. 12 Idem dicimus in foro conscientie de eo, qui absque metu, & coactione rebaptizaret, aut rebaptizaretur absque animo conficiendi Sacramentum Baptismi. 13 Qui sub conditione baptizatur illum, quem scit esse baptizatum, vel temerè, & absque præmissa diligenti rebaptizaret sub conditione, quem ignorat baptizatum esse, vel non, irregularitatem non incurrit. 14 Pro aliorum Sacramentorum iteratione non incurritur irregularitas, si Sacramenta imprimant characterem, ut Confirmatio, & Ordo, si ve non imprimant. 15 Qui liberè, & absque urgenti necessitate Baptismum ab hæretico suscipit, sit irregularis. 16 Secus verò dicendum, si adultus absque culpa ab hæretico Baptismum suscipit, vel quia probabiliter hæreti-

cum non putabat, vel quia iustam habebat necessitatem suscipiendi ab eo Baptismum. 17 Qui differunt Baptismum usque ad senectutem, vel ægritudinem, aut aliud mortis periculum, fiunt irregulares. 18 Quod intelligendum est, si dilatio fuerit libera.

CONCLUSIO LXIX.

AD TEXT. IN CAP. *Interfecisti* 2. CAP. *Sicut ex literarum* 20. ET CAP. *Postulasti* 21. de *Homicidio voluntario, vel casuali*, lib. 5. Decret. tit. 12.

HOMICIDIUM definitur: *Violenta exanimatio hominis ab homine facta*. 2 Aliud est voluntarium, aliud casuale. 3 Nunquam licitum est se ipsum occidere. 4 Non tenemur uti mediis extraordinariis ad vitam conservandam. 5 Possunt omitti etiam media ordinaria ex motivo virtutis. 6 Licitum est, & aliquando cadit sub obligatione facere aliquid, ex quo prævidetur mors secutura. 7 Quando Princeps, servato Juris ordine, concessit omnibus facultatem occidendi bannitos, potest quicumque illos occidere sine peccato. 8 Non licet marito occidere uxorem in adulterio deprehensam. 9 Idem dicendum, si maritus esset Iudex. 10 Hinc deducitur, uxorem, & adulterum possit licite se defendere, & cum moderamine inculpatae tutelæ etiam occidere maritum, à quo iniuste invaduntur. 11 Utrum verò adulter occidens cum moderamine inculpatae tutelæ irregularitatem incurrat? Negantibus subscribimus. 12 Nunquam licitum est directe occidere innocentem. 13 In nullo casu licet directe procurare abortum, siue factus sit animatus, siue inanimatus. 14 Nihilominus licitum est dare pharmacum matri, siue scindere venam, si id tendat de sua natura ad restituendum illi sanitatem, quamvis secundario prævideatur secuturus abortus. 15 Si quæras: An procurans abortum incurrat irregularitatem in dubio, fuerit, necne factus animatus? Negativè resolvimus. 16 Cum moderamine inculpatae tutelæ licitum est occidere injustum aggressorem, etiam ad defendendum extraneum innocentem. 17 Etiam licet prævenire, & occidere injustum invaluorem, à quo quis esset occidendus, si merito timeat, quod non poterit postea resistere, nisi præveniat violentem occidere. 18 Licitum est occidere injustum invaluorem bonorum fortunæ, si sint magni momenti, nec alia via possint defendi, aut recuperari. 19 Non possunt licite occidi accusatores, testes, & Judices, etiam iniuste spoliandi essemus rebus, quas actu possidemus, vel impediendi à possessione rei, ad quam jus habemus. 20 Non licet occidere eum, qui nititur calumniam inferre. 21 Post alapam impactam non est licitum occidere, seu vulnerare percussorem fugientem. 22 Quando Princeps iusto titulo possidet regnum, & solo regimine est tyrannus, non potest à quocunque privato occidi. 23 Licitum est interficere tyrannum, qui sine iusto titulo conatur invadere regnum. 24 Quod intelligendum etiam est, quamvis illud jam sine iusto titulo occupaverit.

CONCLUSIO LXX.

AD TEXT. IN CAP. *Signis viduam* 8. dist. 50. CAP. *Aliquantos* 1. dist. 51. & Clement. unic. *Si furiosus de Homicidio voluntario, vel casuali*, lib. 5. Clement. tit. 4.

HOMICIDA voluntarius est irregularis, quamvis homicidium sit occultum. 2 Hanc irregularitatem incurrit mandans, si ex mandato intimatque homicidium, abortus, aut mutilatio sit secuta. 3 Neque excusatur, quamvis ante homicidium patratum mandatum revocarit, si revocatio mandatario non innotuit. 4 Irregularis etiam sit consulens, & persuadens homicidium, si ex vi talis consilii perpetretur. 5 Quod intelligendum, etiam si revocatio consilii intimata sit ei, cui hoc datum est, si mors fuerit secuta. 6 Si plures vulnera infixierint, quæ singillatim accepta ex se lethalia non sint, si simul sumpta mortem induxerint, omnes censendi sunt irregulares. 7 Qui voluntarie non impediunt homicidium, vel mutilationem, quam tenentur ex iustitia, vel officio impedire, irregularitatem incurrun. 8 Secus dicendum, si solum ex charitate teneantur impedire. 9 Ratum habens homicidium in sui gratiam factum non incurrit irregularitatem. 10 Fit irregularis, qui aliquem mutilat, vel occidit graviter excedendo in sui defensione moderamen inculpatae tutelæ. 11 Non fit irregularis, qui dat operam rei licitæ, & sufficienter præcavet periculum, ne ex tali actu mors alterius, vel mutilatio sequatur. 12 Idem dicendum de eo, qui dat operam rei illicitæ, si omnis diligentia sit adhibita ad homicidium præcavendum. 13 Propter homicidium, vel mutilationem iustam etiam incurrit irregularitas, quæ dicitur ex defectu perfectæ lenitatis. 14 Hanc incurrit quilibet Iudex Summo Pontifice inferior, qui fert sententiam mortis, aut mutilationis. 15 Ab hac irregularitate eximuntur Inquisitores hæreticæ pravitatis, Officiales ejusdem Sacre Inquisitionis.

verbalis authentica, & solemniter fieri debet de aliquo Clerico in Minoribus constituto, sufficit proprius Episcopus. 9 Debet tamen esse praesentes aliqui de Clero Capitulum representantes, ut sententia sit valida. 10 Quod intelligendum, nisi aliud consuetudine firmatum fuerit. 11 Si degradatio fieri debeat de Clerico in Sacris constituto, requiruntur sex alii Episcopi, si degradandus sit Sacerdos. 12 Si Diaconus, aut Subdiaconus sit, requiruntur tres Episcopi. 13 Quando Episcopi commodè haberi nequeunt, adhibendi sunt totidem Abbates, habentes usum mitræ, & baculi. 14 Quod si in Dioecesi totidem Abbates commodè adhiberi non possint, adhibendæ erunt personæ in dignitate constitutæ. 15 Excipitur tamen casus hæresis. 16 Si Episcopus degradandus sit, per Pontificem degradandus erit. 17 Cognitio tamen causæ fieri debet per Metropolitanum, convenientibus omnibus Episcopis totius Provinciæ, qui ad minus debent esse duodecim ultra Metropolitanum. 18 Si degradandus fuerit Religiosus, & exemptus, nullus alius præter Pontificem degradationis sententiam ferre potest. 19 Episcopus potest alteri delegare facultatem deponendi, & degradandi realiter. 20 Episcopus non consecratus, sed tantum electus, & confirmatus, potest deponere, & degradare verbaliter tantum. 21 Episcopi, aut aliæ personæ in dignitate constitutæ, quarum præsentia necessario requiritur ad degradationem, habent votum decilivum. 22 Requiritur insuper in degradatione Sacerdotis, aut Diaconi, ut omnes simul conveniant cum Episcopo in sententia degradationis ferenda, nemine discrepante. 23 Degradatio realis potest fieri ex commissione proprii Episcopi per alium Episcopum consecratum. 24 Qui depositus, aut degradatus actualiter fuerit, non potest iterum in pristinum statum restitui, nisi autoritate Pontificis, regulariter loquendo. 25 Potest tamen Episcopus dispensationem concedere, post peractam poenitentiam, ob depositionem solum verbaliter factam propter crimina, quæ minora fuerint adulterio. 26 Nec requiritur consensus Capituli ad hanc dispensationem faciendam ab Episcopo.

CONCLUSIO C.

AD TEXT. IN CLEMENT. *Ex frequentibus 1. de Sententia Excommunicationis, Suspensionis, & Interdicti*, lib. 5. Clement. tit. 10.

CESSATIO à Divinis est *Prohibitio Ecclesiastica Clericis imposita obstinendi ab Officiis Divinis in aliquo loco.* 2 Hæc prohibitio non est censura, sed quædam Divinorum Officiorum negatio in signum doloris, ac tristitiæ conceptæ ab Ecclesia ob gravissimam injuriam sibi, & honori Divino illatam, & in illius reparandam. 3 Cessatio à Divinis alia est generalis, alia specialis. 4 Nullam determinat personam afficit, sed omnes quæ arceat à Divinis celebrandis in locis, ubi imposita est. 5 Nullus alius præter Summum Pontificem cessationis effectus limitare potest. 6 Prohibet Divina Officia. 7 Quæ prohibitio directè afficit Clericos, & ad laicos extenditur. 8 Privilegium concessum in Cap. *Alma Mater* pro quatuor solemnioribus Festivitatibus non est extendendum in rigore juris ad cessationem à Divinis. 9 Nihilominus ex benignitate Ecclesiæ, & ex quadam equitate, & consuetudine hæc extensio faciendæ est. 10 Privilegium concessum Clericis, ut in loco interdicto possint Officia Divina celebrare submissâ voce, januis clausis, & campanis non pulsatis, non extenditur ad cessationem à Divinis. 11 Quando quis privilegium habet audiendi Divina, vel celebrandi tempore Interdicti, vi talis privilegii non potest ea audire, vel celebrare tempore cessationis. 12 Excipe privilegium concessum communitati, vel personis in dignitate constitutis. 13 Licitum est tempore cessationis à Divinis celebrare in qualibet Ecclesia semel in hebdomada pro renovanda Eucharistia. 14 Possunt etiam Clerici recitare Horas in particulari, bini, vel terni. 15 Spectato juris rigore, solus Baptismus, & Poenitentia in periculo mortis, ac Viaticum tempore cessationis potest ministrari. 16 Ex benignitate tamen Ecclesiæ possunt ministrari omnia Sacramenta, quæ ministrari possunt tempore Interdicti. 17 Privatio sepulture non provenit à cessatione per se sumpta, sed ab Interdicto, quod sæpe semper supponit. 18 Delictum, propter quod imponitur, debet esse notorium, & manifestum oortoreitate facti, ut ejus scandalum possit cessatio occurrere. 19 Qui causam dedit cessationi iussit, reparare debet omnia damna, quæ innocentibus personis inde proveniunt. 20 Insuper arbitrio superioris condemnandus est in aliqua quantitate convertenda in augmentum cultus Divini. 21 Religiosi exempti tenentur fervare, & publicare cessationem impositam ab Episcopo, vel Capitulo, & observatam ab Ecclesia Matrice. 22 Laici violantes cessationem arbitrio iudicis puniri debent. 23 Clerici, & Religiosi, tam exempti, quam non exempti, incurrunt ipso facto excommunicationem, si cessationem generalem à Matrice observatam violent. 24 Ex violatione cessationis specialis nulla pœna ipso jure contrahitur.

CONIMBRICÆ:

Ex Typ. in REGIO ARTIUM COLLEGIO SOC. JESU, Anno Domini 1742.

Cum facultate Superiorum.

